

### Insait

**Pes 2...**  
As bilong rausim  
Baure

**Pes 3...**  
Nesenel Kot  
rausim hos res  
masin

**Pes 16 - 17**  
Lukim ol pro-  
jek bilong  
Japan long Lae

**Pipel tokaut long  
pamuk pasin  
pes 12**

**Ragbi lig i gat  
ol nupela lo  
- pes 32**

## TOKSAVE

Wantok Niuspepa i  
stap yet:  
telepon namba:  
**325 2500**  
fax namba:  
**325 2579**  
email:  
word@global.net.pg  
Opis long Waigani  
Draiv - hapsait  
long BSP Benk.

# Prais bilong stua kaikai bai dia yet

*...Gutpela stori bilong Kina na  
ekonomi i no inap helpim yet*

### Yakam Kelo i raitim

PRAIS bilong ol kaikai na ol samting long stua bai i no inap kam daun maski Gavman i tok strong bilong mani i wok long kamap gut na ol wok na bisnis bilong mekim mani na kirapim kantri i wok long kamap strong nau.

Prais bilong ol kaikai na ol samting bilong stua bai i no inap kam daun nating we

planti pipel i ting bikos long gutpela nius bilong gavman. Bikos planti bilong ol dispela kaikai na ol samting em i kam long narapela kantri.

Menesa bilong Konsuma Proteksen Joseph Cajetan wantaim Konsuma Afeas Kaunsil (CAC) i tokaut olsem planti kaikai na kago yumi lukim long stua i save kam long ol ovasis kantri. Na prais bilong ol i narakain

bihainim wol prais.

Olsem na yumi long PNG i no inap mekim wanpela samting long prais. Yumi bilong kisim wanem kain prais i kam long yumi taim ol bisnis o kampani i hangamapim prais bilong ol wantaim ol kaikai na kago bilong ol.

Mista Cajetan i tok ol kaikai olsem flaua, rais na ol abus i save kam long ovasis maket maski mipela i save putim long plastik o tin long hia bai prais bilong ol i stap antap tu. Tasol bikpela samting em gavman i save

sasim impot takis long ol kampani na bisnis husat i baim ol dispela kaikai na kago na karim i kam insait long Papua Niugini.

Olsem na wanpela rot bilong daunim prais em long gavman i ken daunim takis long ol kaikai na kago i kam long ovasis bai ol bisnis i baim ol dispela samting i ken daunim prais bilong ol. Sapos nogat, ol bai surukim dispela prais i go long ol pipel long peim long stua, Mista Cajetan i tok.

Na dispela takis tasol em ol pipel bai pilim long prais bilong stua samting.

Em i tok dispela em samting bilong gavman long lukluk na skelim gut polisi bilong em long takis. Taim gavman i sanapim takis long ol kago na ol samting ol bisnis na kampani i save baim i kam long ovasis, dispela takis ol kampani i peim i save go antap long prais bilong ol kaikai na ol samting ol i salim long ol kastoma.

Mista Cajetan i tok gutpela senis long strong bilong Kina em i no bikpela senis tumas. Em liklik senis tasol na i no inap mekim wanpela bikpela senis long prais na kos bilong ol samting long stua. Bai i mas sampela taim bihain long strong bilong Kina i kamap gut na strong na ol prais i ken orait long ol pipel bikos strong bilong Kina i mas antap long arapela ovasis mani long baim ol dispela kago na samting i kam long ovasis maket.

Prais bilong ol kaikai long stua i stap antap yet maski i gat dispela kain gutpela nius i kam long gavman bilong Somare.

Ol bikpela kaikai olsem rais na flawa em nogat wanpela toksave yet long bai prais i pundaun o nogat.

Opis bilong Konsuma Afeas Kaunsil (CAC) i tokaut olsem ol i bin kisim planti komplek na toktok i kam long pablik long dispela samting we ol i laik save sapos Konsuma Afeas Kaunsil bai daunim prais long ol kaikai na ol samting long stua.

Strong bilong mani (Kina) i wok long kam bek gut nau na tu benk bilong Papua Niugini i wok long kamapim na sevim sampela moa mani insait long risev akaun bilong en. Dispela em bikos kantri i wok long mekim mani bihain long em i salim ol samting i go long ovasis maket na tu pulim sampela bikpela bisnis i kam insait long kantri olsem long Ramu Nikel projek na arapela bisnis invesmen.

Dispela prais bilong ol kaikai na ol samting long stua i givim bikpela het pen long planti manmeri insait long ol taun na siti tude. Ol ples lain tu i save pilim dispela hevi bilong prais bikos taim ol kaikai na ol samting i go daun long ol stua long ples, prais i surik igo antap yet.

Wantok i traim long kisim toktok bilong tupela bikpela stua long Mosbi tasol ol i no stap redi long toktok.



**Rais em rait ya!** Wokman bilong JICA em Profesa Jun-nosuke Ito i soim ol rais em i save mekim stadi long en long yunivesiti long Lae. Em i save skulim ol agrikalsa sumatin long nupela save bilong kamapim gutpela pikinini rais na planim long drai graun long PNG. Foto: YAKAM KELO

## GUTPELA GARDENS TOOLS. OLI STRONG NA STAP LONG LIKLIK PRAIS TASOL

ISTAP LONG OLGETA



DIDIMAN STOA NA DEALER  
KLOSTU LON YU.

HOLSEL NA RETAIL  
SPESOL PRAIS LONG BIKPELA ODA

Sapotim wok didiman  
insait long PNG !!

DRAIN SPADE -S311MH K17.95	DRAIN SPADE -S511MH K17.95	GARDEN FORK -F207MH K19.95	GARDEN SPADE -S612MH K17.95	GARDEN SPADE -S621MH K17.95	JEEP SHOVEL -SJ503MH K17.50	JEEP SHOVEL -SJ503H K8.95	GARDEN FORK -F107MH K19.95	SPADE HEAD -S512A K7.95
----------------------------------	----------------------------------	----------------------------------	-----------------------------------	-----------------------------------	-----------------------------------	---------------------------------	----------------------------------	-------------------------------



POLIS RIPOT

Isten Hailens:

POLIS long Kainantu i holim pasim pinis wanpela ronawe kalabus man husat i wok long mekim planti trabel long Kainantu na long Isten Hailens.

Ol polis ripot i no tokaut long nem bilong dispela strongpela kriminel tasol i tok man ya i bin ronawe long Kainantu haus kalabus long las yia. Em bin stap long kalabus long wanem em bin wokim holap wantaim gan na stil long Sama Institut ov Linguistik (SIL) long Goroka las yia tasol em bin ronawe na stap hait inap nau. Plis ripot i tok taim man ya i ronawe hait i stap, em i wok long kamapim ol stil pasin long Kainantu eria.

Ol polis ripot i tok polis i bin holim pasim em long maket ples we ol bin sutim em long tupela lek na ol bin kisim em i go long Goroka Beis Haus sik long kisim marasin.

Ol ripot i tok stap long Kainantu i no gupela tumas long wanem ol kriminel pasin i wok long kamap bikpela.

Mekim na wanpela man Kainantu i stap long haus sik bihain sampela lain i paitim em nogut tru. Ol dispela raskol i save tagetim tu ol bisnis haus olsem ol stoa long wokim holap na stil pasin long ol.

Polis long Kainantu wok long painim hat long karimaut wok bilong ol long wanem ol i sot long ka.

Lae:

POLIS long Lae bai strongim sekyuriti bilong ol long lukautim ol ka na pipel husat i yusim haiwe taim Makam Bris i bagarap.

Na ol i wokim tok lukaut tu i go long ol pipel i stap long haiwe namel long Lae i go long Mumeng, Bulolo na Wau long noken mekim nabaut long ol ka na pipel i yusim haiwe rot.

Polis i mekim dispela tok lukaut bihainim wanpela birua i bin kamap long las wik we sampela man nogut i bin katim han bilong wanpela man long ka wantaim naip.

Polis i tokaut olsem ol man nogut i bin ting olsem dispela ka i karim pei bilong ol woklain bilong Morobe Konsolidetet Golfils kampani.

Ol i bin salim ol polis Mobail Skwat 13 long go sekim dispela trabel.

Polis ripot i tok ol man nogut i bin wokim dispela pasin klostu long ples Gurakor.

Polis i tok ol lain i ron long kar i gat rait long ron long dispela haiwe wantaim nogat pret pasin long ol raskol i hensapim ol na olsem, ol i askim ol yut na pipel long dispela haiwe rot long noken wokim trabel na holim pasim na stil long ol.

Polis ripot i tok bikos Makam Bris i pas, sampela ol bikpela kampani i wok long tromoim bikpela mani long yusim rot na trenspotim ol kaikai, timba na ol masin long dispela haiwe rot. Dispela em ol kampani olsem Zenag Prodaks, PNG Fores Prodaks na MCC-Adele Ltd.

Polis nau i putim strongpela sekyuriti na was long dispela haiwe rot i stap.

Ol ripot i tok ol sevis na wok namel long Mumeng, Bulolo, Wau na Menyamyia i go gut tasol nau bihainim tripela wik ol bin stap long hevi taim Makam Bris i bagarap. Dispela i kamap long wanem ol i stretim pinis seksen bilong bris we i bin bruk na hap rot long Lae em ol i stretim pinis.

# Wanem as tru long rausim bilong Baure?

## William Natera i raitim

JONATHAN Jay Baure, man tupela Federel Polis opisa bilong Australia i bin rausim long Sydney bipo long em inap long sanap long wanpela kot keis bilong em egen-sim Minista bilong Imigresen na Multikalsarel na Indijines Afeas bilong Australia, i tok olsem nau Federel kot long hap i laik save long wanem as tru ol polis i bin rausim Mista Baure.

Mista Baure, husat ol polis i bin rausim long Sydney na karim i kam long, Pot Mosbi, Papua Niugini, wanpela mun i go pinis i tok loya bilong em long Sydney i tokim em olsem Federel Kot long Australia i wok long traim long painimaut husat tru i bin givim tok orait long rausim em long hap taim em i bin gat wanpela kot keis long sindaun long en na ol i laikim wanpela investigesen o wok painim i go insait long dispela hevi.

Mista Baure, husat i bin stap long Australia long 3-pela yia pinis wantaim tok orait bilong gavman bilong ol, i bin laik kisim Minista bilong Imigresen na Multikalsarel na Indijines Afeas i go long kot long pait long rait bilong ol manmeri husat mama i bin karim bipo long Indipendens De (Septemba 16, 1975) o husat i bin gat krisman aninit long 19 long dispela taim olsem ol i ol sitisen bilong Australia na i mas kisim ol gupela samting ol sitisens long hap i wok long kisim nau yet.

Em i tok olsem long Australia taim man i gat aplikesen long sanap long kot, nogat man inap rausim yu inap ol kisim oda bilong kot.

Em i tok dispela em i bikos Papua i bin wanpela teritori stret bilong Australia na i no wanpela koloni olsem planti manmeri i bilip. Dispela i min olsem ol manmeri husat em i toktok long en antap i no nid long holim visa (pepa we i

makim taim we wanpela i inap stap long narapela kantri) long go o stap long Australia.

Mista Baure i tok em i laik kisim dispela hevi i go long kot i no long kisim mani tasol long kisim luksave bilong gavman bilong Australia long dispela lo we em i bin painimaut long en.

Em i bilip olsem long dispela as tasol ol polis i bin rausim em, tasol dispela i no stret long wanem em i no i bin mekim wanpela rong, em i laik sanap long kot tasol.

Mista Baure i tok olsem taim ol polis i bin rausim ol i bin mekim hait, long traipela morning, givim em sut long mekim bun bilong em i slek na holim pasim em taim em i bin laik sakim ol, karim em i go long ples balus na kam wantaim em long Pot Mosbi.

Em i tok we ol i bin kisim em i olsem ol i bin stilim em na i no dipotim em (we ol gavman i save rausim ol manmeri i go bek long kantri bilong ol sapos ol i mekim rong)

Em i tok nogat toksave i bin go long gavman bilong PNG long rausim bilong em na taim Wantok Niuspepa i askim Dipatmen bilong Imigresen na Foren Afeas bilong PNG long dispela, mipela i bin kisim wankain toktok.

Tasol Dipatmen i tok tu olsem Australia i no nid long toksave long PNG sapos em i laik rausim wanpela sitisen bilong ol. Wan wan taim tasol dispela i save kamap na taim i gat sikiriti risk o sans long hevi long kamap.

Planti taim pinis Wantok Niuspepa i askim Hai Komisn bilong Australia long PNG long bekim ol dispela toktok bilong Mista Baure, tasol inap nau nogat wanpela bekim i kam.

Loya bilong Mista Baure i wok long traim long kisim wanpela oda long kot we bai tok orait long em long i go bek na sanap long dispela kot.

Wantok Niuspepa bai bihainim yet dispela stori bilong Mista Baure.



Givim bikpela luksave Ol nesenel lida husat i bin kamap long opening bilong nupela Henganofi Distrik opis. Lephani go long rait em Dokta Bahanare Bun, Deputi Praim Minista Moses Maladina, Bire Kimisopa, Pius Wingti, Tim Neville na Peter Ipatas. Dispela nupela opis bai helpim long lukautim gut ol laikim na belhevi bilong ol pipel long hap na tu i soim developmen we isi isi i wok long kamap long hap tu. Ol manmeri i ken amamas na lukautim dispela nupela opis. Foto: SAPE METTA.

## PNG bai kisim gupela helpim moa long EU

PAPUA Niugini bai kisim gupela helpim moa long Yuropien Yunien (EU) bihainim 10 moa kantri i kamap memba bilong em. Na mak bilong mani we EU bai bungim long sait bilong maket na tred em long K24 bilien insait long wanpela yia.

Man i makim EU long PNG em Anthony Crasner i tok PNG em i wanpela long ol 78 memba kantri bilong Afrika, Karibien na Pasifik (ACP) Pek kantri na ol lain i memba long EU i bin lukautim ol pastaim long ol i kamap indipenden na olsem ol na PNG bai kisim mani helpim i kam long EU. Na moa yet, long dispela taim, 10-pela moa kantri i joinim EU na strongim wok mani bilong Yunien.

Mista Crasner i tok

moa PNG bai benefit o kisim gupela samting moa long ol polisi bilong EU olsem Cotonou Agrimen.

Em i tok tu olsem bai i gat ol sans long nupela wok developmen na tred i kamap long neks yia.

Tasol em i tok gavman i gat moa wok long mekim long painim ol eria we em i lukim long kisim helpim i kam long dispela ol fanding bilong EU.

Tenpela kantri i kamap memba bilong EU em Jek Ripablik, Estonia, Lituania, Hangari, Malta, Polan, Slovenia na Slovakia.

Dispela em ol kantri long Isten Yurop na planti bilong ol i bin kam aninit long foma Soviet Yunien pastaim tasol nau em i bruk na nogat.

# TORO


KRISMAS NALI TORO GO BAIM WANPELA KATEN BIA NA SAMPPELA MIT LONG FRAM LONG BABAKILI PLET...



EM GIVIM MIT LONG MISIS LONG FRAM NA BAGIA KIK-OFF LONG DRING...



EM SPAK NOGUT TRU NA BIASTIM REDIO NA WOK LONG DANIS ISTAP...



INO LONG TAIM EM ABRIS NA PUNDAUN ANTAP LONG BABAKILI PLET NA GRIS IACTIM ASS BILONG EM...



## Spak pasin kirapim bikpela pait long Kavieng

PASIN bilong spak namel long ol yangpela manki long Kavieng taun long Nu Ailan provins i wok long kamapim planti hevi we pait i save bruk na ol gutpela manmeri i save kisim bagarap nating.

Long wik i go pinis, ol manki bilong wanpela setelmen klostu long Kavieng taun ol i kolim Mongol i bin spak na statim pait long wanpela stoa insait long taun.

Wanpela man ol i paitim em bilong ples Kulangit insait long taun.

Bihain long dispela wanpela man bilong Hailans i bin kisim bagarap.

Ol manmeri bilong Kulangit i bin go daun long Mongol viles na bagarapim ol man long ap long bekim bek bagarap wantok bilong ol i kisim.

Sampela ripot i kam

long ol manmeri long Kavieng i tok olsem ol wantok bilong dispela man Hailans i bin askim kompensese long ol manki Mongol.

Tasol taim *Wantok Niuspepa* i toktok wantaim ol polis man long Kavieng polis stesin, opis bilong Ekting Polis Komisina Laimo Asi i tok olsem dispela pait em i no bikpela tumas na olgeta samting i orait nau.

Ol i tok olsem i gat planti stori i kamaut long dispela pait, tasol i nogat bikpela birua i bin kamap.

Ol i tok olsem dispela pait i bin kamap bihain long ol mangi bilong Mongol i bin spak na mekim trabol nabaut long taun.

Ol polisman i tok olsem long Tunde na long Trinde, olgeta samting i ron stret insait long taun na olgeta bisnis i wok orait.

## Ol tisa laik stopim ol nupela sumatin bilong neks yia

OL TISA long Kerevat Nesenel hai skul i laikim bai nogat nupela enrolmen bilong ol sumatin i stat long neks yia.

Dispela em wanpela rot we ol i laik i mas kamap bai ol inap long stopim dispela paol pasin we ol gret 12 sumatin i save paitim ol nupela sumatin na bosim ol long stap insait long ol jenesen nem grup we ol i tok ol sumatin i save lotu long satan.

Dispela wanpela rot em i stap wantaim 4-pela arapela rot we ol tisa i laikim bai Nesenel Edukesen Dipatmen i luksave long em na givim tok orait long em i kamap.

Dispela kain jenesen sistem i save kamap we ol sumatin husat i stap insait pinis i mas kisim ol nupela sumatin we ol i makim long joinim ol.

Planti toktok i kamap pinis long dispela samting we planti papa mama i save pret nau long salim ol pikinini bilong ol i go long ol nesenel hai skul.

Ekting Provinsal Edukesen Edvaisa, Rennie Matane i tok olsem dispela em wanpela rot we ol tisa bilong Kerevat i laik bai i mas kamap long stopim dispela kain pasin.

"Mipela i bin tingting long katim dispela sistem, tasol Kerevat em i

stap aninit long lukaut bilong Nesenel Edukesen Dipatmen na mipela i no inap long mekim wanpela samting long provinsal edukesen opis. Mipela i mas kisim tok orait na luksave bilong Edukesen dipatmen pastaim," em i tok.

Ol arapela proposel o rot ol tisa i kamapim em:

- Kamapim wanpela kibung bilong skul kaunsol long makim mekimsave agensim ol gret 12 sumatin i lotu long satan na i stap long pait agensim ol gret 11 sumatin las wiken;

- Olgeta man gret 12 sumatin bai i mas go skul long narapela hap o kamap dei sumatin;

- Ol gret 12 tisa noken givim skul long ol man gret 12 sumatin; na

- Olgeta tisa i noken go tis inap ol i save olsem sekuriti bilong ol i strong.

Kerevat polis i tok olsem sampela gret 11 sumatin tasol i bin go sindaun long klasrum na ol gret 12 man sumatin i stap long wanpela spots resis ausait long skul.

Las wiken, skul i bin kamapim wanpela kibung bilong ol papa mama long paitim toktok long ol paol pasin i wok long kamap insait long skul.



Dispela toksave i go aut long olgeta manmeri husat i save ritim *Wantok Niuspepa* na ol bisnis husat i save mekim wok bisnis wantaim mipela olsem mipela bai muv i go long nupela opis nau na ol telepon namba bilong mipela 325 2500 bilong telepon na 325 2579 bilong feks i wok bek gen. Sapos yu laik lusim toksave o mekim wok bisnis wantaim mipela, yu inap long kisim mipela long ol dispela namba.

**Balus long Nadzab i go long Mosbi long las wik Fraide i bin narakain tru. PX 103 i mekim planti pasindia i kirap nogut taim wokman bilong Air Niugini long Nadzab i rausim ol pasindia bilong dispela flait. Em i tok Mosbi i rausim bikpela balus F28 na salim liklik balus bilong kisim 39 pasindia tasol. Sori, planti turis na ol bikman bilong ovasis i sotwin na sindaun 4-pela aua gen long Nadzab na wetim PX 293 long 4 kilok apinun. Ples tu i hot na turangu, ol i sotwin na sindaun slip i stap.**

Wanpela bikman bilong Morobe i bin amamas gut tru na singsing tokples Tolai long Fonde apinun long Lae International Hotel. Ol i amamas long gutpela bung bilong ol Morobe long Lo na Jastis na gutpela wok bung bilong ol Morobe. Tasol long Fraide em de nogut bilong em bikos em ol Morobe i bruk long vot i nogat bilip long siti meya bilong Lae. Bikman ya i no stap long vot. Ating skin i mas hevi na em i stap long haus o?

**Narakain tru ya. Pangu Pati, PPP na National Pati i gat tupela tupela kandidate bilong ol long sanap long bai ileksen bilong Anglimp Saut Wagi. Olsem wanem? Pasin bilong sindaun na toktok bilong stretim samting i no stap moa?**

**Mipela i save olsem yupela wan wan em ol bikman long ples bilong yu. Tasol ol kain liklik kros pait olsem bai mekim yupela i kamap olsem ol liklik manki ken ya.**

**Sapos ol manmeri long arapela kantri i lukim dispela kain pasin bilong ol lida bilong yumi, ol bai ting wanem long pasin bilong mipela ol liklik manmeri?**

Nupela piksa bilong las de bilong Jisas Kraiss we ekta Mel Gibson i mekim i wok long opim tingting bilong planti manmeri i lukim pinis.

Wanpela man ovasis i lukim dispela piksa na bihain long em i tokaut long polis olsem em i bin kilim sampela lain bipo.

Em i tokim ol olsem em i lukim dispela piksa na i senisim laip bilong em.

Ating i mas i gat planti manmeri husat i haitim ol paol pasin bilong ol i stap. Ol i mas lukim dispela piksa bai ai bilong ol i op long pawa bilong bikman.

**Em i taim bilong lita tu, na sapos yu no lukim yet dispela piksa, nau em i gutpela taim bilong yu long go kisim dispela piksa na lukim. Em bai helpim yu long luksave long bikpela pen Jisas Kraiss i bin kisim taim em i dai bilong rausim ol pekato long olgeta manmeri long graun.**

Wanpela ripota bilong *Wantok Niuspepa* i kalap long PMV bas long Mande na lukim dispela i kamap.


Wanpela mama long bas i singaut long draiva long stop tasol draiva i no harim toktok bilong em long wanem hap em askim draiva long stop long em i no bas stop.

Man yu karim mi kam longwe stret ya, dispela meri i tok.

Wanpela pasindia kisim sait bilong draiva na i tok, em orait, yu no save wokabaut long ples.

Dispela mama i bekim, ples em ples, yu mas wokabaut, siti em siti, yu mas ron long bas.

Man ya i bekim, yu win. Tru tru mama, yu win.



**Taim bilong Bai Ileksen nau. Ekting Spika Bill Skate i sainim ol writs bilong ol bai ileksen bilong Simbu Rijnol, Anglimp-Saut Wagi na Yangoru Saussia. Planti toktok i stap nau long ol politikel pati i bruk long tupela hap na kros pait olsem ol em ol tru tru pati. Rejistra bilong ol Politikel Pati, Paul Bengo i tok olsem husat man bai sanap long ileksen em i stap long han bilong ol politikel pati na ol yet i mas stretim pastaim.**

Poto: JOE IVAHARIA.

## Ol bikman bilong gavman mas go raun long ol provins

SIEF Seketeri bilong Nesenel Gavman, Joshua Kalinoe i laikim olgeta wan wan bos bilong ol gavman dipatmen na ol gavman bisnis long go raun long ol liklik provins long sekim sapos ol manmeri long ol rurel eria i wok long kisim sevis bilong gavman.

Mista Kalinoe i tok ol opisa i mas lukim long ai bilong ol yet sapos ol sevis i kam long gavman i wok long ron stret na ol pipel i wok long kisim kaikai long en.

"Mi bai givim oda long ol long go long wan wan distrik insait long kantri," Mista Kalinoe i tok bihain long em i kam bek long wanpela raun i go antap long lsten Hailans provins.

Ol opisa bilong Pablik Sekta Rifom Menesmen Yunit tu i bin go wantaim em long dispela raun bilong em long skelim Hailans Haiwe rot long Goroka i go inap long Simbu provins.

Mista Kalinoe i bin go raun long haiwe namel long Goroka na Simbu na em i tok olsem em i lukim hevi i kamap long graun i bruk.

Em i tok em bai tok tok kamapim Nesenel Rot Atoriti bai i ken mekim moa wok long stretim.

Mista Kalinoe i tok ol bikpela bos bilong ol gavman dipatmen na bisnis bai lukim tru mak bilong ol gavman sevis i go long ol pipel long ol rurel erias sapos ol yet i go raun na lukim long ai bilong ol yet.

# Nesenel Kot rausim hos res masin

NESENEFL Kot long Waigani i givim oda pinis long ol man na bisnis husat i save lukautim ol dispela hos res masin na ol arapela wankain masin we i save givim aut mani long kisim olgeta masin bilong ol na givim long Nesenel Gaming na Kontrol Bod (NGCB) long kukim.

Jastis Cathy Davani i bin givim oda bilong Nesenel Kot long Mande long dispela wik olsem olgeta dispela masin insait long Nesenel Kapitol Distrik i mas go long Nesenel Geming Kontrol Bod opis insait long Pot Mosbi siti insait long wanpela mun.

Em i givim oda tu long olgeta arapela man na bisnis long ol arapela hap long

kantri husat i wok long kisim mani long ol dispela kain masin long tokaut kwiktaim bai. Geming Bod i ken kisim ol masin bilong ol tu.

Jastis Davani i tok olsem ol laisens na pemit we ol lain i no wok aninit long NGCB i givim i no stap aninit long lo.

"Mi amamas olsem ol geming masin we i stap nau i no stap aninit long lo," Jastis Davani i tok.

NGCB i bin statim kot kes las yia agensim NWM Trading Limited, Econ Trading Limited, Joseph Chu Tam Ng, Jackie Siew Sin Ng, John Seaq Kok Ng, Margaret Morea, Golden Purse Limited, Thomas Chin Chong Lee na Nesenel Kapitol

Distrik Komis (NCDC).

NCDC i bin sanap long kot tu bikos ol i bin givim aut ol laisens na pemit i go long ol dispela lain long yusim ol dispela masin.

Jastis Davani i tok olsem em i klia olsem ol dispela masin i no bilong ol pikinini bilong pilai na amamas, nogat. Em ol dispela masin em ol geming masin na ol i no bihainim lo.

Em i skruim dispela ben o tambu long ol dispela masin i go long olgeta arapela hap long kantri tu bai ol i mas kisim ol dispela kain masin i go long polis stesin bai ol inap long kukim ol.

Plant i amamas long dispela disisen.

Hap Hap Nius

Madang bai bungim hevi long pawa na wara

MADANG provins bai bungim bikipela hevi long wara na pawa saplai sapos tupela bikipela pos bilong pawa lain ol i no stretim hariap bihain long bikipela wara i bin tait na bagarapim ples na ol samting long hap bilong Apa Ramu tupela mun i go pinis.

Olsem na Madang Semba ov Komes i tokaut olsem Gavana James Yali bai karim dispela hevi sapos ol pawa na wara saplai i pas. Dispela em bikos ol asples i laikim kompensesen long sanapim gen tupela tupela pawa pos tasol dispela hevi em gavman i no hariap long stretim.

Noken holim ol kar long rot

OL ASPLES long Lae na haiwe i kisim toksave long noken traim long stopim o holim ol kar i ron long rot olsem long Mumeng, Bulolo na Wau haiwe rot.

Dispela tok lukaut i kamap taim sampela yangpela manki long Gurakor rot i bin traim long hensapim kar bilong Morobe Consolidated Goldfields Ltd long Fonde las wik. Ol i ting dispela kar i karim pei bilong ol wokmanmeri.

Polis i ripot olsem 6-pela manki i bin hensapim dispela kar na askim long mani. Ol polis i go pinis long Gurakor na askim ol lida na ples lain long givim ol dispela mangi i go long han bilong polis.

Manki Sandaun kisim sas long dai

KOT long Vanimo i sasim pinis wanpela yangpela manki long kisim sas bilong dai long han bilong lo.

Lo bilong kilim man i holim em nau. Vanimo kot i salim man ya i go long dai bihain long kot i harim olsem em i bin traim long kisim kakaruk long wanpela meri.

Taim em wantaim meri ya i kros liklik, em paitim meri ya na holim na bagarapim em. Bihain long em i bagarapim meri ya pinis, em kisim hap ain na kilim meri ya i dai na bihain tanim na kilim dai liklik pikinini boi bilong dispela meri tu.

Bebi ya i gat tupela krismas tasol.

Aitape kisim EMTV

OL MANMERI long Aitape nau i ken lukim EMTV bihain long ol i opim dijital telepon swits na EMTV long las wiken.

Praime Minista Sir Michael Somare i bin opim ol dispela sevis i tok tu olsem em laik lukim Is na Wes Sepik wantaim i mas strongim wok treid na em i laikim haiwe rot i mas stap namel long tupela provins na tu i go long Indonesia wantaim.

Bagarap bilong wara Ramu i bikipela moa

MORobe na Madang provins i bungim bikipela taim nogut long wara i tait na brukim ol bris na bagarapim sindaun bilong ol manmeri long ples.

Long las wik bikipela bris long Usino i bin bruk taim wara Ramu i tait na brukim bris na bagarapim ol haus na ples long hap.

Dispela em wanpela bikipela bagarap tru bikos ol atoriti long hap i tok i gat manmeri i lusim laip bilong ol long dispela bagarap bilong wara na tu ol i ting sampela moa i dai tasol ol i no inap luksave.

Wankain tu ol gavman atoriti long Usino Bundi i pret long sik bai bungim ol manmeri long hap. Sik taipoid em ol atoriti i pret nogut bai bagarapim ol manmeri long dispela hap bikos nau ol pipel i gat hevi long gutpela wara long dring na ples i pulap long ol pipia na smel nogut.

Dispela em wanpela bikipela wari atoriti long Usino Bundi i laik lukim eksen i kamap hariap long sevim laip bilong ol manmeri long abrusim ol kain sik inap kamap bihainim dispela bagarap bilong wara.

Sampela wokman long Usino Bundi eria i tok dispela em wanpela bikipela bagarap we i no save kamap bipo. Dispela tait wara em bikipela moa winim arapela tait wara long bipo we i lukim bikipela bagarap i kamap.

I gat luksave tu olsem wanpela trening skul/bilong ol yangpela na arapela projek bilong misin i bagarap long dispela wara.

Long las wik Minista bilong Trensport na Woks Gabriel Kapris i bin raun long hap na lukluk long dispela bagarap bilong bris.



• Ol sumatin bilong Lae Teknikol Koles i kisim skul long dispela Japan voluntia nem bilong em Takeshi Miyashita. Em i skulim ol sumatin long wok bilong masta mak o seveya. Foto: YAKAM KELO

Sios tok lukaut long kago kalt pasin long skul

NESENEL Katolik Edukesen Opis i mekim bikipela toktok agensim ol toktok bilong kago kalt pasin i wok long kamap long Malala Sekenderi skul long Madang provins.

Katolik Edukesen seketeri Mathew Kalabai i mekim dispela toktok bihain long em i kisim ripot olsem ol sampela sumatin i paitim nogut wanpela gret 9 sumatin bikos em i laik go helpim wanpela sumatin

husat ol arapela sumatin i panisim em bikos em i no laik bihainim lo bilong dispela kago kalt pasin.

Mista Kalabai i tok dispela em bikipela hevi tru bikos ol papamama i gat bikipela tingting olsem ol pikinini i wok long kisim gut skul i stap. Katolik skul i no inap oraitim o larim wanem kain pasin kago kalt olsem long kamap insait long ol misin skul bilong em.

Planti nesanel hai skul i wok long kamap wantaim kain satan pasin olsem. Olsem na planti papamama bai tingting long salim ol pikinini i go long ol misin skul.

Em i singaut long bod bilong skul long lukluk insait long dispela na sapos em i tru orait ol i mas mekimsave long ol sumatin husat i wok long mekim kain pasin olsem insait long skul.

Vot nogat bilip rausim kande Sali

LOD Meya bilong Lae Siti Boyamo Sali em ol i rausim em pinis insait long wanpela vot i nogat bilip long las wik Fraide.

Dispela vot em 6-pela memba bilong Lae Eben Lokol Level Gavman kaunsil i kamapim we ol i vot wantaim arapela memba ol i makim long kamapim dispela vot long rausim Mista Sali.

Mista Sali yet wantaim mausman bilong Ahi Benson Nambu i stap ausait na i no kam vot na mausmeri bilong ol meri na sios Anne Barnabas i no bin kamap long dispela bung olsem na em i no stap insait long dispela vot i nogat bilip.

Ol as bilong kamapim dispela vot i nogat bilip em dring spak long pablik ples na soim belhat pasin, bagarapim kar bilong siti kaunsil, bagarapim nem bilong opis bilong siti meya na i no soim pasin bilong lida.

Mista Sali i sutim tok yet olsem Gavana bilong Morobe Luther Wenge i bin stap bak-sait long dispela wok bilong rausim em. Olsem na em i askim Ombudsmen Komisn long sekim dispela pasin bilong Gavana Wenge.

Em i tok tu olsem Mista Wenge i bagarapim o luk daun long ol Morobe na sanapim wanpela ausait man long holim dispela sia bilong meya bilong Morobe.

Nupela meya em James Key na em i bilong Simbu provins.

Mista Sali i tok i gat luksave olsem ol dispela grup i bin yusim leta het bilong opis bilong Morobe Gavana long salim pas long ol bisnis haus long kisim mani bilong peim hotel na hap ol i stap long en long kem.

BIABIA KAMAP OLSEM RIPOTA... NAU TELEPON I RING NA EM ANSARIM... PORO BILONG EM I RING NA GIAMANIM EM...



BIABIA I TING TRU NA EM SUT I GO LONG TRAVEL LOD HOTEL NA LAIK PAINIMAIT... EM TINGTING LONG PROMOSEN BILONG EM... 'U, SAVE...



MERI I TOK NOGAT MAIKOL JAKSON I STAP LONG HA... TASOL BIABIA I HAT HAT LONG LUKIM EM...



MERI YA I BELHAT NA SINGAUTIM OL SEKIURITI GAD NA KAM LUKIM EM... OL I KAM NA HAN-LEK LONG BIABIA...



Leron na Umi bris soim piksa bilong Japan

Yakam Kelo i raitim

OL Opisa bilong Japan i bin amamas long go bek raun long Lae long lukim na sekim ol wokman na projek bilong ol we ol i givim long PNG na sanapim long Morobe provins.

Long Morobe provins Japan gavman i bin sanapim tripela bikipela bris long Makam long haiwe rot i go antap long Hailans na Madang.

Ol bris ya em Leron, Umi na Bijita we i sanap long haiwe rot stret.

Dispela ol bris i bin bruk long las yia na ol yia bipo tasol Japan gavman aninit long helpim progrem bilong em ol i kolim Japanis Intanesenel Kopresen Asistens (JICA) na Japanis Grent.

Wankain tu dispela raun bilong ol Japan opisa i no go long sait bilong Wau Bulolo rot long lukim hap rot na bris long Bulolo we gavman bilong ol i bin go pas long putim mani long kamapim.

As em bikos bikipela bris ol i kolim Makam Bris i bin bruk na i no inap oraitim ol dispela opisa bilong Japan long go long hapsait.

Insait long dispela wokabaut raun bilong lukluk long ol projek, ol Japani opisel i lukluk tu long ol wokman bilong ol husat ol i salim i kam long PNG na i mekim helpim wok wantaim ol kankain wok na skul insait long PNG. Ol dispela wokman em ol i kolim ol JICA voluntia o ol helpim wokman bilong Japan.

Ol dispela voluntia em Japan gavman yet i lukautim sindaun na wokabaut bilong ol hia long PNG na ol i wok wantaim Agrikalsa na Laivstok dipatmen, PNG Forest Institut, ol tisa long Yunivesiti ov Teknoloji na Lae Teknikol Koles na tu wantaim Woks na Trensport divisen. Ol i wok i stap long Lae wankain tu long ol arapela provins.

Fes Seketeri bilong Japan Embesi Shimizu Shunji i tok dispela wokabaut raun bilong ol em long lukim na strongim yet wok poroman na bung wantaim bilong Japan na Papua Niugini.

Planti bilong ol dispela voluntia long Lae i tok ol i amamas long wok na stap long Lae na ol pipel Lae i save gutpela long ol.

**Hap Hap Nius**

**Hai skul helpim ol yet**

OUR Lady Of the Sacred Heart (OLSH) Hai Skul bilong ol meri long Is Nu Briten provins i luksave long pasin bilong helpim ol yet long resim mani bilong skul bilong ol.

Las wik Sarere, ol i bin mekim wanpela ekspresiv ats so bilong ol long resim mani bilong baim ol nupela samting bilong skul bilong ekspresiv ats dipatmen.

Katolik Sios i lukautim dispela skul bilong ol meri. Na nau yet i gat 360 meri sumatin i skul long gret 9 na 10.

Meri husat i go pas long dispela so, Valentine Kaminiel i tok olsem dispela so em bilong ol sumatin long soim ol samting ol i lainim long ol ekspresiv ats klas bilong ol.

Dispela so tu i stap aninit long tim bilong skul long dispela yia "Prosperiti tru self rilains" (kamapim gutpela sindaun long self rilains). Kaminiel i tok so ya em i bin kamap gut tru na em i tok tenkyu long ol sumatin long hat wok bilong ol.

Olgeta samting ol i rausim long so em ol manmeri i bin kam na baim. Mani ol i kisim long ol dispela samting i sanap long mak bilong K600.

"Mipela i no save sindaun nating na wetim samting i kamap. Mipela i save helpim mipela yet," em i tok.

**Dion wari long prais bilong kopra**

PRAIS bilong kopra i go long ol ovasis maket i wok long go daun na dispela i wok long kamapim hevi bilong gavana bilong Is Nu Briten, Leó Dion.

Mista Dion i tok em i stap wantaim bikpela wari tru olsem kokonas indastri bai i stat long bagarap.

Em i tok olsem kopra em i wanpela kes krop we i bin helpim planti manmeri long Is Nu Briten long taim bipo inap long nau.

Tasol em i tok ol kopra we ol manmeri i wok long katim nau i kam long ol kokonas bilong bipo yet we klostu taim nau bai ol i pinis long karim kokonas.

Em i tok dispela em i wanpela bikpela hevi bikos i nogat ol nupela kokonas plantesin i wok long kamap.

Kopra em i bin save givim helpim long ol manmeri bilong provins long leit 1880s.

"Tude, Is Nu Briten provins i save katim 54 pesen long olgeta kopra eksport insait long kantri. Ol i save mekim i go olsem wel bilong kokonas na salim i go ovasis," Mista Dion i tok.

Long 1950s, kakao i bin kamap taim ol i planim long as bilong ol kokonas long ol plantesin. Em i save givim gutpela mani tu long ol lokal pipel.

Las yia, kokonas o kopra i kisim samting olsem K62.4 milien bilong provins na kakao i kisim samting olsem K218.4 milien.

Mista Dion i tok i tok i mas gat moa samting bilong planim ol kain kes krop, ol ekstensen o didiman progrem na banisim ol manmeri long ol kain hevi olsem ol stil man i save stilim ol kakao bilong ol.

**Is Nu Briten pipel tokaut long ol hevi bilong slip wantaim famili**

PLANTI pipel i wok long sutim tok long ol pipel bilong Is Nu Briten provins olsem ol lain bilong slip wantaim ol famili memba bilong ol yet, pasin nogut ol i kolim inses, we wanpela i slip wantaim brata o pikinini bilong em o arapela famili memba.

Long ol wik i go pinis planti ripot long nius i wok long tokaut long ol dispela pasin i wok long kamap na planti taim dispela ol pasin i wok long kamap long Is Nu Briten.

Dispela ol ripot i kirapim dispela kain toktok long ol pipel long ol arapela hap olsem ol Is Nu Briten pipel i save mekim dispela pasin moa long ol arapela.

Tasol sampela ol Is Nu Briten pipel i wok long pait bek nau na tok olsem ol i no save haitim ol samting olsem ol arapela hap na save tokaut long ol hevi i save kamap olsem na i gat planti moa ripot long dispela kain pasin long ples bilong ol.

**Bogenvil kamapim lo bilong asembli**

BOGENVIL Interim Provinsel Gavman i kamapim lo bilong sanapim Bogenvil Konstitusen Asembli long las wik.

Dispela lo - Bougainville Constituent Assembly Act 2004 - em i wanpela gutpela samting i kamap long redi long otonomas gavman o gavman we i kisim bikpela politikel na edministresin pawa bilong Bogenvil.

Gavana bilong Bogenvil, John Momis i tok olsem asembli bai i sindaun inap long wanpela ten-fo dei i stat long dispela wik long skelim bekim bilong gavman long namba tu pepa long kamapim wanpela mama lo bilong otonomas gavman bilong Bogenvil na stretim namba tri pepa long dispela samting.

Mista Momis i tok olsem asembli bai karamapim ol memba bilong BIPG na ol memba bilong Bogenvil Pipels Kongres.

Em i tok planti manmeri i no



• Wok bung wantaim bai kamapim gutpela sindaun. Minista i lukautim Bogenvil Afeas, Sir Peter Barter i sindaun wantaim Minista bilong Komyuniti Developmen Lady Carol Kidu na tupela bikman bilong Bogenvil, Joseph Kabui na Sam Kaona. Nau ol pipel bilong Bogenvil i wok long wok hat long stretim gavman bilong ol.

luksave olsem agrimen bilong Konstitusen o mama lo long pis o gutpela sindaun na ol kamapim agrimen bilong senis long Nesanel otonomas Bogenvil gavman

bai i mas kamap yet long wok bung bilong konstitusenol komisin.

BCA i gat pawa bilong senisim, kisim na salim pepa long konstitusen i go long minista bilong Bogenvil bai em i kisim /i go long Nesanel Eksekutiv Kaunsol (NEC).

Mista Momis i tok ol toktok aninit long seksen 14 bilong Bogenvil Pis Agrimen na Seksen 284 bilong Nesanel Konstitusen, hap 14 we i save karimaut wok bilong Bogenvil pis agrimen, i mas i gat wanpela lo i kamap aninit long BIPG long kamapim Bogenvil Konstituen Asembli o BCA.

Em i tok dispela komisin bai i malolo long Ista na bihain bai ol teknikal opisa i bung long givim las toktok long dispela ripot pastaim long komisin i statim bek wok long 29 de bilong mun Epril long pinisim las pepa na ripot bilong komisin.

**PEC rausim Kimbe taun meya**

TAUN Meya bilong Kimbe i lusim wok na opis bilong em bihain long em i bin lus long wanpela vot i nogat bilip ol memba bilong Provinsel Eksekutiv Kaunsol o PEC i bin kamapim agensim em.

Taun Meya Leo Kalasi i bin lusim opis bihain long ol wod memba bilong Kimbe Urban Lokol Level Gavman i no wanbel wantaim wok bilong em na ol i kamapim dispela vot i nogat bilip agensim em long las wik Tunde.

Wanpela mausman bilong Kimbe provinsel gavman, Gervasius Rovi, i tok olsem Mista Kalasi i bin lus long dispela vot i nogat bilip taim em i kisim tripela vot tasol long 8-pela vot long wan wan wod.

Mista Rovi i tok olsem wod tu memba Aaron Elizah Miambanaka bilong Harua viles long Is, Sepik i bin kisim luksave bilong ol wok memba long

holim dispela wok olsem nupela taun meya.

Rovi i tok i no klia yet sapos dispela vot i nogat bilip i bin bihainim olgeta rot bilong provinsel gavman.

Em i tok man ol i makim olsem nupela meya i bin mekim bikpela toktok long bagarapim wok bilong Mista Kalasi long taim em i kisim opis olsem meya long ileksen long las yia. Mista Miambanaka i tok em i wanpela long ol wod memba husat i bin helpim long sanapim Mista Kalasi olsem taun meya, tasol em i no bin amamas long kain wok bilong em, olsem na ol i kamap wantaim senis.

Em i tok olsem wanpela bikpela wok em i mas mekim em long wok klostu wantaim gavman long kamapim Kimbe taun na mekim i stap klin.

Taim taun i klin ol pipel i bai amamas na lukautim gut.

**Bikpela wel pis bilong solwara stingim ples long Is Nu Briten**

WANPELA bikpela wel pis bilong bik solwara o long Tok Inglis ol i save kolim weil, em i dai na tirip i kam antap long wanpela rip long Is Nu Briten provins.

Dispela wel pis em i bikpela tru na ol manmeri long hap i painim hat long rausim bikos smel bilong bodi bilong em i wok long go bagarap tru na bagarapim sindaun bilong ol manmeri.

Dispela bikpela wel pis ol saveman i tok i mas dai long wara na tait i pulim em i kam inap long rip long Tallis klostu long Induna plantesin.

Bodi bilong wel pis ya i wok long sting i stap. Las wiken, ol man-

meri i bin traim long rausim bodi bilong weil ya tasol em i hevi nogut tru na i hat long rausim long rip.

Ol i bin laik pulim i go aut long solwara bai em i nap long bruk na sting longwe long ples na ol manmeri.

Ol opisa bilong provinsel gavman i wok long bung i stap long painim rot bilong pulim rausim dispela samting long rip.

Wanpela takbot bilong piseris long Is Nu Briten i bin laik pulim tasol em i hevi tumas na takbot i painim bagarap.

Longpela bilong dispela pis inap long 16 mita na em i sanap olsem 3 mita na mak

long bel bilong em i sanap long 5 mita.

Em i gat ol bikpela tit tu, na ol saveman i tok olsem dispela bikpela pis i save kaikaim ol arapela liklik pis na daunim.

Ol i bin lukim dispela wel long las wik Mande long apinun. Wanpela man bilong dispela ples i tok olsem em i bin lukim wanpela bikpela bilakpela samting i wok long tirip i kam klostu long rip.

Pastaim ol i ting wanpela sip i bin painim bagarap long solwara na i kapsait na tirip i kam. Tasol nogat.

Ol i lukim traipela maña bilong pis ya i kam sua long rip bilong ol.

**Kokopo-Warangoi rot bai stret**

WANPELA kontraksen kampani bai stretim rot namel long Kokopo na Warangoi long Is Nu Briten.

Covec (PNG) Ltd em dispela kampani husat bai karimaut dispela wok. Mani bilong mekim dispela wok long silim dispela rot i sanap olsem K8.9 milien.

Eking Gavana Jenerol, Bill Skate, Covec (PNG) Ltd Jenerel Menesa Charlie Fu na Eking projek menesa bilong Gazelle Restoresin Atoriti, Bernard Lukara i bin sainim ol pepa long statim dispela rot wok long Gavman Haus long Pot Mosbi long las wik Fraide.

Nesanel Eksekutiv Kaunsol i bin givim tok orait long dispela kontrak long mun Desemba long las yia.

Mista Fu i tok olsem wok long rot bai stat klostu taim na bai kisim samting olsem wanpela yia long pinisim olgeta. Provinsel gavman bilong Is Nu Briten i givim samting olsem 10 pesen hap mani inap long K8,933,415.

Long wankain taim long ol i sainim kontrak bilong rot, ol i sainim tu kontrak bilong K7.2 milien bilong stretim Kokopo Pramerit Skul.

Mista Lukara i tok olsem mani bai go long

mekim ol klasrum, ol haus bilong ol tisa, ol administresin opis na ol

*Mista Skate i sainim pinis wanpela K5.6 milien kontrak long statim wok long rot.*

arapela haus tu.

Em i tok dispela skul bai kisim ples bilong ol skul insait long Rabaul taun husat i bin bagarap olgeta bihain long maunten-paia i bin pairap long 1994.

Mista Skate i bin sainim wanpela K5.6 milien kontrak wantaim Multichem Laboratories Ltd, bilong Nu Silan.

NEC i bin givim tok orait bilong dispela kontrak long go het bai dispela kampani inap long splaim ol marasin kit.

Taim dispela rot i stret em bai helpim tru ol pipel long dispela hap long i go kam na long mekim bisnis tu long helpim ol yet.

**Hap Hap Nius**

**Pait i slek long Gambol eria**

BIKPELA pait long ol pipel bilong Gambol eria i go daun nau bihain long memba bilong Tambul Nebilyer Mark Anis i kam insait long daunim ol samting. Dispela pait i bin gat tripela man i dai pinis. Long wiken Mista Anis wantaim Westen Hailans provinsal edministresen, Pis na Gud Oda Komiti na ol polisman i bin go insait na daunim trabel.

Long nau yet Mista Anis i makim ol lida na bikman wantaim sampela yangpela bilong narapela ples long mekim kemp namel long boda bilong tupela ples ya na wet inap tripela wik bihain we ol bai i bung long stretim toktok na kamapim wanbel.

I gat luksave olsem dispela pait i stat bihainim stori bilong mekim posin.

**Man dai long haiwe birua**

WANPELA bikpela trak bilong karim bensin na fiul i bin kapsait long Korofeigu eria ausait tasol long Goroka taun long las wik.

I gat ripot olsem wanpela pasindia insait long dispela trak i bin dai na draiva i kisim bikpela bagarap long bodi bilong em.

Ol lain i lukim dispela birua i tok dispela trak i bin spit i kam long kona tasol em i no isi. Em i spit yet i kam na i laik tanim long kona taim bodi bilong em i go long sait na hevi long trak i karim em na tromoi em i go ausait long rot.

Draiva wantaim bodi bilong narapela man long trak ya i stap nau long Goroka haus sik.

**Ol pasindia kisim taim long Kompri rot**

BIKPELA singaut i go long polis long karimaut haiwe patrol long Kompri eria ausait tasol long Goroka na Kainantu taun. Dispela hap em ol raskol i wok long mekim planti stil pasin long rot. Wanpela man i tokaut olsem las wik ol raskol i stopim PMV ol i ron long en na kisim olgeta mani na ol samting bilong ol pasindia na bagarapim tu wanpela yangpela meri.

Dispela pasindia i tok ol raskol ya i planti na ol holim ol strongpela sotgan bilong fektori, ol hom med na ol arapela birua samting bilong pait.

**Tambul pipel kisim potato sid long planim**

MOA long 40,000 pipel bilong Tambul insait long Tambul Nebilyer distrik long Westen Hailans provins bai i gat sans long kisim ol nupela pikini potato bilong planim long gaden bilong ol.

Ol pipel bilong dispela hap i stap antap tru long maunten we ples i kol nogut na ol kaikai olsem kaukau ino inap kamap gut long hap olsem na ol pipel i save kisim strong long potato na kabis.

Memba bilong Tambul Nebilyer Mark Anis i mekim redi tupela bikpela kontena bilong ol potato sid long las wiken. Taim ol dispela sid i kamap planti bai ol i kisim gen na skelim long ol pipel bilong Tambul long planim long ol gaden bilong ol.

**Ol bipo biknem lida traिम Anglimp Saut Waghi**

BAI Ilekseen bilong Anglimp Saut Waghi i pulim planti ol biknem lida na ol olpela politisen long traिम dispela sit. Sampela olpela lida na ol bikman olsem olpela Gavana bilong Westen Hailans provins Pater Robert Lak, olpela memba Herowa Agiwa, olpela bosman bilong Eda Ranu Jamie Maxtone Graham na arapela moa.

Maxtone Grahame i bin resis long dispela sit long bipo na i bin lus na em i go long Mosbi na wok long hap. Em i kamap bikman bilong Eda Ranu na NCDC inap gavman i senis.

Herowa Agiwa em olpela memba long Sauten Hailans na em i marit long Anglimp Saut Waghi we meri bilong em i

bin resis long dispela sit long bipo na i bin lus. Tasol em i bin mekim gut long stap insait long top 10 kendidet long las ilekseen.

Pater Lak em olpela Gavana na i laik traिम dispela sit. Tasol i gat hevi olsem Nesenel Pati i no laik sanapim em olsem kendidet bilong em. Lida bilong Pati Melchior Pep husat em Helt Minista i tokaut olsem pati i no makim Pater Robert Lak bikos ol i makim pinis Mista Wamil.

Eking Gavana Jenerel na Spika bilong Palamen Bill Skate i sainim pinis ol pepa bilong oraitim dispela bai ilekseen long stat long mun Epril.

Planti pipel bai laik lukim sapos ilekseen bai ron gut o nogat.



Memba bilong Henganofi Dokta Banare Bun (raithan) i sikan long olpela memba Viviso Seravo. Namel em Gavana bilong Westen Hailans provins Paias Wingti i sanap lukluk. Dispela em long taim ol i opim nupela distrik hetkota bilong Henganofi tupela wik i go pinis. Foto: SAPE METTA.

**I gat pret olsem Simbu bai ilekseen bai i gat hevi**

BAI Ilekseen long Simbu rijinol sit tu inap kamapim bikpela hevi na trabel sapos ol pipel i no bihainim stret nem bilong ol.

I gat ripot i kamap olsem ol pipel i laik yusim nem bilong ol lain i dai pinis tasol nem i stap yet long komon rol. Na tu ol lain i laik yusim nem bilong arapela manmeri husat tu i no stap long ples o i stap longwe long narapela provins.

Ilektorel Komisin opis i tokaut olsem dispela pasin bai kamapim bikpela hevi long wok bilong karimaut gutpela bai ilekseen bilong Simbu provins.

Ol i tok olsem Solt Nomane na Karamui

eria tasol i bin stretim gen ol nem long komon rol na ol bai orait long vot stret. Ol lain i no stap em ol opisel i klinim o rausim nem bilong ol pinis.

Dispela sit bilong Simbu rijinol i stap nating bihain long olpela Gavana Pater Louis Ambane i dai long las yia bihain long em i kisim sik long bodi bilong em. Long dispela as rijinol sit bilong provins i stap nating inap nau ilektorel Komisin i opim bai ilekseen bilong makim nupela rijinol memba.

Simbu provins wantaim Anglimp Saut Waghi long Westen Hailans provins na

Yangoru Sausia long Is Sepik provins bai go long bai ilekseen.

Ol dispela bai ilekseen em ol pipel bai yusim nupela sistem bilong vot ol i kolim Limited Preferensel Voting sistem we ol pipel bai makim namba 1, namba 2 na namba 3 long tripela kendidet bilong ol. I no moa wanpela kendidet olsem bipo we yumi save makim.

Ol bai ilekseen we i kamap pinis olsem dispela bilong Abau long Sentrel provins i bin ron gut na nogat wanpela hevi i kamap olsem na ol manmeri i wok long laik lukim wankain bai ilekseen i kamap.

**Wanpela pati i sanapim tupela kendidet**

REJISTRA bilong opis bilong Politikol Pati na Kendidet Paul Bengo i tokaut pinis olsem ol politikel pati i mas rausim nem bilong ol kainkain kendidet ol i laik sanapim long ol bai ilekseen long Anglimp Saut Waghi.

Mista Bengo i tok i luk olsem wanpela politikol pati i gat tupela kendidet long sanap resis long wanpela sit olsem na dispela i no stret na i brukim lo.

Dispela inap mekim ol kendidet i lus long win bilong ol, ol inap baim sas long K5,000 o lo i no inap luksave long ilekseen bilong ol aninit long nem bilong pati ol i sanap long en.

Mista Bengo i singautim ol politikol pati long rausim nem bilong ol kendidet bilong ol na go stretim gut pastaim orait bihain ol i ken kam bek

na sanapim wanpela kendidet stret aninit long nem bilong pati.

Pangu Pati wantaim Pipels Progres Pati na Nesenel Pati i mekim dispela pinis we ol i gat tupela kendidet long dispela wanpela sit bilong Anglimp Saut Waghi.

Mista Bengo i tok pati i mas makim kendidet bilong ol bihainim disisen bilong bikpela miting bilong pati na ol eksekutiv bilong em na i no long ol wanwan lida o memba i makim kendidet bilong ol.

Mista Bengo i mekim dispela tok lukaut olsem ol kendidet na pati bilong ol bai kisim mekimsave sapos ol i no bihainim pasin stret na abrusim ol lo i sut long wok bilong politikol pati na ol kendidet we i sapos long helpim ol pipel.

**Hotel kotim Yawari long peim K70,000**

...Bagarapim dua na palang

WANPELA hotel long Mosbi i laik kotim Gavana bilong Sauten Hailans Hami Yawari bikos ol i no peim-kos bilong hotel mak olsem K70,000 long las yia.

Dispela hotel em Emai Lods long Boroko. Na em i laik kotim Mista Yawari bikos Mista Yawari long dispela taim i bin siaman bilong Resource Development Services Limited na ol i kamapim dispela kos bihain long ol lain

bilong em i bin save slip long hotel.


Kos bilong yusim hotel em narapela na kos bilong bagarapim ol dua na palang o timba samting long hotel tu i go antap na kamapim samting olsem K70,000 olgeta.

Dispela ripot i stap pinis wantaim kot na Mista Yawari i makim pinis loya bilong em. Philemon Korowi na dispela hotel i kisim Mirupasi loya long makim em long kot.



RAD-TEL (PNG) LIMITED  
GOROA STREET, GORDONS  
PO Box 43, Waigani, NCD,  
Papua New Guinea  
Phone: 325 2555; Fax: 325 0872  
Email: radtel@radtel.com.pg  
Website: WWW.radtel.com.pg

**LAE Phone: 472 6203  
Fax: 472 7577**



**THE BETTER QUALITY GSM DIGITAL MOBILE PHONES**

- It's the Samsung True Colour Screen Display. **Model, SGH-T400, Dual.** 65000-Colour TFT LCD. 40 Polyphonic Ringtones & Wallpaper. Mobile Internet (WAP - 1.2) Voice dialing, Voice Command, Voice Memo, Two Original Batteries, Color Games.

- Accessories**
- ¥ Hand set
  - ¥ Travel Adaptor
  - ¥ Portable handsfree.

- It's the LG - G5300 True Colour Screen Display. **Model, G5300** GPRS Phones 65000-Colour LCD (128\* 128 Pixel) EMS/Ringtone & Picture Down-Load Support 16-Poly-Midi Sound Colour wall paper & Screen saver WAP Browser VER. 1.2.1 Up Grade Internet Access

- Accessories** Hand set, Standard Battery, Neckstrap, Card, User's manual, Travel Adaptor, Portable handsfree & the Data Kit/Cd



**Hap Hap Nius**

**Telefon lain bagarap long Oro**

OL PIPEL bilong Popondetta taun long Oro provins na provins edministresen bilong ol i no amamas tumas long Telikom PNG bihain long Telikom ripita masin we i save helpim long salim ol toktok i go kam long telefon i bin bagarap na ol manmeri i no inap long ring i go ausait long provins.

Dispela hevi i bin kamap las Mande na ol manmeri save yusim telefon i ken toktok long ol narapela manmeri long Oro provins tasol.

Bagarap i bin kamap long dispela ripita bihain long traipela win na ren. Dispela i bin pasin ol teknisen bilong Telikom long go na stretim bagarap.

**Wok i go het long Girua bris**

HEVI long telefon i no wok gut long Oro i bihainim hevi bilong bikpela bris i bagarap long taitwara na mekim hat long ol manmeri long taun i go long ples balus na Oro Be na ol lain long ol dispela hap i go long taun.

Antap long dispela, Pongani bris tu long Afore-Bareji rot i bagarap long ol taitwara tu.

Wanpela gutpela nius tasol em ol wokman bilong Woks Dipatmen nau yet i wok long kari-maut wok bilong stretim Girua bris.

**Kina sel em bikpela bisnis**

ORO provins i wok long stap long hevi tasol long hapsait bilong Milen Be provins i wok long bungim gutpela taim.

Dispela gutpela taim ol i bungim i kam long namba wan pearl o kiau bilong golip fam long taun bilong Samarai long provins. Dispela em i namba wan pearl fam long kantri.

Namba wan pearl bai i no inap kamap inap 2006 tasol 200,000 kina sel, ol haus bilong ol dispela pearl i stap long wara pinis na i wok kamap gut.

Dispela bisnis bai i givim gutpela bisnis long Papua Niugini na helpim ikononi bilong kantri.

**Taim bilong danis**

TOKTOK long ol Milen Be na ol bipo sumatin bilong Holy Name Hai Skul bai holim wanpela fan resin danis long Epril 16 long Tropos klap long Ela Beach Hotel.

Dispela em long kisim mani bilong baim presen bilong bipo skul bilong ol long soim amamas bilong ol long miak we skul i karim ol i kam long en.

Husat i laik i go na givim sapot long dispela gutpela wok bilong ol i welkam tasol.

Gutpela wok ol dispela bipo sumatin i wok long mekim na i gutpela pasin long ol manmeri long givim sapot long ol long wanem ol i no mekim long helpim ol yet tasol long helpim ol narapela.

# Bipo sumatin helpim bipo skul

**William Natera i raitim**

PLANTI taim ol pipel i save laik kisim, tasol i save belhevi long givim long wanem ol i pilim ol i nogat inap o i hat tumas.

Tasol sampela ol bipo sumatin bilong wanpela skul long Milen Be provins, husat i stap na wok long Pot Mosbi nau, i wok long wok hat wantaim wanem liklik ol i gat long soim tok tenkyu na amamas long skul long helpim ol long kamap long mak we ol i stap long en nau.

Ol dispela bipo sumatin bilong Holy Name Hai Skul long Dogura, Rabaraba Distrik, nau ol i kolim Holy Name Grama Skul, i bin kamapim dispela grup ol i kolim Eks Holy Name Sumatin - Pot Mosbi long Ogas 2003, long mekim fan resin long kisim mani long baim wanpela presen long givim skul long soim amamas bilong ol long en.

Mausmeri bilong grup, Philippa Raurela, i tok olsem ol i pilim olsem gutpela taim long givim dispela presen em long golden jubilee selebresen bilong skul we bai kamap long 2005 long amamasim 50 yia skul i bin ron.

"Olsem ol arapela skul we i stap long ol ruel hap, laip i hat.

"Sampela taim i bai gat bikpela hevi olsem nogat klasrum o sampela taim liklik hevi olsem paip bilong wara long haus kuk i bagarap. Tasol hevi em hevi tasol.

"Wok bilong grup i no bikpela wok, tasol mipela i no inap tok olsem em liklik wok tu, tasol wanpela we long soim tok tenkyu na amamas bilong mipela i go long skul wantaim ol presen bilong mipela, bikpela o liklik, long kamapim gut moa skul an helpim ol sumatin husat i skul long hap."



Philippa Raurela, namba 3 long lephan, i sanap wantaim ol poro bilong em long greduesen de bilong ol long sampela yia i go pinis. Nau Mis Raurela na ol narapela bipo sumatin i laik tok tenkyu long bipo skul bilong ol.

Mis Raurela i tok.

Em i tok grup i wok long mekim fan resin olsem kisim ol

*"Sampela taim i bai gat bikpela hevi olsem nogat klasrum o sampela taim liklik hevi olsem paip bilong wara long haus kuk i bagarap.*

*Tasol hevi em hevi tasol na mipela i mas helpim."*

kontribusen na donesen, kukim na salim kaikai na long wanwan taim, holim ol danis.

Mis Raurela i tok olsem namel long dispela taim grup i

wok long toksave long ol bipo sumatin long kam na helpim long dispela wok.

Em i tok olsem ol grup komiti memba, Fiona Auwi, Judith Kasimani, Karl Oswin Raburabu, Nobina Woworu na Meisi Midiana, wantaim ol arapela grup memba i wok long wok hat long kamapim ol fan resin na dua i op long ol arapela bipo sumatin o manmeri husat i laik helpim long bung wantaim ol.

I gat ol memba bilong grup husat i laik go bek long Milen Be long lukim bipo skul bilong ol long taim bilong golden jubilee selebresen, tasol mani bilong baim tiket bilong bot o balus i mas kam long poket bilong ol yet, em i tok.

Anglikan Sios i bin kamapim Holy Name Hai Skul nau ol i kolim Holy Name Grama Skul na ol Sista i bin ronim. Ol i bin

lainim ol sumatin long skul na wok gut na ol pasin na as tingting bilong Kristieniti we bai helpim ol. Ol sumatin long olgeta hap bilong kantri i save skul long Holy Name Hai Skul, tasol planti bilong ol i bilong Oro na Milen Be provins.

Holy Name Hai Skul i bin skul bilong ol meri tasol inap 1991 taim ol i larim ol manki tu i skul long hap na las yia namba wan grup bilong ol gret 12 sumatin bilong skul i bin greduet.

Skul i sindaun aninit long ol maunten bilong Owen Stanley Range na i lukluk i go long solwara i go olsem long Fegusson Ailan. Em i wanpela gutpela skul, i no bikos long stail hap we em i stap long en, tasol bikos long ol sumatin olsem dispela ol bipo sumatin husat i holim pasim skul long tingting na lewa bilong ol yet.



**King of the Road!**

**Ela Motors TRUCKS**

**HINO GT3HFKA 4x4**  
4m<sup>3</sup> DUMP BODY · EX-STOCK LAE

**K185,499**

*Drive Away!*

**POM** : Errol McKinnon : Ph 3229467 Fax 3217268  
Email : emckinnon@elamotors.com.pg  
**LAE** : Tokana Hasavi : Ph 4781800 Fax 4722463  
Email : laeadmin@elamotors.com.pg

AVAILABLE FOR IMMEDIATE DELIVERY



OFFER EXPIRES 08/04/2004



**WIN**

**EM TRUTRU  
OX & PALM  
TRENISTA  
REDIO  
WANTAIM W/  
IAUPON NA  
BATERI-  
EM ISI TRU!**

*Yu baim wanpela 340gm Tepa can bilong Ox & Palm long feivaret stua bilong yu na lukluk insait long lid long as bilong tin.*

*Sapos yu painim dispela nem "WIN" yu ken karim dispela win can i go long NAU - FM Pot mosbi, na NAU na YUMI opis long Lae Sports Stua o RADIO EAST NEW BRITEN insait long Rabaul na kisim nupela Ox & Palm Trensista Redio bilong yu.*



**Baim nau na win!!**

**I gat planti tausen na tausen mo bilong Ox & Palm Trensista Redio long WINIM long dispela Promosen!**



# NCW selebretim 25 yias

## ... Planti PNG meri holim ol bikpela wok

Veronica Hatutasi  
i raitim

NESENEL Kaunsil ov Women (NCW) em ogenais-esen we i makim maus bilong olgeta meri long PNG i bin selebretim silva jubili o 25 yias bilong em long las Trinde Mas 24.

NCW i bin kamap long PNG long yia 1975 bihainim toktok bilong Yunaitet Nesens Deket bilong ol Meri.

Sir Michael Somare i bin Sief Minista long dispela taim na UN i bin lukim PNG i kamapim wanpela NGO grup we i kamap long wei na pasin bilong ol PNG stret na bai olgeta grup bilong ol meri i kam aninit long en. Na long 1979 gavman bilong Sir Michael i bin givim kaunsil luksave aninit long lo bilong kantri na NCW i kamap olsem ligel maus o grup aninit long lo bilong olgeta meri long PNG.

Orait, long amamasim 25 yias NCW i stap na wok long en, ol meri grup long olgeta hap bilong kantri i bin wokim ol selebresen na ektiviti insait long ol wan wan provins.

Long Nesenel Kapitel, ol meri grup i bin putim ol yunifom na mas raunim hap rot long Waigani Draiv, Morata



• Ol meri mekim tok promis. Foto: THE NATIONAL NIUSPEPA

opis, PNG Edukesen Institut na i go insait long Sir John Guise Stadium we ol selebresen na ektiviti i bin kamap.

Long ol narapela hap bilong siti tu, ol selebresen i bin kamap.

Long bung we i bin kamap long Baruni, wanpela bikmeri long PNG em Winifred Kamit i bin toktok long samting olsem 500 meri i bin bung long selebretim bik de bilong ol.

Misis Kamit husat i misis bilong Gavana bilong Benk bilong PNG Wilson Kamit i bin tokim ol meri long bihainim rot

bilong ol Kristen long lukautim ol manmeri i gat sik HIV-AIDS.

Em i bin tok olsem ol Kristen manmeri, mipela i gat wok long lukautim na helpim givim ol gutpela toktok long ol manmeri i gat sik HIV-AIDS. Na em bin tokim ol meri tu long helpim stopim dispela sik i noken kalap long planti moa manmeri.

Em i apil tu i go long husat manmeri i gat dispela sik long go long Stop AIDS senta bilong Anglikea we i bin op long tupela wik i go pinis.

Misis Kamit i bin autim tok

amamas bilong em long ol strongpela meri i bin gat bikpela tingting long ol meri na ol i kirapim dispela maus bilong ol meri we i gat netwok long olgeta provins. Em long NCW.

Leit Dame Rosa Tokiel i bin namba wan meri husat i bin kamap presiden bilong NCW taim ol bin kirapim. Em bin mekim bikpela wok long skruim wok bilong ol meri na NCW we bai stap olsem sempion long kamapim gutpela bihain taim bilong ol pikinini meri.



### BABAKIU KAKARUK

WANTAIM KAPSIKAM SALAD NA FETTA

#### Yu mas i gat:

- 2-pela grinpela kapsikam
- 2-pela yelopela kapsikam
- 2-pela retpela kapsikam
- 4-pela tebol spun oliv wel
- 2-pela pinga galik
- 2-pela tispun drai oregano sol na pepa
- 6-pela bros bilong kakaruk (rausim skin)
- 150g fetta sis

#### We long mekim

- Hatim gril
- Putim olgeta (whole) kapsikam antap long trei bilong gril na putim aninit long gril. Kukim inap ol skin i tanim bilak. Tanim na mekim wanpela long arapela sait.
- Putim kapsikam long wanpela plastik na pasim plastik wantaim rob. Stim bai kamap insait long bek na helpim long mekim skin bilong kapsikam i lus.
- Hapim kapsikam, rausim ol sit, rausim mit na katim.
- Putim kapsikam long dis wantaim wel na galik. Karamapim na putim long frisa.
- Hap wel putim long dis wantaim oregano. Putim pepa na rabim kakaruk long en.
- Babakium kakaruk inap 4 o 5 minit long tupela sait wantaim.
- Brukim fetta sis na tromoi antap long kapsikam salad.
- Putim pepa na kaikai wantaim kakaruk.

**Sapos yu gat sampela we long kukim ol kaikai olsem saksak, banana, taro or kaukau na yu laik serim wantaim ol narapela meri plis salim i kam long mipela na bai mipela putim long niuspepa.**

## Save long ol Raitis bilong yu

### Namba Foa Hap:

WOK bilong United Nations Commission on the Status of Women (CSW) i helpim long luksave long planti eria we ol meri i no kism wanpela luksave long raitis bilong ol olsem ol man.

Ol dispela wok long promotim ol meri i kamapim sampela deklasesen na konvensen (ol lo) na CEDAW em i bikpela moa long ol.

Ol lain i makim moa long 30 kantri i bin bruk long grup na raitim kamap ol ripot bilong helpim ol meri long olgeta hap bilong wol. Planti long ol dispela lain em ol meri na man i kam long ol kantri i wok

long develop na dispela em ol kantri i stap long wanpela level bilong developmen olsem ol ailan kantri long Pasifik rijen.

Komisin i bin yusim Dekleresen long Elimination of All Forms of Discrimination against Women o lo we i rausim olgeta pasin bilong rabisim ol meri we ol i bin raitim long 1967 olsem het tok long skruim ol wok long en. Em i bin sut long ol eria we ol i save rabisim ol meri long en. (Bikos Dekleresen i nogat namba long lo, ol i no inap long yusim bilong wokim komitmen long ol kantri. Ol i mas developim olsem wanpela intanesenel

agrimen we bai stap, olsem long konvensen.


Long 1979, UN Jenerel Asembli i bin tok orait long fainol teks o ripot bilong konvensen. Na long Septemba 1981, bihain long 30 kantri i bin tok orait long ol gavman bilong ol i luksave long Konvensen na kism i go insait, em i bin orait long yusim Konvensen nau. Long wanpela taim tu, ol bin kirapim Komiti i go pas long rausim pasin bilong rabisim ol meri. Na long Februeri 2001, 167 kantri i bin tok orait long go hetim CEDAW. Laspela kantri long givim tok orait em long Mauritania.

JENIFA NA BEN TASOL SAVE GO SKUL. OL ARAPELA PIKININI SAVE STAP BEK LONG SETELMEN BIKOS MANI SOT. JENIFA I WOK LONG POROMANIM WANPELA MANKI LONG SETELMEN WE PAPA NA MAMA I NO SAVE. WANPELA WIKEN TOM I DEITIM JENI WE TUPELA I GO DANIS. LONG APINUN JENIFA WOKABAUT I GO LONG HAUS NA TOM BUNGIM EM LONG ROT.



## Asua Bilong Husat?

NEKS DE LONG APINUN, JENIFA I GIAMANIM MAMA PAPA BILONG EM OLSEM EM BAI GO LUKIM ANITY BILONG EM NA BILONG EM WANTAIM EM... TASOL NOGAT, EM BIHAINIM BOIPREN BILONG EM NA TUPELA GO DISKO... NAMEL LONG DANIS TOM I ASKIM JENIFA Sapos TUPELA I GO ARAPELA NA KISM WIN LIKLIK...



**Tok Tok Nating**  
Wantaim Fr  
Paul Liwun SVD



SAMPELA mun i go

pinis, wanpela man i bin ringim mi na askim mi wanem we em bai inap long daunim belhat bilong em long wanem em i tok olsem belhat i save kamap nating nating olgeta de.

Taim mi harim dispela askim mi lap na kirap nogut tu. Em i askim mi bilong wanem mi lap? Mi tok olsem long wanem mi yet i wok long painim we bilong daunim belhat bilong mi, na inap nau mi i no painim wanpela gupela we.

Mi bin tingting bek long sampela de bipo taim mi bin belhat tru long wanpela wokman bilong sios. Long ai bilong mi em i save soim gupela pasin tasol long baksait em i save mekim rabis pasin na bagarapim sios na mi. Mi pilim olsem dispela man i sutim mi long baksait wantaim wanpela supia i sap tru.

Mi stap isi na daunim belhat bilong mi tasol i hat tru. Long dispela taim mi pilim bel bilong mi i hevi na pen tru, klostu mi kraik.

Long nait taim mi wokim meditesen bilong mi, mi askim Jisas, bilong wanem dispela samting i mas kamap long laip na wok misen bilong mi? Bilong wanem na olgeta taim mi bin mekim gut long olgeta ol sampela manmeri i save kirapim belhat bilong mi? Bai mi mekim wanem Jisas?

Bilong wanem na mi i no save kisiim ol gupela kaikai bilong diwai tasol i save kisiim ol nogut kaikai tasol? Wantu mi pilim olsem hambak pasin na antap pasin isi isi i wok long kamap insait long bel bilong mi na traim long bosim mi. Mi pilim olsem mi i gupela moa na winim ol narapela manmeri. Planti gupela wok bilong mi long Erima, ol narapela manmeri i tingim ol nogat? Nogut em i gupela long ai bilong mi tasol na ol narapela manmeri i no ting wok mi mekim em i gupela.

Nau mi pilim narapela samting we i mekim mi laik kraik. I no gupela taim gupela pasin i save kamap wantaim antap pasin long wanem dispela pasin i no inap kisiim tok belhat o strongpela tok-tok bilong ol narapela manmeri wantaim gupela bel.

Mi pilim olsem "ego" (mi mi mi pasin) bilong mi i bin kamap planti taim. Ego i save laikim ol narapela manmeri long givim biknem long yu.

Mi askim Jisas gen wanem samting mi mas mekim na em i tok mi mas daunim belhat na soim daun pasin. Long dispela we mi bin daunim belhat bilong mi long dispela wokman bilong sios.

Nau mi kisiim telefon na ringim dispela man husat i bin askim mi long wanem we em bai daunim belhat bilong em. Mi bin tokim em, yu mas lainim long Jisas long daunim belhat bilong yu. Tingim Jisas taim ol man nogut i bin tok bilas na bagarapim em inap long em i dai antap long diwai kros.

Singautim nem bilong em taim yu gat belhat i stap. Long wanem em yet bai skulim yu long daunim dispela belhat. Mi save, em i no wanpela isi rot. Tasol mi bilip Jisas em i bikpela tisa long daunim belhat taim em i bungim kain kain disaipel bilong em wantaim kain kain pasin bilong ol yet.

# Bikpela lotu bilong ol Katolik Rilijes long Goroka

**James Kila i raitim**

MOA long 1000 Katolik kristen manmeri na pikinini i bin bung long Sande long Yangpela Kristen (YC) senta long Goroka long amamasim misa wantaim ol lain rilijes bilong PNG na Solomon Ailan. Dispela selebresin i bin kamap gupela tru wantaim gupela bilas na singsing na tu i go wantaim namba-foa Sande bilong Lent, insait long kalenda bilong Katolik Sios.

Ol rilijes em ol manmeri husat i givim laip bilong ol wok wok bilong God olsem pris, bruder na sister. Ol dispela lain rilijes i bin bung long Goroka long Kefamo konferens senta long anuel jenerol miting (AGM) bilong ol.

Dispela misa em Asbisop Adolfo Tito Yllana i bin go pas long en wantaim helpim i kam long ol bisop olsem Francesco Sarego bilong Goroka daiosis, Bisop Meier na ol narapela bisop. Dispela selebresin i bin gat gupela kala na bilas tru em ol lain Kristen komyuniti bilong Goroka peris wantaim pater i go pas long en John Ryan i bin redim.

Asbisop Yllana em Aspotoleit Nunsio, o mausman bilong papa Santu em Pop John Paul namba-2 nau i stap long Vatiken long Rom. Asbisop Yllana i save stap long Mosbi tasol em i lukautim wok bilong sios long PNG na Solomon Ailan.

Wanpela sister husat i makim ol rilijes i givim bikpela tok amamas i go long Goroka Daiosis long redim dispela misa. Em i tok tenkyu bilong ol i go long Bisop bilong Goroka daiosis, Francesco Sarego long welkam bilong em long ol rilijes bilong PNG na Solomon Ailan long kamap long anuel jenerol miting bilong ol long daiosis bilong em. Ol rilijes i bin mekim kamap long miting bilong ol long Kefamo Konfrens senta klostu long

Goroka taun yet.

Dispela misa tu i kamap long namba-foa Sande bilong Lent insait long Katolik Sios na em i kam wantaim het tok "Kamap Wanbel wantaim God".

Ol peris husat i givim halivim long mekim dispela misa em long sait bilong singsing kwaia em ol lain Imakuleit Hat ov Mary peris. Lain i go pas long baibel prosesio em long

Anuel Jenerol Miting bilong ol rilijes bilong PNG na Solomon Ailan i lukluk long wok bilong bung-wantaim na kamapim gupela wok insait long Sios.

Asbisop Yllana i autim tok long misa olsem gutnius bilong Jisas Kraik i save bringim yumi olgeta Kristen manmeri i go insait tru long sios. Olsem tasol ol asposel i mekim bipo, ol rilijes olsem

mari na pasin bilong amamas em i fri gift o present i kam long Papa God."

Namba wan rit long Sande i bin kam toktok long tok piksa Jisas i bin mekim long wanpela pikinini i lusim papa na go longwe na amamas long ol samting bilong graun. Taim olgeta samting i pinis em i tingim bek long papa, na kambek gen. Papa bilong em i



• Apostulet Nunsio Asbisop Tito Yllano (namba tu long raithan) i go pas long Misa Lotu bilong opim AGM bung bilong ol rilijes long Goroka. Foto: JAMES KILA.

Kristen bilong Mary Help the Christians peris bilong Not Goroka. Ol dispela lain i mekim wanpela gupela singsing bilong Wes Nu Briten na bringim gutnius baibel i go long han bilong Asbisop Yllana.

Ol lain Kristen husat i mekim singsing na bringim ofa em ol lain long Mary Help the Christian peris long Kefamo.

Insait long dispela misa long Goroka Asbisop Yllana i tok amamas long wok redim bilong dispela misa selebresin long Goroka. Em i tok dispela

pris, bruder na sister i lusim olgeta samting na bihainim wok bilong sios.

Ol pris, bruder na sister i mekim wanpela kain promis bilong ol gen long soim olsem ol i strong yet long wok bilong ol olsem ol rilijes.

Ol i bin laitim kendol na mekim dispela promis bilong ol long ai bilong olgeta Kristen manmeri long Goroka. Planti ol manmeri i amamas tru long lukim kain pasin bilong Sios long dispela taim.

"God em i papa bilong yumi olgeta. Em i God bilong mari-

sore na i kilim wanpela liklik meme na mekim pati long amamasim dispela pikinini i kambek.

Asbisop Yllana i tok klia long taim em i autim tok olsem God i save laikim ol manmeri husat i save harim singaut bilong em.

"Singaut bilong God em olsem yu mas givim laip bilong yu yet olgeta de long Papa God," Asbisop Yllana i tok. Yu mas laikim ol narapela manmeri tu olsem ol tu-em pikinini bilong God," Asbisop Yllana i tok.

## Gut Fraide Rot bilong Kruse wokabaut bihainim nupela rot

...Dispela pasin i winim 20 krismas pinis

**Veronica Hatutasi i raitim**

ROT bilong Kruse we ol Katolik Sios manmeri insait long Pot Mosbi Asdaiosis i save holim long olgeta yia bai senisim rot bilong em long dispela yia.

Long Gut Fraide olgeta yia, planti tausen Katolik manmeri na pikinini long Pot Mosbi i save karim Kruse long rot i stat long Erima Sen Peter Sanel Peris insait long Nesenel Kapitel Distrik, bihainim Wodstrip, Ailenda, Hohola, Taurama, Tu Mail, Badili, Koki rot i go olgeta long Sen Mary's Kattirel sios long taun.

Long rot, ol i save pre, singsing na lotu korona na bihainim 14-pela rot bilong Kruse. Dispela em long tingim pen na dai bilong Jisas we em bin karim long sevim yumi ol sin manmeri bilong graun.

Rot bilong Kruse i save pinis long taun wantaim Misa lotu we Asbisop i save go pas long em. Dispela rot

bilong Kruse wokabaut i winim 20 krismas pinis long wanem ol bin statim sampela taim long ol yia 1980. Wanpela pater bilong Filipins em Pater Francis Vega i bin statim dispela Gut Fraide Rot bilong Kruse wokabaut na em i kamap olsem wanpela bikpela samting insait long Katolik Sios olgeta yia long taim bilong Ista.

Long dispela yia, wokabaut i senis na bai i no moa go long taun. Em bai go pinis long Don Bosco long Badili i senis na bai i no moa go olsem long Tu Mail Badili na Koki rot. Nupela rot em bai ol i skruim wokabaut long Taurama Trefik Lait i go olsem long Tri Mail Haus sik, Malauro maket, Kirakira Viles na abrusim Kila Kila Sekonderi skul, Kaugere, jansen bilong Badili na Gabutu na go kamap long Don Bosco. Husat Katolik manmeri i laik wokabaut wantaim ol i welkam tasol.

## Sios na gavman wok bung long skruim edukesen

**Paulus Tali i raitim**

EVANGELIKAL Luteran Sios long Papua Niugini i wok bung wantaim gavman longpela taim long kirapim wok bilong skul.

Na dispela em i gupela mak, Het Bisop Reveren Dokta Wesley Kigasung i mekim tok-tok long taim bilong opim Nawae Luteran Hai Skul long Hobu ausait long Lae lupela wik i go pinis.

"Long 117 krismas taim sios i putim lek long kantri em i mekim olgeta rot long kamapim wok bilong skul.

"Long dispela we Edukesen Dipatmen i mekim laip i isi long sios long gro long ol

dispela yia (long taim em i kamapim ol wok bilong skul). Long dispela as sios nau i mas go wantaim Edukesen Dipatmen," Bisop Kigasung i tok. Em i tok long ol manmeri i lukim sios long helpim sait bilong skul i givim bikpela wok long sios long mekim.

Long bekim toktok bilong em Edukesen Minista Michael Laimo i givim tok tenkyu long sios long ol wok bilong em long kamapim na ranim ol skul.

Em i tok ol rifom bilong skul i wok long kamap gut long wanem olgeta lain olsem gavman na ol praivet lain i wok bung wantaim long lukim ol manmeri bilong mipela i kisiim skul.



### Man i tingting long mani na kago, em i longlong man

Yupela olgeta manmeri, harim, yupela olgeta manmeri i stap long graun, putim gut yau long tok bilong mi. yupela man i gat nem ma yupela man nating, yupela manman na yupela rabisman, yupela harim gupela tok. Bel n bilong mi i gat gupela tingting tasol olsem na bai mi autim gupela tok bilong givim save long yupela. Yumi save, i no gat wanpela man i ken baim bek em yet long mani. na em em i no inap givim mani i long God inap long baim laip bilong en. Nogat tru. Long wanem, pe bilong baim bek man, em i antap tumas. Man i no inap baim God bai God i larim em i stap laip oltaim na em i no ken i dai. **Buk Song 49: 1 -2 - 9**

## Manmeri yet inap kamapim samting

Paulus Tali i raitim

BIHAIN long 28 kris-mas long Papua Niugini i kisim indipendens em i bungim moa hevi long sait bilong sosel na iekonomik developmen.

Wantaim long dispela ol gras rut i nogat ples o spes bilong tok-tok long sait bilong developmen long kantri. Presiden bilong Grass Rut Yunivesiti grup bilong Sauten Rijen Gilbert Vailala Didiwana i tok.

Em i mekim dispela toktok long wanpela bikpela bung bilong ol long Pot Mosbi we ol i toktok long pesenol vaiabiliti, wei bilong manmeri yet inap kamapim samting.

Em i tok sindaun bilong ol gras rut nau i luk olsem dispela i no graun o ples bilong ol tasol olsem ol i kamman tasol.

"Ol gras rut i no pas o bung wantaim ol wok bilong developmen long kantri," Mista Didiwana i tok.

Em i tok planti bilong ol dispela hevi i kamap i asua bilong ol lain ol i kolim bikman.

"Olgeta taim taim ol bikpela kantri i tok long mekim wanpela samting long kantri hariap tru mipela i save tok 'yes bos'. "Wanem taim tru bai mipela i tok 'bilong wanem bos?'

Ol bikpela kantri olsem Amerika, Inglan na Australia i mekim ol samting we taim PNG i

salim ol samting long ol i save senisim prais na baim long liklik mani.

"Ol i laik mipela i baim moa samting long ol long bikpela mani na salim ol liklik samting long ol long daunbilo prais. Sapos em i olsem dispela em i trupela pasin?" Mista Didiwana i askim.

Em i tok kain pasin i mekim na planti hevi i wok long kamap long mipela wei ol prais bilong samting long stua i go antap moa long ol manmeri i kisim mani na baim.

Long dispela as Mista Didiwana i tok pesenol vaiabiliti em i wei we ol manmeri yet i kamapim ol samting.

"Dispela i min olsem yu ken kamapim mani bilong yu yet na kamap bos bilong yu yet na wanem we yu go long skul o i no go long skul, bikpela man ol liklik man, yangpela man o bikman olgeta save bilong mekim samting i wankain.

"Taim yu kisim dispela vaiabiliti skul yu bai amamas na tenkim bos bilong yu long lusim-yu long wok.

"Dispela em i nupela samting. Yu bai stat long kisim bel isi, kisim fridom, sanap yu yet na kamap gutpela," Mista Didiwana i tok.

Em i askim ol manmeri long go long dispela ol vaiabiliti kos em grup i save givim na kisim skul long helpim ol yet.

# UPNG i mas gat moa mani sapat long wok gut

## Planti gutpela senis i kamap

Veronica Hatutasi i raitim

MOA mani sapat i mas go long foapela pablik yunivesiti long kantri sapos kantri i laik lukim gutpela wok go het insait long teseri edukesen level.

Long nau, ol yunivesiti i painim hat tru bikos ol i nogat inap mani long operetim o ranim ol na tu, long karimaut ol

wok mentenens long ol.

Vais Sansela bilong Yunivesiti bilong PNG Profesa Les Eastcott i bin tokaut long dispela insait long namba 49 greduesen seremoni bilong UPNG we moa long 840 sumatin i bin winim skul long staidi long

Marasin, Bisnis, Humentis na Sosel Saiens, Saiens na Lo. Wanpela i bin kisim bikpela digri ol i kolim long Doktoret Digri.

Wanpela samting i bin kamap long dispela greduesen em ol namba wan grup i bin kisim Mastas long Bisnis Etmnistresen program na tu Diploma long Enestetik Saiens (em ol dokta na nes) we Skul bilong Marasin i bin givim.

Profesa Eastcott i bin tok UPNG nau i gat planti moa sumatin, long mak bilong 3,000 na i go antap long dispela yia. Na dispela mak i go antap moa skelim wantaim ol dispela bilong bipo. Planti ol nupela senis na ol program tu i kamap we i helpim long kamapim gut skul bilong ol sumatin. Tasol em i tok bikos ol bilding na ol arapela samting em ol i wokim bipo taim yunivesiti i kirap, ol i lapun pinis na ol i wok long bagarap. Na yuni i laikim ol nupela masin olsem ol IT samting long kamapim gut ol wok na skul.

Olsem na Profesa Eastcott i tok long UPNG i ron gut long sait bilong mekim ol wok akademik, etministresen, mentenens na ol arapela wok na samting moa i sut long yunivesiti na tu, long skruim ol wok we em i wok long mekim, mak bilong mani em i kisim i mas go antap long wan pesen long GDP o K120 milien insait long wanpela yia.

Em i tok senis i mas kamap long menesmen bilong haia edukesen, mentenens wok insait long yunivesiti we manmak inap long K80 milien.

Em i tok ol yunivesiti long dispela kantri i wok long "pundaun long iau bilong mipela" na mipela i nogat mani long ranim na stretim ol.

Em i autim ol wari na askim olsem: "Yumi inap long fandim ol pablik yunivesiti wantaim ol wankain lidasip, ol wok manmeri, mani long beim ol na ol kos, infomesen teknologi, CODE na ol arapela moa?"

Tu mipela i nidim foapela yunivesiti kaunsil long menesmen samting olsem 7000 fultaim sumatin long kempus na 450 woklain na tu wantaim ol dispela mani hevi, bai yumi lukluk tu long fandim ol praiwet yunivesiti. Na las long en em long dispela taim em i hat long ol lain i greduet long yumi i painim wok, bai yumi go het na kisim moa sumatin?

Em i tok sapos ansa em yes, "bekim bilong mi em moa sapat i mas kamap long sait bilong mani long karimaut ol wok we ol sumatin i ken kisim gutpela skul.

Profesa Eastcott i tok em i amamas long tokaut olsem piksa bilong yunivesiti i gutpela moa nau bikos planti senis i kamap long na hatwok bilong ol leksera na ol sumatin yet i mekim na ol i kisim ol gutpela mak.

Olsem na em i tok nau ol kampani na ol gavman dipatmen i laik kisim ol yunivesiti greduet long wok bai amamas na i gat bilip long ol sumatin bikos kwaliti bilong skul na ol mak ol i kisim i soim trupela hatwok bilong ol.



• Dokta Francis Wanak Homhhanje bilong Yangoru long Is Sepik provins na leksera long Medikol Fekalti i kisim Dokteret digri bilong em.

## Ol PAC woka kisim skul

Barbara Tomi i raitim

OL WOK manmeri bilong ol Provinsel AIDS Komiti (PAC) long ol provins i bin bung long Pot Mosbi long wanpela woksop las wik.

Dispela woksop em long helpim ol long mekim wok bilong ol gut long provins na tu long lukautim o menesim gut ol samting ol i gat olsem kar, ol opis, telipon na ol kompyuta na ol wok manmeri tu long mekim wok bilong ol.

Ol dispela komiti i save karimaut ol aweanes na wok bilong Nesenel AIDS Kaunsil Seketeriet long ol provins.

Ol lain husat i bin stap insait long dispela bung em ol PAC siaman, HIV Rispons Kodineta (HRC), Provinsel Kaunseling Kodineta (PCC) na Provinsel Pia (Peer) Edukesen Kodineta (PEC).

Ol lain long woksop ya i bin kam long Bogenvil, Is Sepik, Enga, Morobe, M ilen Be, NCD, Isten Hailans, Sauten Hailans, Westen Hailans na Wes Nu Britain.

As tingting bilong dispela woksop em long strongim save bilong ol wokman na meri ya long mekim wok bilong ol gut long daunim sik HIV/AIDS na stapim long i go bikpela moa yet long kantri.

Mak olsem 7,587 pipel i gat sik

HIV/AIDS long kantri.

Trening i bin sut long kisim moa save long daunim na kontrolim kalap bilong sik STI (seksueli tresmitet infeksi), HIV/AIDS, surukim save bilong ol wok manmeri long developim o go het long kamapim ol plen long surukim save long lukautim o menesmen, lidasip na kodinetim ol wok.

Wok bilong Nesenel AIDS Kaunsil Seketeriet (NACS) na tu bilong PAC em i stap aninit long helpim na go pas bilong AusAID na Nesenel Gavman aninit long Nesenel HIV/AIDS Sapat Projek (NHASP) bilong ol.

Projek i bin stat long yia 2000 na bai pinis long 2005.

Projek i gat 6-pela teknikal hap o eria long luksave:

- Edukesen, edvokesi o aweanes na tok stia, na senisim pasin;
- Kaunseling, helpim na lukaut bilong komyuniti na sapat;
- Polisi, luksave long lo;
- Putim was, lukautim na sekim na skelim;
- Klinikel sevis na strongim wok bilong mekim ol tes; na
- Menesmen na sapat.

- AusAID i givim mani mak olsem K120 milien long kamapim dispela projek.

## Provinsel gavman i mas sapatim HIV/AIDS opis long ol provins

OL LAIN husat i save lukautim na go het long wok bilong daunim sik HIV/AIDS long provins i tok strong long ol provinsel gavman i mas luksave long ol na skelim mani long baset i go long wok bilong ol.

Insait long wanpela woksop long Pot Mosbi las wik, ol memba bilong 10-pela Provinsel AIDS Komiti i tokaut olsem ol provinsel gavman i no save skelim mani insait long baset bilong ol i go long wok bilong PAC.

Planti i pret tu olsem dispela wok bilong ol bai dai nating long 2005 bihain long AusAID projek i bungim mak bilong em long pinis.

Minista bilong Komyuniti Developmen na Memba bilong Mosbi Saut Ledi Carol Kidu long Fonde i go bungim ol lain ya long woksop na strongim tu singaut bilong ol PAC memba olsem wok bilong daunim sik HIV/AIDS i mas kisim sapat long politikel level sapos em i mas ron gut.

Em i tok sik HIV/AIDS em i hevi bilong olgeta manmeri i stap aninit long gras ruts level i go antap long politikel level wantaim.

Ledi Kidu i tok dipatmen em i

go pas long em i mekim AIDS olsem wanpela namba wan nesene hevi na namba tu em literesi.

Na em i tok olsem wanem wok i sut long daunim dispela sik i mas kamap long olgeta hap long kantri na sut long olgeta manmeri wantaim sapat bilong ol lida long ples, komyuniti, distrik, provinsel na nesene gavman wantaim.

Ledi Kidu tu askim ol PAC memba long helpim dipatmen bilong em long ol wok em i tingting long mekim na tu askim ol lida o memba bilong ol long go lukim ol wok ol i mekim na tu givim ol toksave o infomesen long hevi bilong HIV/AIDS insait long provins. Wanpela we em long askim memba o lida long go stori wantaim wanpela man o meri husat i gat sik HIV/AIDS. Long dispela we bai memba i ken lukim long ai bilong em yet na harim ol hevi ol dispela lain i save pilim na wanem kain helpim ol i laikim.

Em i tok ol i gat rot i stap pinis long mekim ol wok bilong ol long karimaut aweanes i go long ol ples na hauslain na em (Ledi Kidu) bai amamas sapos ol PAC

memba i ken serim dispela infomesen wantaim dipatmen bilong em long karimaut ol wok bilong ol.

Ledi Kidu i tokim ol PAC memba olsem wok bilong ol em i bikpela tru na i noken pundaun, em i mas i go het wantaim sapat bilong gavman.

Wantok i bin stori wantaim ol PAC wokman bilong Mt Hagen, Enga, Goroka na Alotau na olgeta i laikim provinsel gavman bilong ol long luksave long wok ol i save mekim na helpim ol wantaim mani sapat.

Johannes Kundal husat em deputi siaman bilong Enga PAC i tokaut olsem mani ol i save kisim em inap long mekim wanpela bikpela aweanes kempen tasol.

Em i tok em i laikim moa long K10,000 long helpim ol woklain bilong em i karimaut aweanes na stia tok bilong gutpela lukaut i go long olgeta hap long distrik.

Mista Kundal i tok long givim toksave o tok stia long Enga em i isi bilong wanem ol i gat wanpela tokples tasol na i nogat hatwok bilong tanim tok tasol, K5,000 ol i save kisim nau long NHASP em i no inap.

# Pasin Pamuk

I gat lo i stap nau long sasim o kotim ol meri tasol long pasin pamuk na i no ol man? Em i stret o nogat? *Wantok Niuspepa* i kisim tingting bilong ol pipel.

## WANTOK KOMENTRI

### Prais bilong kaikai bai antap yet

Planti pipel bilong Papua Niugini bai ting olsem gutpela nius bilong bisnis i wok long kirap bek long PNG na mani i wok long kamap gut gen long kantri bai mekim sampela gutpela senis long ol samting ol pipel i save pilim hat taim long en long olgeta de. Tasol i no olsem bikos i gat sampela bikpela hevi i pas yet long stretim sindaun na wari bilong ol pipel.

Gavman bilong Somare i tok ol i kam insait long gavman nau na ol i pulim moa bisnis, ol pipel i stat long mekim mani long agrikalsa o wok didiman na ol ovasis bisnis wok long kam planti insait long kantri na kirapim moa bisnis na kantri i wok long mekim mani nau na benk bilong Papua Niugini i gat ol/ekstra mani nau long akaun. Em gutpela nius bilong politik. Tasol prais bilong rais na tin pis bai istap antap yet na ol pipel bai kisim dispela hevi bilong peim bikpela prais olgeta de long stap laip long ol taun na siti.

Prais bilong ol kaikai na ol samting long stua bai i no inap kam daun maski Gavman i tok strong bilong mani i wok long kamap gut na ol wok na bisnis bilong mekim mani na kirapim kantri i wok long kamap strong nau.

Prais bilong ol kaikai na ol samting bilong stua bai i no inap kam daun nating we planti pipel i ting bikos long gutpela nius bilong gavman. Bikos planti bilong ol dispela kaikai na ol samting em i kam long narapela kantri.

Konsuma Afeas Kaunsil (CAC) i tokaut olsem planti kaikai na kago yumi lukim long stua i save kam long ol ovasis kantri. Na prais bilong ol i narakain bihainim wol prais.

Olsem na yumi long PNG i no inap mekim wanpela samting long prais. Yumi bilong kisim wanem kain prais i kam long yumi taim ol bisnis o kampani i hangamapim prais bilong ol wantaim ol kaikai na kago bilong ol.

Ol flaua, rais na ol abus i save kam long ovasis maket maski mipela i save putim long plastik o tin long hia bai prais bilong ol i stap antap tu. Tasol bikpela samting em gavman i save sasim impot takis long ol kampani na bisnis husat i baim ol dispela kaikai na kago na karim i kam insait long Papua Niugini.

Olsem na wanpela rot bilong daunim prais em long gavman i ken daunim takis long ol kaikai na kago i kam long ovasis bai ol bisnis i baim ol dispela samting i ken daunim prais bilong ol. Sapos nogat, ol bai surukim dispela prais i go long ol kastoma.



1. Lucy Yoro

Mi ting olsem pasin pamuk i save kamap taim man na meri wantaim i mekim pasin nogut. Taim ol polis o lo i holim ol tupela wantaim i mas go long kot bikos ol man na meri i save olsem em i rong long mekim dispela pasin pamuk.

Em i no gutpela long sasim ol meri tasol long kot na larim ol man i go fri bikos tupela yet i bin asua long kamapim dispela pasin.

Mi ting ol gavman i mas kamapim lo long sasim ol man tu long mekim pasin pamuk.



2. Ken Silovo

Mi ting olsem man i mas kisim sas tu long kot long mekim pasin pamuk. I no ol meri tasol. Ol man tu i save stap wantaim ol meri long kamapim dispela pasin nogut.


Ol man tu i save painim dispela na sapos ol i marit man em ol bai lusim meri bilong ol long haus na go aut long mekim dispela pasin nogut.

Ol marit meri tu wankain pasin ol i save mekim long painim mani.


Ol man tu mas sanap long kot tu long mekim pasin pamuk we em bai i moa fea long ol meri.

3. Chris Avi Heni

Mi ting i no gutpela pasin long sasim o kotim ol meri tasol long mekim pasin pamuk. Gavman i mas senisim



dispela lo long kotim ol man tu long pasin pamuk. Tupela man na meri i save kamapim pasin pamuk. Ol man tu i save strong long mekim pasin nogut olsem na ol tu i mas go long kot na kisim sas tu. Ol meri i nogat strong long agensim ol man olsem na lo i mas stap namel long lukautim tupela wantaim long kamapim pasin pamuk.




4. George Varo

Tingting bilong mi olsem pasin pamuk i mas kamap olsem lo olsem long sampela hap kantri long wol.

Man na meri tupela i save kamapim dispela pasin pamuk. I no ol meri tasol.

Ol man tu i save olsem pasin pamuk i rong tasol ol i save mekim pasin ya yet. Senisim lo na ol man tu i mas kisim sas tu long kot bikos tupela sait wantaim (man na meri) i save kamapim dispela pasin nogut.




5. Chris Maravis

Mi laikim lo bilong pasin pamuk i mas senis bikos tupela sait wantaim (man na meri) i save mekim pasin pamuk. Ol meri i save mekim dispela pasin bikos ol i laikim mani o bia we ol man i save baim bilong ol.

Kain pasin bilong ol man i save kamapim pasin pamuk. Sampela taim dispela pasin pamuk i olsem wok bilong ol meri tu.


Planti man husat ol i marit i save lusim meri long haus na mekim pasin pamuk long ausait i stap. Dispela i no gutpela tumas bikos bai planti hevi bai i kamap long sindaun bilong famili.



6. Kawa Parua

Mi ting pasin pamuk i save kamap taim tupela man na meri i slip wantaim na i no fea sapos ol lo o polis i holim ol na sasim o kotim ol meri tasol.

Sapos kot i sasim ol meri tasol ol man tu i mas kisim wankain sas tu. Mi ting gavman i mas senisim o kamapim nupela lo we tupela man na meri i ken kisim wankain sas aninit long lo bilong pasin pamuk.



7. Maco John

Pasin pamuk i bin stap long taim long kantri tasol nau yet i nogat lo long sasim o kotim ol man husat i bin mekim dispela pasin. Mi ting i no fea tumas long kotim ol meri bikos ol meri (sampela long ol) i save painim hat long sait bilong

mani long lukautim famili olsem na ol i save mekim dispela pasin long kisim mani na lukautim ol famili bilong ol.

Tasol dispela pasin pamuk i no gutpela tumas olsem na yumi mas stopim hariap nogut em bai bagarapim sindaun bilong planti ol famili bilong kantri. I no gutpela tumas long nau lo i stap bikos ol meri i kisim taim long kot na ol man nogat.



8. Helen Simon

I no rait long sasim ol meri tasol long kot long mekim pasin pamuk long wanem tupela sait wantaim i rong long kamapim dispela pasin. Ol man i save askim o giamanim ol meri wantaim mani na olsem pasin pamuk i save kamap. Mi ting ol atoriti o gavman i mas senisim dispela lo long kotim ol meri tasol na kotim ol man tu long wanem tupela yet i mekim pasin nogut wantaim. Ol atoriti o welfea lain i mas mekim sampela wok karimaut long givim tok stia long ol man na meri long stopim dispela kain pasin.

Planti famili nau long kantri i wok long bruk bikos sindaun bilong ol we papa na mama i mekim kain pasin pamuk i kamapim bikpela hevi tru long ol.

9. Michael Malawa

Tingting bilong mi i olsem. I tru olsem planti meri i save salim ol yet long mekim pasin pamuk raun tasol em i tru tasol yumi ol man i save tu olsem em i rong tasol bilong wanem na yumi save go het na mekim i stap yet.

Sapos yumi man go slip wantaim ol meri na mekim dispela pasin pamuk em i rong olsem na taim ol polis o lo i holim yumi em yumi i mas sanap long kot tu na kisim sas. I no fea long ol meri tasol bai kisim sas long kot. Ol man tu i mas sanap kisim sas bilong wanem tupela i save kamapim dispela pasin.

## WANTOK

Published Weekly, Wednesday, for Word Publishing Company, Ltd.

P.O. Box 1982, Boroko, NCD  
Papua New Guinea

Telephone: 325 8527 (Temporary)

Fax: Out of order

Email: word@global.net.pg

Pe bilong wanpela yia  
52 niuspepa

Ples:	Air:
PNG	K140.00
AUSTRALIA	US\$67.00
ASIA PACIFIC na JAPAN	US480.00
AMERICA na EUROPE	US4150.00

General Manager  
Jeremy Burgess

Editor  
Yakam Kelo

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Word Publishing Company Limited is owned by the four major churches of Papua New Guinea: Catholics 50%, Lutheran 25%, Anglican 10%, United Church 10%. The company reverse the rights to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

### Mipela laikim bodi bilong dai

London, Iglan:

TUPELA ekta i wok long painim bodi bilong dai man we ol i ken yusim insait long nupela pilai bilong ol na i toksave pinis long ol senta long helpim ol lain trangu long laikim bilong ol.

Dispela grup, 1157performancegroup, i save kamapim ol pilai long tieta na dispela nupela pilai ol i laik kamapim ol i kolim *Dead You Will Be* i stori long dai na ol toktok we i save raunim dai.

Grup i laik yusim bodi tru bilong wanpela dai man insait long dispela pilai long kirapim tingting bilong ol man long as bilong dai.

Wanpela eksekutiv dairekta bilong grup, Mathew Scott, i tok olsem em na namba tu bilong em, Jo Dagless, i raitim ol pas i go long 70 senta long helpim ol lain trangu husat i sik na bai dai klostu, long askim long tok orait bilong ol long yusim bodi bilong ol bihain long ol i dai long dispela pilai.

### 'Yassin' long Gaza

Gaza Siti:

INAP long 9-pela meri Palestain i nemim ol nupela pikinini man bilong ol Ahmed Yassin, nem bilong wanpela biknem lida bilong ol husat ol Israel i bin kilim las Mande.

"Namel long aste na tete mipela i gat 9-pela bebi wantaim nem Ahmed Yassin," wanpela nes long wod bilong ol mama long Al-Shifa hausik long Gaza Siti i bin tok las Fonde.

Wanpela bilong ol mama husat i bin kolim pikinini man bilong em Ahmed Yassin, Reem Rimraz, husat i gat 23 krismas, i tok em i laikim olgeta pikinini man i soim wankain pasin olsem Yassin.

### Olimpia i laikim nem bilong em bek

Olimpia, Gris:

Nem na as bilong nem em i bikpela samting. Na taun bilong Olimpia long Gris, we ol bipo Olimpik Gems i bin kamap i laik nem bilong em, Olimpik, bek.

Taim taun i wok long redi long seremoni bilong laitim tos las Fonde long soim wok redi long Olimpik Gems long kamap long Atens long Gris, meya bilong Olimpia, Yannis Skoularikis, i mekim strongpela tok tok long ol opisal bilong Intanesenel Olimpik Komiti (IOC) olsem em bai kisim IOC i go long kot long kisim bek nem bilong Olimpia we IOC i wok long yusim olsem Olimpik long tok Olimpik Gems, sapos ol i no givim Olimpia sans long wok moa wantaim ol long helpim long kamapim ol gems na soim kala na stail bilong taun bilong ol tu.


### Sumatin na papamama kalabus

India:

OL ATORITI long India i kalabusim 168 hai skul sumatin na 24 papamama long wanpela ditensen senta long wanem ol i bin sindaun long mekim bikpela tes o eksem bilong ol, ol opisal i bin tok las Tunde.

Moa long 500,000 sumatin i wok long sindaun long gret 10 fainal eksem bilong ol long stet o provins bilong Bihar aninit long lukaut bilong 5000 polis manmeri na 1000 sivil opisal long 850 eksem senta.

Ol skul atoriti i tok olsem ol i painim sampela ol sumatin tu husat i bin gat ol poto bilong ol top kriket pilai na ol top ekta long ol poket bilong ol long wanem ol i bilip dispela ol poto bai helpim ol long mekim eksem gut. Ol skul atoriti i mekimsave long ol dispela sumatin long wanem lo bilong skul i tok nogat long dispela pasin.



Baghdad, Irak:

Dai long rot... Dispela poto wanpela niusman bilong Australia i bin kisim las mun i soim wanpela meri i wok long ronawe long wanpela hap long Baghdad we 36 pipel bilong Irak i bin dai taim wanpela bom i bin pairap long wanpela kar.

### Ol soldia i mas kam bek


Sydney, Australia:

LIDA bilong opisisen long Australia, Mark Latham, husat i stap wantaim Leba pati, i tok olsem oposisen i gat tingting long lusim ol soldia bilong Australia husat i wok long mekim wok sekyuriti long Irak i kam bek long ples bipo long Krismas. Tasol gavman i tok dispela bai putim ol manmeri bilong Australia husat i wok long stap long hap long hevi bilong wanem woa i no pinis yet na i nogat ol soldia long lukautim ol.

### Piksa mekim bikpela mani


Amerika:

PIKSA bilong Mel Gibson, man husat i bin ekt long ol piksa bilong *Mad Max*, *The Passion of Christ*, we i stori long dai bilong Jisas Kraist long diwai kros i wok long kisim bikpela mani tru na i luk olsem bai i kamap piksa we i kisim moa mani long ol arapela piksa. Taim Mel Gibson i wok long mekim dispela piksa na bihain long em i bin mekim tu i bin gat planti toktok olsem dispela piksa i no gutpela long wanem em i soim planti blut tumas. Tasol taim ol pipel i wok long go long lukim dispela piksa long piksa haus o baim kaset long lukim long haus long



Mel Gibson i toktok wantaim man husat i ekt olsem Jisas long piksa *The Passion of Christ*, Jim Caviezel, taim ol i wok long mekim piksa yet.

skelim sapos ol i laikim o les long en, ol i no luksave olsem ol i wok long givim mani i go long dispela piksa na mekim kamap long mak em i stap long en nau.



# THE PAPUA NEW GUINEA ECO-FORESTRY FORUM

P.O. Box 3217, Boroko, National Capital District

Tel: 323 9050 Fax: 325 4610 Email: [teff@global.net.pg](mailto:teff@global.net.pg) Website: [www.ecoforestry.org.pg](http://www.ecoforestry.org.pg)

## Dia ol manmeri,

PNG Eco-Forestry Forum na ol memba bilong em i laik tokaut olsem Gavman i no tokaut klia long ol trupela stori bilong loging indastri. Olsem na mipela i putim aut dispela pas we mipela i salim i go long Sief Sekreteri bilong Gavman long las wik.

## Dia Sief Sekreteri,

## RE: TOKTOK BILONG GAVMAN LONG OL LOGING OPERESAN

Mipela i no amamas long toktok bilong gavman long ol wok bilong ol timba projek tude long PNG we mipela i bilip ol toktok ya i no tru na i no stret.

Mipela i lukim ol pablik ripot bilong Minista bilong Forest na lukim ol pas i kam long opis bilong yu we i tokaut olsem i nogat wanpela asua long ol wok bilong katim diwai insait long kantri tude.

Ol dispela toktok i no stret wantaim ol wok painimaut na rivi na evidens bilong gavman long ol saintifik stadi we Yuropien Yunion i sapotim na kamapim, wok painimaut bilong Ombudsmen Komisn, ol kot ekesen ol papagraun i kamapim egensim ol timba kampani, ol kot ekesen bilong ol timba kampani egensim Gavman na long ol arapela rot tu.

### Ekstensen bilong timba pemit i no bihainim lo

Riviu bilong Disputed Allocation (2003) na riviu bilong nau Logging Projects (2003/4) i soim klia olsem loging projek long Vailala, Wawoi Guavi, Iva Inika, West Coast manus, Makapa na Watut em olgeta i wok aninti long timba pemit we taim bilong em i pinis o ol i surukim taim gen ausait long lo. Dispela em wankain long ol arapela timba projek we wok riviu i no go insait yet long ol.

### Envaromen Plen

Olgeta dispela timba projek i no bihainim Envaromen Plen we i stap tude. Dispela em nara-pela samting gen we i brukim lo bilong PNG.

### Lukluk insait long Loging Kod ov Prektis (Lo bilong bihainim long katim timba)

Gavman riviu, independen saintifik ripot na ol papagraun stadi i lukluk long moa long 15 timba operesen nau i wok i stap. Na i nogat wanpela i soim olsem ol i bihainim dispela lo bilong Loging Kod ov Prektis na tu planti i no soim olsem ol i wok long bihainim dispela lo.

### Sastenebiliti

Olgeta projek wok riviu o wok glasim i kamap long ol i nogat wanpela loging projek i bihainim sastenebiliti insait long timba prodaksen o long ekolojikol eria bilong forest. Dispela i brukim stret Forestry Act (lo) na i no bihainim gut Directive Goals and Principles bilong Mama Lo.

### Timba Pemit Kondisen

Wok riviu bilong ol timba projek i stap nau i painimaut olsem insait long 10-pela projek i stap aninit long dispela wok riviu, ol timba kampani na pemit holda i no bihainim ol bikpela pemit kondisen olsem on-so prosesing na ol kaikai bilong infra-straksa o rot na bris.

### Ol Envaromen Apruvol Kondisen

Wok riviu i painimaut olsem long ol dispela 10-pela projek, ol i no bihainim ol Envaromen Apruvol Kondisen na i nogat lukaut long sindaun bilong envaromen long ol loging projek.

### Ol arapela samting i no bihainim lo

Riviu i painimaut tu olsem planti long ol konsesen, ol i no save mekim pefomens bon, ol i no save givim inap royalti na ol i no save tilim gut ol timba royalti, ol i save yusim ol manmeri bilong arapela kantri long holim wok bilong ol Papua Niugini manmeri, ol i no save givim ol samting bilong banisim gut wok manmeri long bagarap, na ol arapela samting i no bihainim lo.

### Ol samting i bagarapim sindaun bilong pipel

I gat planti samting i wok long kamap olsem ol loging kampani i save 'baim' ol polis man long mekim wok bilong ol. Dispela i kamap klia long ripot bilong ol loya, ol TV progrem, na Nesanel Intelijens Ogenaisesin (NIO) lain bilong gavman tu. Dispela samting i wok long kamap planti taim pinis

na nau em i stap insait long wok riviu bilong gavman. Planti tok belhat i kamap pinis long dispela samting, tasol nogat wanpela mekimsave i kamap agensim wanpela polis opisa o loging kampani.

Ol dispela samting i save kamap na i no nupela. Ol i wok long kamap long olgeta loging projek we i wok i stap nau insait long kantri.

Pasin bilong loging indastri long wok ausait long lo i stap ples klia long ovasis na dispela kain pasin inap long bagarapim nem bilong kantri bilong yumi na sanap bilong ekonomi bilong mipela long ol intanesenol maket.

Antap long ol dispela kain nogut paol pasin na hevi insait long loging indastri, mipela i singaut long Gavman long kamapim wanpela Komisn ov Inkwairi insait long loging indastri long painimaut sapos em i bin ausait long ol lo na i no bihainim ol wok poroman i stap namel long ol loging kampani, pablik seven na ol politisen.

Mipela i no inap long tok giman na paolim tingting bilong pipel na ol timba maket, olsem na mipela i laik singaut long gavman long tokaut stret long ol hevi i wok long kamap insait long loging indastri na wok bung wantaim mipela long traime na kamapim wanpela sastenebel na strongpela forestri sekta we bai inap long givim gutpela kaikai long ol tru tru pipel bilong Papua Niugini na i no long sampela lain tasol.

Tenkyu Tru,

  
Kenn Mondlai  
Chairperson

- i Kocher Schmidt C (1999) Site of Intensive Interdisciplinary Research Vanimo – Kilimeri.
- Brunois F (1997) The Ecological Impact of the Wawoi Guavi Timber Company's logging exploitation on the territory and society of the Kasua people.
- ii Ombudsman Commission of Papua New Guinea (2002) Investigation into a decision of the National Forest Board to award Kamula Doso as an extension.
- Ombudsman Commission of Papua New Guinea (1997) Investigation into issue of a permit to Turama Forest Industries by the Forest Authority.
- iii For example Wawoi Guavi, Turama and Ome Ome
- iv For example over illegal logging at Brown River and Kerevat.
- v These include Erskine P (1999) An environmental impact assessment of logging operations in Block 3 of the Wawoi Guavi TRP and Erskine P (1999) 2 Environmental and social impact assessment of logging operations in the Vanimo Timber Area. Pwesei C L (2000) Environmental and social impact assessment of logging operations in the West Coast of Manus Area
- vi Forestry Independent Review Team (2003) Final Reports on Kiunga-Aiambak, Simbali, Bonus Magarida, Wawoi Guavi Blocks 1,2&3 Consolidated, Vailala Blocks 1&2 and Passismanua
- vii Department of National Planning and Monitoring (2003/4) Review of current logging projects
- viii Forestry Independent Review Team (2003) and Department of National Planning and Monitoring (2003/4) ibid
- ix Kocher Schmidt C (1999) and Brunois F (1997) ibid
- x Erskine P (1999) and Erskine P (1999)2 ibid
- xi For example, SBS Dateline (2001) Wilderness laid waste
- xii Review (2003/4) ibid

## Bob Dadae kontrolim Ukata Sios Distrik

Dia Edita

Mi wanpela sios lida bilong Kabwum skeet long Ukata Distrik mi lukim sampela samting we memba bilong Kabwum Bob Dadae mekim i no stret olgeta long manmeri bilong Ukata Distrik em olsem.

Toktok bilong Sinot 2006 em i no samting bilong gavman na Bob Dadae i makim ples bilong em Dengondo bai kamap olsem ples bilong holim dispela Sinot.

Na tu em i noken suvim nus bilong em insait long wok bilong sios na givim oda long ol sios lidas olsem Distrik Presiden na ol arapela distrik wokman na meri long

mekim olsem, olsem. Mi lukim dispela kain pasin long nambawan Distrik Kansol bung kamap long mun Februari 2004 long Gatop Distrik Senta na mi no amamas long dispela.

Presiden bilong Ukata Distrik em Rev. John Bata na i no Mista Bob Dadae.

Olsem na mi askim yu long pasim maus bilong yu na noken toktok long wok bilong sios.

Dispela em wok bilong Distrik Presiden wantaim ol sios lidas bilong em.

Ol i pasim tok pinis bai Sinot bai kamap long Wasu Hai Skul na i no long Dengondo ples bilong yu Bob Dadae.

Tingim gut pastaim tromoi toktok. Noken kirap nogut long pawa na biknem yu gat na laik kisim ples bilong narapela man na meri.

Sapos ol tingting bilong yu na wok bilong yu i no karim kaikai bai olsem wanem?

Bai i gat bikpela sem olsem na sanap long wokmak bilong yu na bai i gat rispek.

Luk olsem stat yet na dispela rispek i wok long i dai isi isi. Memba yu yet nau.

**HOMELOK HEPUN  
KABWUM  
MOROB PROVINS**

## Maski westim taim long tokrotok bilong 6 poket trausis

Dia Edita

Mi wanpela mangi Madang laik tokrotok liklik long ol man husat i save komplem long ol meri werim trausis (6 poket).

Mi laik tokim yupela ol dispela longlong man olsem, noken tru westim taim bilong yu long rait i kam long Wantok Niuspepa na tokim ol long putim komplem bilong yu.

Na tu mi laik toksave long ol lain long nuspepa olsem, noken westim taim bilong yupela long printim o putim long pepa. Ol dispela ol man tokrotok planti na sapos

tim narapela narapela em ol tu kru paul pinis. Taim mi sindaun na lukluk i no olsem bipo man werim trausis na meri pasim laplap.

Nau mi lukim ol man i wokim hul long yau bilong ol na putim ring, pasim gras bilong ol long skaf, wokim hul long nus na putim ring, pasim gras bilong ol olsem meri.

Olsem na mi laik tok olsem yupela longlong pinis. Watpo na yupela sutim nating tok long ol meri.

6 poket em i trausis, taim ol i werim ol i pilim seif, biko's planti taim hevi save kamap taim ol meri werim laplap na sket. Mi sapotim yupela ol meri werim tasol na tokim ol long pasim traipela maus bilong ol na tokrotok long narapela ol samting.

Em tasol na yu husat laik sapot o agensim, rait tasol i kam long Wantok Niuspepa na bai mi amamas long lukim.

**WILLIE ELANG  
MADANG**

## Plis stretim rot long Tidua Kiwi

Dia Edita

Mi wanpela mangi long bus long Lopogo long Kuare yet. Mipela ol pipel long Kuare mi save hat wok nogut tru long kam long Hagen, Mendi o talibu. Painim hat long kisim kar.

Sampela taim mipela save karim stoa kaikai na wokabaut long Tidua Kiwi rot. Sampela taim mipela save wokabaut long Kagua i go long Kuare. Rot i no gutpela na kar long Kuare em mipela save peim long K30 na K25.

Sampela taim kar save lusim

mipela long Seka-Tea na mipela save karim kago wantaim mipela save wokabaut. Roy Yaki tu em i no bin lukluk long mipela insait long 15 yias. Nau mipela ask Peter O'Neil yu mas lukluk long hevi bilong ol pipel bilong Kuare. Kuare i go moa long 12,000 o 15,000

pipel i stap. Kuare pipel tingting gut na stap. 2007 bai kam klostu.

Yu husat laiksapot yu rait tasol long Wantok Niuspepa.

**GABRIEL PEAME  
SUMA WIRU LAPOGO**

## Papalain ol konlain

Dia Edita

Mi wanpela mangi Biwat, Sepik

na nau mi i stap long Bumbu long Lae siti. Mi bin baim risit long ol komiti bilong Papalain long 2002. Ol tok olsem i gat bikpela mani olsem 16 billion Amerika dola i stap long ol lain bin wok long Wau / Bulolo long 1920 inap 1980.

Ol tok long bai mipela kisim K50,000 long wanwan K50 mipela

givim ol. Na nau yet mipela wet i stap.

Ol i nogat opis long Lae na mipela save bung tasol long arere bilong ol opis long taun na long rot long toktok na painim aut long mani bilong mipela.

Long mun Disemba 2003 ol tok olsem bai baim mipela K10,000

long baim skul fi na mipela givim ol akaun bilong mipela na long skul tu. Tripela mun i go pinis na mipela wet yet.

Mi lukim ol dispela pasin i no stret na olsem kago kalt na tu mi sem bikos ol papa giraun long Morobe i no go pas long dispela asosiesen na ol wantok Sepik i

holim olgeta wok.

Mi laik toksave long olgeta manmeri olsem yumi mas holim wanpela bung na singautim ol bos long givim mipela stretpela tok tru.

**RAPHAEL MAIENDUO  
LAE  
MOROB PROVINS**



## DIPATMEN BILONG FOREN AFEAS

*Opis bilong Seketeri*

# PABLIK NOTIS

**NAMBA 10 DE MUN MAS 2004**

Dispela em i toksave i go long jenerel pablik olsem Imigresin Divisen bilong Dipatmen bilong Foren Afeas na Imigresin i senisim opis i go long Graun floa, (Lephan wing), Moale haus, Waigani.

Dipatmen i laik tok sori i go long jenerel pablik sapos sindaun bilong ol i bagarap long ol i no putim ol waia kebol bilong telepon na feks i go insait long nupela Imigresin Opis. Ol nupela telepon na feks namba bai i go aut long pablik bihain long ol i stretim ol long nupela opis.

**Gabriel K Pepson**  
*Seketeri*

# Luksave long hanmak na sapot bilong Japan

## Yakam Kelo i raitim

JAPAN em wanpela kantri insait long wol we planti tausen manmeri bilong Papua Niugini long asples na taun i save gut tru.

Maski ol pipel bilong PNG i no bin lukim Japan yet tasol ol i save long dispela nem Japan. Ol lapun i save kolim Siapan.

Ol pipel bilong Japan em ol narapela kain lain. Ol i no save westim taim o toktok tumas. Ol i lain bilong wok stret. Maski ol Japan i givim wanpela gutpela helpim o

...Bikpela samting ol i laik kamapim em long strongim pasin poroman na wok bung namel long Japan na Papua Niugini

presen long yu, ol i no inap toktok planti na mekim planti nius long en. Ol i save givim helpim isi tasol.

Long las wik mi raun wantaim ol bikman bilong Japan i go long Lae. Ol dispela bikman bilong Japan i save wok wantaim opis bilong Embeseda bilong Japan long Mosbi na narapela tupela i save wok wantaim opis

bilong JICA. JICA em ol i kolim Japanis Intanesenel Kopresen Asosiesen.

Dispela wokabout i go long Lae em long lukim ol projek na ol wokman bilong JICA long Lae. Ol wokman bilong JICA em ol i kolim ol volentia o ol lain bilong mekim helpim wok. Na tu mipela i lukluk raun long ol projek we JICA i putim mani na mekim i

kamap long Lae.

As bilong dispela wokabout raun em Japan Embesi na JICA i laik soim aut ol wok bilong em na toktok wantaim ol opis ol volentia bilong ol i stap long en. Bikpela samting ol i laik kamapim em long strongim pasin poroman na wok bung bilong ol namel long Japan na Papua Niugini.

# Saiensis bilong JICA kamapim okid flawa



Yoshiaki Oikawa i soim ol okid flawa em i save mekim stadi long ol long PNG Forest Institute long Lae Botanikol Gaden. Foto: YAKAM KELO.

NAMBA wan wokabout bilong mipela em long PNG. Nesenel Forest Institut long Lae Botanikol Gaden. Dispela em mipela go lukim wanpela volentia bilong JICA nem bilong em Yoshiaki Oikawa na em i olsem wanpela saientis bilong ol flawa. Em i wok wantaim ol okid flawa we em i soim nupela save bilong planim ol sid o bun bilong okid na kamapim nupela okid diwai.

Dispela saveman bilong JICA i tokaut olsem okid i hat long planim bikos sid o pikinini bilong em i liklik tru na win bai winim i go o binatang bai bagarapim.

Olsem na em i kamap wantaim wanpela nupela rot bilong kamapim okid. Em i save karim hap skin long bun bilong okid na tromoi i go insait long wanpela botol we em i bungim kulau wara bilong kokonas, suga na venega pauda bilong kuk.

Taim dispela skin bilong okid i stap long dispela wara, em i stat

long groim nupela kru na redi long kamap nupela okid.

Dispela stail em ekt-ing dairekta bilong PNGNFI Nalish Sam i tok dispela em nupela rot we PNG i ken bihainim long planim ol kainkain diwai long bihainim taim.

Mista Sam i tok JICA i wokim dispela bikpela opis bilding bilong ol na tu sapotim ol arapela program olsem stadi na wok bung long kirapim ol nupela projek na kamapim moa insait long fores we i karamapim ol diwai, bus na ol abus na binatang na ol kainkain samting bilong bus.

Em i tok long las 13 yia i kam, Japan i helpim Fores wantaim mani mak olsem K20 milien olgeta na dispela em bikpela helpim we i lukim sampela gutpela senis na ol samting i kamap na istap.

Sampela program tu i sut long salim ol saveman bilong PNG i go kism moa skul long ol yunivesiti long Japan, em i tok.

## Australia - Papua Niugini

# AID PROGRAM

## Lukluk long HIV/AIDS

PNG na Australia, tupela wok wantaim long daunim HIV/AIDS long PNG. HIV/AIDS insait long PNG em i nogut moa long ol narapela kantri insait long Asia-Pasifik.

Wol-benk i ting olsem PNG i gat 50,000 manmeri igat HIV pinis.

Long dispela taim nau, sapos PNG i bihainim wankain pasin olsem ol kantri bilong Afrika, PNG bai igat moa long 1.5 milien manmeri insait long tenpela krismas, bai igat dispela binatang bilong dispela sik.

Kain namba bilong ol manmeri igat dispela HIV/AIDS, em i nogutpela. Yumi mas painim rot bilong daunim HIV/AIDS na halivim ol manmeri na kantri bilong yumi PNG nau na long ol taim i kam.

Halivim bilong Australia long daunim HIV/AIDS i save go wantaim halivim we i kam long gavmen na ol pipel bilong PNG. Dispela halivim i stap aninit long Australia-PNG aid program. Dispela kain halivim i stap aninit long program, ol i kolim Nesenel HIV/AIDS Sapot Program. Na dispela Sapot Program bai igo papipela yia olgeta na em i gat \$60 milien o K120 milien bilong en.

Wok bilong daunim HIV/AIDS em i bikpela na em i no isi long daunim. I gat planti samting we i mekim HIV/AIDS i go long ol narapela manmeri. Ol kain samting olsem 'inogat kaikai o moni na ol i go mekim pasin pamuk bilong gat moni, ol narapela kain sik we i kam long pasin pamuk, na ol kain nogut tingting pasin ol man save mekim long ol meri. Em ol dispela samting i mekim ol manmeri no inap abrusim pamuk pasin na HIV/AIDS long kamap.

Senisim tingting na pasin bilong koap wantaim ol wankoop, o tinting bilong yusim kondom, o tumbuna pasin bilong marit-koap long planti ples long PNG, em i hat long stopim. Bai kism longpela taim long senisim ol tubuna pasin. Yumi olgeta - gavman, ol ples, wanwan manmeri yet, yumi olgeta insait PNG, mas wok wantaim long stopim ol nogut pasin bilong koap.

Long kamapim senis, planti program i bin kamap long ol mun i go pinis. Sampela long ol dispela samting, em:

### Wok bilong Stanley Nandex long stopim HIV/AIDS.

Kikboksing wol sempion, Stanley Nandex, em i sanap makim em yet long wok bilong en, na em i mekim planti toktok long HIV/AIDS. Em i promotim karamap kondom long planti hap na strongpela toktok bilong en long karamap kondom bai halivim planti long abrusim HIV/AIDS.



### Anglicare StopAIDS Komuniti Senta

Anglicare StopAIDS Komuniti Senta, em i nupela senta bilong givim toksave na toktok long HIV/AIDS. Em bai mekim ol wok-painimaut long HIV/AIDS, skulim ol manmeri long mekim ol program bilong skulim ol narapela manmeri long HIV/AIDS. Australia bin givim K\$60,000 long Nesenel Aids Kaunsil, long kamapim dispela senta. PNG gavman na ol narapela lain i bin givim moni tu bilong mekim dispela senta.

### Maining Industri (Kampani Digim Gol, Kopa ... samting olsem)

Long Novemba las yia, "PNG Chamber of Mines and Petroleum", bin kamapim wanpela wande-woksop long kamapim sampela rot bilong HIV/AIDS long ol lain bilong PNG Maining na Petroleum. Dispela em i gutpela long wanem, em i halivim gavman na tu, em i givim tingting i go long ol narapela lain kampani long mekim wankain samting.

### Lo bilong HIV/AIDS.

Yia i go pinis, Gavman bilong PNG i bin kamapim wanpela lo. Dispela lo em i tambuim ol manmeri long no ken bagarapim manmeri igat HIV/AIDS. Dispela lo em i tambuim tu long no ken testim nating ol manmeri, na tu, dispela lo em i halivim ol manmeri long painim halivim bilong abrusim HIV/AIDS.

Long redim ol lain bai wok kamapim dispela nupela lo bihain long dispela lo i kamap long Gavman Gazet, sampela miting i wok long kamap. Ol i wok long redim wanpela hen-buk, ol pamplets na posta bilong promotim dispela lo.

### Anti-retrovial therapy.


"Anti-retrovial therapy" em i nupela samting ol i traim long PNG bilong painimaut sapos em bai wok long PNG. Dispela terapi em i ken kamapim gen gutpela helt na manmeri ken wok gen, lukautim ol famili bilong ol, na ol i ken wok bilong strongim ikonimi bilong ples na PNG.

Bikpela samting nau em long luksave long gutpela rot bilong abrusim HIV/AIDS na lukautim ol lain we i gat HIV/AIDS pinis. Kism anti-retrovial terepi em i gutpela, tasol dispela i no inap. Em i no inap long olgeta manmeri gat HIV/AIDS. Olsem na yumi mas toktok yet i go long ol manmeri bilong PNG long abrusim dispela sik. Yumi mas lukaut tu taim yumi yusim anti-retrovial terepi, nogut yumi yusim na mekim PNG Gavman i no inap gat moni long sapotim dispela kain tritmen.

Ol namba bilong hamas man meri bilong yumi igat HIV/AIDS pinis i noken mekim yumi lus tingting olsem sampela long ol, em ol mama, papa, brata, susa, pren, na wanwok bilong yumi. Yumi olgeta mas wokwantaim long senisim pasin bilong ol manmeri sapos yumi laik kamapim sampela rot bilong abrusim dispela sik HIV/AIDS.

Marianna Ellingson  
Acting Secretary  
Dept. bilong Nesinol  
Plenin na Rural Developmen

John Davidson  
Man igo pas long  
AusAID long PNG





### Stap bilong ol Japan long Lae

OLGETA dispela Japan volentia i tok ol i amamas long kam stap hia long PNG na ol i amamas long ol pipel bilong PNG. Olgeta i mekim wankain tok olsem PNG em wangepela gutpela kantri wantaim planti gutpela samting i stap long en. Planti okid tru i stap wantaim kankain flawa na diwai na ol binatang na bataflai i stap. Olsem na mipela i mas save long wei bilong lukautim na mekim i kamap planti na mekim ol i stap laip, saintis bilong flawa Yoshiaki Oikawa i tokaut olsem.


Tripela sinia opisa bilong Japan

em Ogura Toru em Voluntia Kodineta bilong olgeta JICA voluntia husat i kam wok na tis hia long PNG. Em i save skelim na kisim ol voluntia i kam o salim ol i go long narapela kantri. Shimizu Shunji em Fes Seketeri bilong Embesi bilong Japan hia long Papua Niugini na em i makim opis bilong Embesa long lukluk na glasim wok na helpim Embesi i mekim hia long PNG. Narapela bikman em Hideki Makino em Seken Seketeri na em i lukautim ol ron na progrem bilong wokabaut bilong dispela wokabaut bilong mipela.



**Ol bikman bung Vais Sansela bilong Yunitek Misty Baloiloi (Iephan) wantaim ol wokman bilong em i amamas long bung wantaim Fes Seketeri bilong Japan Embesi Shimizu Shunji na ol lain bilong em long Lae las wik. Kain wok ol voluntia bilong JICA i wok long mekim long kantri i wok long helpim tru ol pipel long strongim Papua Niugini. Foto: YAKAM KELO.**

## Amjad mekim nem wantaim Enjiniaring dipatmen



**Leksera Iftikhar Amjad em JICA voluntia. Em i save tism Elektrikol Enjiniaring long Yunitek. Foto: YAKAM KELO.**

NARAPELA volentia bilong JICA tu em Iftikhar Amjad husat i tisa wantaim dipatmen bilong Elektrikol Enjiniaring.

Em man Pakistan na em i marit long meri Japan. Amjad em wangepela helpim tru dispela dipatmen bilong Elektrikol Enjiniaring i kisim bikpela Yunitek i sot tru long ol tisa bilong dispela dipatmen.

Em i save tism ol yia 3 na fainel yia sumatin long Elektrikol Enjiniaring.

Ekting het bilong dipatmen Sammy Aiau i tokaut olsem ol i sot long ol helpim na sapos JICA i ken givim helpim wantaim ol tisa na ol samting bilong yusim long wok em bai gutpela tru.

Ol sumatin bilong Amjad i tokaut olsem ol i amamas tru long ol stail na pasin bilong Amjad long tism ol insait long klasrum.

Em i wangepela ekspirians man long wok wantaim telefon kampani long Japan na em i gat planti gutpela

save long givim long ol sumatin bilong elektrikol enjiniaring.

JICA i bin salim em i kam long PNG na JICA i helpim wok bilong em tu wantaim ol samting we em na ol sumatin bai yusim long klasrum.

Insait long wok bilong Amjad em i save kisim ol sumatin i go lukluk long ol masin na ol wok bilong Telikom long Lae na long Mosbi.

Dispela em long soim ol masin na ol wok we ol sumatin i

ken luksave na kisim save long wanem samting ol i lainim insait long klasrum.

Ol sumatin i tok ol i amamas tru long kain tisa olsem Amjad long kamap na skulim ol bikos ol gutpela ekspirians na save bilong em, em i skulim ol gut na ol i kisim planti samting gut tru.

Ol sumatin i askim Japan long givim kain sapot na helpim olsem long ol long wanem dispela i helpim ol gut tru long kisim save na ol i amamas.

### Umi na Leron bris i soim pasin poroman bilong Japan



**Umi Bris long Makam veli we Japan Gavman i sanapim long las yia. Foto: YAKAM KELO.**

TUPELA bikpela bris long Hailans haiwe namel long ol ples bilong Makam long Morobe provins em han mak bilong Japan Gavman. Leron bris na Umi bris em tupela bikpela bris gavman bilong Japan i putim mani long wokim.

Leron bris i kos samting olsem 904 milien Yen na Umi bris i kos olsem 940 milien Yen. Narapela bris tu long dispela haiwe em Bitija bris we Japan

gavman i givim mani long wokim.

Dispela tripela bris em bikpela samting long kantri bikos planti tausen manmeri bilong Hailans na Momase rijon bai ron i go kam long Lae long dispela tripela bris. Wankain tu ol kago olsem kopi, gol, oil, vanilla, kopra na arapela moa bai ron i go daun long Lae long dispela bris na go long ovasis maket.

Long dispela as dispela

tripela bris em bikpela samting long ikonomi na sindaun bilong Papua Niugini.

Ol enjia bilong Woks opis long Lae i tokaut olsem dispela tripela bris em strongpela bris tru na i no inap long wara i brukim isi olsem ol arapela bris. Dispela tripela bris em ol Japan i sanapim wantaim ol strongpela ain na simen na digim graun i go aninit tru we wara i no inap kamautim.

### Eksen man bilong Lae Tech



**JICA voluntia Takeshi Miyashita i soim ol sevei sumatin bilong Lae Tech long wei bilong yusim masta mak masin long wok seveya. Foto: YAKAM KELO.**

LAE Technical College em wangepela kolek we planti sumatin i save kisim save long ol wok olsem kapenta, welda, mekenik, elektrik pawa na arapela moa. Lae Tech i gat wangepela Japan man tu i stap. Dispela man em wangepela eksen man stret ya. Takeshi Miyashita em wangepela Japan volentia na em i save skulim ol sumatin long wok seveya o wok

masta mak.

Miyashita em wangepela eksen man bikos yu no inap ai slip long klas bilong em. Bai yu ai op na lap wantaim.

Toktok bilong em i bikpela na tok Inglis bilong em yu ken lap wantaim na em bai givim yu hat wan yet.

Miyashita i tok em i amamas long kam wok hia long PNG na bikpela samting em i

laikim em long givim gutpela save na tingting long ol sumatin long lainim na kamapim gutpela samting long ol yet.

Em i tok, mi tok yu harim na lainim. Yu mekim mistek, tokim mi.

Em bai klostu taim nau i pinis long Lae Tech na go bek long Japan bikos tupela yia taim bilong em i pinis nau.

# Henganofi na Asaro i lukim divelopmen

## Sape Metta i raitim

**L**ONG wik i go pinis tupela distrik insait long Isten Hailans provins i bin mekim bikipela selebren we ol nesenel, provinsi na lokol lida na ol sinia wokman long ol gavman opis na bikipela namba bilong ol ples lain na pablik i bin kapsait long lukim ol samting i bin kamap long dispela tupela distrik.

Tupela distrik ya em Asaro na Henganofi. Long Asaro distrik memba bilong Goroka Bire Kimisopa na Minista bilong Polis, Polis Komisina Sam Inguba, Deputi Gavana bilong Isten Hailans provins Joksy Nakime, provinsi edministreta Munare Uyassi, kaunsil na lida i bin lukim wanpela wanbel pepa ol i sainim long strongim wok bilong 25 komyuniti polis insait long Asaro eria.

Long Henganofi em Deputi Praim Minista Moses Maladina i bin kamap long opim nupela Henganofi distrik hetkota.

Long Asaro, Minista Kimisopa i tok bikos long gutpela wok bilong lo na oda insait long distrik, nesenel gavman na provinsi gavman wantaim ol lain opisel i bung wantaim na givim luksave long dispela nupela komyuniti polis i kamap. Ol bai givim bikipela sapot bilong ol long dispela komyuniti polis.

Minista Kimisopa i tok olgeta pipel long komyuniti i mas givim sapot bilong ol long dispela komyuniti polis long ol i ken go het na mekim gut wok bilong ol long karimaut wok bilong lo na oda insait long komyuniti bilong ol bikos opis bilong polis i laikim kain komyuniti polis i mas stap long olgeta komyuniti long kantri.

Taim pait i kamap namel long ol haus lain bai dispela i ken daunim na stopim gutpela senis na divelopmen long kamap insait long komyuniti. Bai i nogat senis na olgeta samting bai i stap wankain tasol, Mista Kimisopa i tok.

Em i askim ol dispela lain komyuniti polis long mekim wok bilong ol bihainim lo na aninit long

ol tru tru polis manmeri long wok bilong ol i ken ron gut na aninit long lo na oda.

Mista Kimisopa i askim ol long lukaut gut na wok aninit long lo bikos dispela em wok bilong ol long karimaut lo. Tasol sapos ol i brukim na go abrusim mak, dispela lo i ken tanim bek na mekim-save long ol.

Edministreta bilong Isten Hailans provins Munare Uyassi i tokaut olsem edministresen i sapot na sainim dispela pepa bilong ol komyuniti polis manmeri ya bikos ol i bin kisim gutpela ripot long wok bilong ol komyuniti polis long Asaro eria. Dispela i givim ol wanbel na amamas long sapotim wok bilong Asaro komyuniti polis.

Ol komyuniti polis long Asaro i save mekim gutpela wok we ol i save wok hat tru long rot na komyuniti na holim pasim planti draiva husat i nogat laisens, draiv long mak bilong kamapim trabel na birua na arapela samting moa.


Mista Uyassi i tok em i amamas bikos nau planti ol PMV na trak na ol kar i wok long kamap long

Goroka rejistri opis long baim laisens na rejista bilong ol bikos ol dispela komyuniti polis long Asaro i bin mekim gutpela wok long holim ol. Olsem na long dispela as, Isten Hailans provinsi edministresen bai givim bikipela sapot long wok bilong ol.

Polis Komisina Sam Inguba i tok amamas long harim gutpela sapot em Isten Hailans Gavman i laik mekim long sapotim wok bilong komyuniti polising insait long provinsi bilong ol.

Mista Inguba i tok sapos olgeta provinsi i mekim wankain pasin long sapotim wok bilong komyuniti polis, bai hevi bilong lo na oda bai i nogat na gutpela sindaun bai i kamap na ol gutpela senis wantaim divelopmen inap kamap long komyuniti na kantri olgeta.

Em i tok i gat tingting nau long kisim planti yangpela manmeri moa long stap insait long wok bilong komyuniti polising we ol i ken givim moa sapot na strong long ol polis manmeri husat i ful-taim long ol stesin bilong ol insait long kantri.



• Nupela distrik hetkota long Henganofi. Foto: SAPE METTA.



• Ol komyuniti (risev) polisman na meri husat i kisim luksave na gavman long nesenel, provinsi na lokel level bai lukluk long sapotim na strongim wok bilong ol long Asaro, EHP. Foto: SAPE METTA.



• Deputi Praim Minista, Moses Maladina, i katim ribon. Foto: SAPE METTA.

Wankain taim tu bikipela singsing na amamas i kukim ol lain bilong Henganofi distrik taim Deputi Praim Minista Moses Maladina i go opim nupela distrik hetkota bilong ol.

Dispela nupela distrik opis bai bringim ol sevis bilong gavman i go klostu: tru long ol pipel nau. Olpela memba Viviso Seravo i bin go pas long kamapim dispela plen na nau ol i opim.

Memba bilong Henganofi Dokta Banare Bun husat i givim bikipela sapot long pinism wok bilong dispela nupela biding i tok biding ya i no inap kamap sapos olpela memba Viviso Seravo i no bin kamap wantaim tingting bilong kirapim dispele biding long bringim sevis i go klostu long ol pipel bilong Henganofi.

Em i tok Mista Seravo i statim na em yet i bin pinisim na dispela em i gutpela pasin bilong wanem tupela i bin wanbel na bikipela samting em tupela i wok hat na

wok bung wantaim na kamapim dispela nupela biding long givim sevis log moa long 56,000 pipel bilong tupela long Henganofi distrik.

Memba Dokta Bun i tok dispela biding bai givim olgeta gavman sevis na sevis bilong BSP Benk na Post Opis tu bai i stap insait long dispela 3 stori biding.

Moses Maladina husat i opim dispela nupela distrik hetkota i tok dispela opis i sanap long givim sevis bilong gavman i go long ol pipel.

Nau ol pipel i no inap go moa long Goroka na Kainantu long mekim bisnis bikos opis i stap nau long dua bilong ol pipel. Dispela em opis bilong yupela olsem na yupela i mas yusim gut bai em i ken givim sevis long yupela na ol pikinini bilong yupela long bihain taim, Mista Maladina i tok.

Dispela biding i kos samting olsem K300,000 long mekim i kamap. Isten Hailans provinsi gavman i givim K100,000 long baim olgeta tebol na sia na ol samting bilong yusim insait long opis.

Ol bikman husat i bin kamap long lukim dispela nupela opis em Gavana bilong Westen Hailans provinsi Paias Wingti, Gavana bilong Enga Peter Ipatas, Gavana bilong Milen Be Tim Neville, Deputi Gavana bilong Isten Hailans provinsi Joksy Nakime, memba bilong Goroka Bire Kimisopa, memba bilong Obura Waninara John Koigiri, memba bilong Tambul Nebilyer Mark Anis, memba bilong Gollala Fabian Ine, memba bilong Daulo Ben Kiagi na Deputi Gavana bilong Simbu provinsi Yangrua Kiage.

Polis Minista Sam Inguba tu i bin kamap long dispela opening na tokaut olsem polis dipatmen bai givim wanpela polis kar bai ol i givim long helpim ol polis lain long Henganofi distrik.

# Nupela pri skul helpim ol Daima setelmen pikinini

... Laik bilong helpim komyuniti i karim kaikai

**Veronica Hatutasi i raitim**

STRONGPELA laik long helpim komyuniti na ol pikinini i stap nating i mas kism skul i kirapim bel bilong tupela marit na nau moa long 70 pikinini we krismas bilong ol i stap namel long faiv na 10 yias



• Ol papamama long Daima Setelmen i amamas olsem ol pikinini bilong ol i skul na lainim sampela gutpela samting.

i skul nau long wanpela nupela priskul long Boroko insait long Nesenel Kapitel Distrik.

Daima Pri skul em wanpela nupela priskul we i bin op tupela wik i go pinis long Is Boroko. Daima Setelmen i stap klostu long dispela priskul na klostu olgeta pikinini i skul long dispela nupela priskul em ol i kam long dispela setelmen.



• Ol liklik pikinini namel long 4-5 krismas i harim tisa i ritim stori long ol.

Tupela marit bilong Nu Silan i stap longpela taim long PNG na tu long Is Boroko klostu long Daima Setelmen em Derek na Tulua Smith i wari na i gat bikpela tingting long helpim ol pikinini long Daima setelmen na long dispela yia, tingting bilong ol i karim kaikai. Setelmen ya i bilong ol Hailens pipel i kam olsem long Simbu, Goroka na Wabag.

Wantok i bin kism stori long tupela marit na as tru long ol i

kirapim skul.

"Tingting long kirapim wanpela skul i bin stat yia long yia 2001. Ol papamama i save maket ausait long banis bilong mipela na mipela i save lukim planti pikinini i raun na pilai nabaut ausait na dispela i kirapim tingting bilong mipela.

ing we em i sapos long mekim long kamapim gut laip".

"Olsem na mipela i lukim edukesen i bikpela samting long helpim man i ken kamapim developmen na gutpela senis long laip na sindaun insait long famili, komyuniti na kantri," Tulua Smith i tok.

Pri skul i yusim Skaut Hol i stap klostu long dispela setelmen long ranim ol klas.

Ol i brukim klas long tripela na tripela tisa i skulim ol pikinini. Narapela foapela tisa i sindaun long kos bilong ol Pri skul tisa we Pot Mosbi Saut Pri Skul Asosiesen em Mosbi Saut memba Ledi Carol Kidu i petron long em i ranim.

Tripela tisa i skulim ol pikinini long ol ABC, dro, rit na rait, ol singsing na ol spirituel na Kristen velu olsem gutpela pasin, tok tru na moa.

Wanpela tisa i kism ol pikinini we krismas bilong ol i stap namel long 3 na 5, narapela i kism ol 4 na 5 yia pikinini na narapela i kism ol pikinini we krismas bilong ol i stap namel long 6 na 9 yia. Skul i save stat long 8 kilok moning na pinis long 11 kilok moning.

"Sevim komyuniti na kantri long givim bek wanpela liklik samting long wanem mipela i stap hia longpela taim em wanpela samting tu bin strongim tingting bilong mipela," Tulua i tokim Wantok nius.

Em i tok skul i op nau tasol na ol bai lukim wei em i go long en bipo ol i go het long ol arapela plen long bihain taim.

Tulua i tok moa olsem em i amamas long ol dispela pikinini we em i gat bikpela bilip olsem ol bai kontribut long wok developmen na sampela bai kamap ol lida bilong dispela kantri long bihain taim.

Wantok i bin toktok tu long sampela papamama bilong ol pikinini long Daima Pri skul. Olive Boshen i bilong Misima Ailan insait long Milen Be na em i stap long Faiv Mail.

Tupela pikinini bilong em i skul wantaim ol Daima setelmen pikinini. Em bin harim long dispela priskul long ol poroman bilong em na hariap tru em i kism tupela liklik bilong em i kam na nau ol i skul.

"Mi amamas long dispela nupela skul i kamap bikos em i helpim ol grasruts pikinini long ol setelmen na ol komyuniti klostu long ol. Mi lukim senis long pikinini bilong mi. Taim em i kam bek long haus na em i stori tu wantaim ol pikinini bilong ol neiba, em i save tokim mipela ol Baibel stori, ol singsing na ol arapela gutpela samting ol i lainim," Misis Boshen i tok.

Janet Habeya em narapela mama bilong Hailens husat i gat pikinini bilong em long dispela nupela priskul na em i wokim dispela toktok.

"Mi amamas tru na sapatim priskul ya. Skul i givim ol samting olsem ol sok na blekbot na ol buk long ol pikinini na ol tisa long yusim.

Mipela i amamas long peim liklik mani long sapatim skul. Mi amamas olsem pikinini bilong mi i lainim sampela gutpela samting na i no stap nating long haus na raun painim pilai long strit, " Misis



• Ol pikinini i redi long go insait long skul.


Habeya i tok.

Tulua i tok we em i glasim i pikinini em wan wan long ol i narakain. Na em i amamas long givim bek samting i go long komyuniti, moa yet, long helpim ol dispela setelmen pikinini.

"Wan wan pikinini i no wankain. Mi lukim olsem sampela bai kamap ol lida bilong bihain taim. Na mi amamas long wokim samting bilong helpim na givim bek i go

long komyuniti we mipela i stap wantaim long planti yia. Sampela pikinini i kam long ples we ol i lukim ol hevi olsem vailens na pait na tok nogut na mipela bai traime long helpim ol long lainim ol long senis na kamap olsem ol gutpela pren.

Tasol mi amamas long kism ol dispela gutpela pikinini insait long Daima pri skul," Tulua i tok.



• Ol pikinini long klas bilong Tulua Smith i taitim nek stret long lainim wanpela singsing . Ol Poto: Veronica Hatutasi



# Viles drama soim hevi long ples

James Kila i raitim



Ol mama soim drama wantaim liklik bebi karim hevi kago long Kongi. Foto - JAMES KILA

PLANTI ol manmeri na ol yangpela long ruel eria long PNG nau yet i wok long kamapim ol drama grup long promotim pasin tumbuna na kastom bilong ol. Ol i save singsing na danis na tu mekim ol drama long amamasim ol turis na ol bikman na lida na tu welkam long ol manmeri bilong narapela hap i go long ples bilong ol.

I gat sampela ol drama grup tu i stap we i save mekim ol pilai o ekt long soim ol kain hevi ol manmeri long ples na viles komyuniti i wok long bungim. Ol i laik soim olsem piksa i go long ol bikman bilong gavman long luksave long wanem kain pen na hatwok ol i wok long bungim.

Ol dispela drama grup i no laik tok stret long ol bikman, tasol ol i laik soim long drama na ol bikman na lida bilong hesenel na provinsel gavman i mas lukim na traim skelim wanem kain rot ol i mas helpim ol dispela lain pipel.

Wanpela kain ekt o drama i bin kamap long Kongi namba-wan long Apa Asaro eria i no long taim i go pinis. Dispela drama i lukim sampela ol mama i karim ol hevi bilum we kofi i pulap insait long en na wokabaut namel stret long rot. Sampela i karim ol pikinini antap long bilum na sampela i wokabaut yet na ol bebi i wok long dring susu. Ol i ekt olsem ol turangu lain stret.

Wantok Niuspepa i bin stap long wanpela we kar i ron bak-sait tasol long ol, tasol kar ya i ron isi isi long larim ol-mama ya wokabaut long fran na soim

liklik drama bilong ol.

Dispela ol mama wantaim bilum na pikinini i hangamap long nek bilong ol em ol lain mama long Kongi namba-wan insait long apa Asaro distrik long Isten Hailans. Ol i soim wanpela drama long soim piksa olsem turangu ol i stap longwe tru long rot bilong kar na planti taim ol i save hatwok tru long karim ol gaden kaikai na kofi bilong ol i go salim long maket. Ol i bringimaut dispela drama long soim hevi na hatwok ol i save bungim long wokabaut bilong ol.

Long dispela drama bilong ol, ol i tokaut tu olsem sampela taim ol i save karim ol gaden kaikai na kofi bilong ol na wokabaut longwe tru i go kamap long rot bilong kar. Sampela taim tudak i save bungim ol na tu sampela taim ol stilman i save stilim ol samting bilong ol.

Insait long narapela drama we i bin kamap long ples Tarabo insait long Okapa distrik, i soim ol sampela yangpela man i karim ol kofi beg long solda bilong ol na wokabaut. Dispela drama bilong ol lain yangpela long Tarabo i stori tu long kain hevi bilong i no gutpela rot we i save mekim ol ruel pipel i bungim hevi tru long bringim ol kes-krop na ol gaden kaikai bilong ol i go long maket long salim.

Drama bilong ol lain Tarabo i stori tu long ol kain bikhet na raskol pasin ol yangpela i save mekim long ol turangu manmeri husat i ron long Mt Kuru eria. Dispela eria em wanpela maunten ples long Okapa distrik long Isten Hailans provins.

Narapela drama o pilai ekt i bin kamap long Umifintenu viles klostu long Kainantu taun. Dispela drama i kamap olsem

singsing stret. Sampela lain mama i mekim drama bilong wanpela man idai na silip i stap namel long rot. Bihain taim sevis bilong gavman i kam insait long viles na komyunite bilong em i kirap.

Mining bilong drama i stori olsem bipo ol pipel i stap long tudak tasol nau sampela kain developmen i go insait long eria bilong ol i bringim lait na ol pipel amamas.

Dispela drama ol i bin mekim long las yia taim Memba bilong Kainantu, Yuntuvi Bao wantaim sampela lain i bin go insait long Umifintenu viles long opim wanpela nupela kofi groas asosesin. Long dispela taim tu Mista Bao i tokaut olsem em bai pulim EMTV i go long Umifintenu viles. Ol pipel i mekim singsing, stringben na putim kamap dispela drama long soim amamas bilong ol.

# Lamaika Bandits strongim pasin kalsa

Joe Ivaharia i raitim

LAMAIIKA Bandits Tieta grup em wanpela danis grup bilong ol lain Wes Kerema long Galp provins na ol i stap long Talai setelmen long Badili hia long Mosbi siti.

Dispela grup i save wokim ol danis tumbuna na ol i save bilas wankain tu.

Man husat i go pas long lukautim grup, Todd Miviri i tokim Wantok Niuspepa olsem ol i bin kamapim dispela grup bihain long wanpela ben bilong ples bilong ol, Lamaika Ben i bin bruk na ol ben memba i go nabaut. Tasol ol i no lus tingting long dispela ol olpela memba olsem Michael Kapera, Steve Meyu na leit Omadi



• Ol lain bilong Koiari long Sentrel provins i soim stail bilong kalsa danis bilong ol. Foto: William Naterra

Tauru wantaim ol arapela tu. Todd wantaim Fabien Villa i kamapim dispela grup we ol namba bilong ol memba i sanap olsem 30. Planti long ol i no wok.

Em i to tu olsem i gat ol yangpela manmeri i go bung wantaim ol na i gutpela tru long ol yangpela i mas save long pasin tumbuna bilong ol ples.

Ol i kamapim ol danis tumbuna long apim nem bilong kalsa na long wankain taim tu, bilong helpim turisim insait long Papua Niugini.

## EMTV GAID

Fonde 01/04/04		Mande 05/04/04	
5.30	JOYCE MEYER MINISTRY	5.30	JOYCE MEYER MINISTRY
6.00	TODAY SHOW	6.00	TODAY SHOW
9.00	CREFFLO DOLLAR	9.00	CREFFLO DOLLAR
9.30	DR PHIL	9.30	DR PHIL
10.30	DEPARTMENT OF EDUCATIONAL CLASS ROOM BROADCAST	10.30	EMTV CLASSIFIEDS
2.30	HERE'S HUMPHREY	2.30	HERE'S HUMPHREY
3.00	HI-5	3.00	HI-5
3.30	JUSTICE LEAGUE	3.30	COURAGE THE COWARDLY DOG
4.00	SNOBS	4.00	SNOBS
4.30	PICK YOUR FACE	4.30	PICK YOUR FACE
4.57	EMTV TOKSAVE	4.57	EMTV TOKSAVE
5.00	FRESH PRINCE OF BEL AIR	5.00	FRESH PRINCE OF BEL AIR
5.29	NEWS BREAK	5.29	NEWS BREAK
5.30	THE PRICE IS RIGHT	5.30	THE PRICE IS RIGHT
6.00	EMTV NEWS	6.00	NATIONAL EMTV NEWS
6.30	A CURRENT AFFAIR	6.30	A CURRENT AFFAIR
6.57	TOK PISIN NEWS UPDATE	6.59	TOK PISIN NEWS UPDATE
6.59	LOTTO DRAW	7.00	LOTTO DRAW
7.00	CHM SUPERSOUND	7.01	PRAISE
7.57	EMTV TOKSAVE	8.00	INSAIT PNG
8.00	SPORT SCENE	8.27	RABAUL GAME FISHING
9.30	THE FOOTY SHOW	8.30	WHO WANTS TO BE A MILLIONAIRE
11.00	AFL FOOTY SHOW	9.27	EMTV TOKSAVE
1.30	EMTV NEWS REPLAY	9.30	JAG
2.00	NIGHTLINE	10.30	CHM SUPERSOUND
2.30	EMTV CLASSIFIEDS	11.30	EMTV NEWS REPLAY
		12.00	NIGHTLINE
		12.30	EMTV CLASSIFIEDS
Fraide 02/04/04		Tunde 06/04/04	
5.30	JOYCE MEYER MINISTRY	5.30	JOYCE MEYER MINISTRY
6.00	TODAY SHOW	6.00	TODAY SHOW
9.00	CREFFLO DOLLAR	9.00	CREFFLO DOLLAR
9.30	DR PHIL	9.30	DR PHIL
10.30	EDUCATIONAL CLASSROOM BROADCAST	10.30	EMTV CLASSIFIEDS
2.30	HERE'S HUMPHREY	2.30	HERE'S HUMPHREY
3.00	HI-5	3.00	HI-5
3.30	JUSTICE LEAGUE	3.30	COURAGE THE COWARDLY DOG
4.00	SNOBS	4.00	SNOBS
4.30	PICK YOUR FACE	4.30	PICK YOUR FACE
4.57	EMTV TOKSAVE	4.57	EMTV TOKSAVE
5.00	FRESH PRINCE OF BEL AIR	5.00	FRESH PRINCE OF BEL AIR
5.29	NEWS BREAK	5.29	NEWS BREAK
5.30	THE PRICE IS RIGHT	5.30	THE PRICE IS RIGHT
6.00	NATIONAL EMTV NEWS	6.00	NATIONAL EMTV NEWS
6.30	A CURRENT AFFAIR	6.30	A CURRENT AFFAIR
6.59	NEWS UPDATE	6.57	TOK PISIN NEWS UPDATE
7.00	LOTTO DRAW	6.59	LOTTO DRAW
7.01	TOK PIKSA	7.00	HAUS & HOME
7.30	RENOVATION RESCUE	8.00	REPORT
8.27	EMTV TOKSAVE	8.27	RABAUL GAME FISHING
8.30	FRIDAY NIGHT FOOTBALL Sydney Roosters v Penrith Panthers	8.30	SURVIVOR: All Stars
11.00	FRIDAY NIGHT AFL LATE	9.27	EMTV TOKSAVE
2.00	EMTV NEWS REPLAY	9.30	STINGERS
2.30	NIGHTLINE	10.30	THIRD WATCH
3.00	EMTV CLASSIFIEDS	11.30	EMTV NEWS REPLAY
		12.00	NIGHTLINE
		12.30	EMTV CLASSIFIEDS
Sarare 03/04/04		Trinde 07/04/04	
7.00	BARNEY	5.30	JOYCE MEYER MINISTRY
7.30	AROUND THE WORLD IN 80 DAYS	6.00	TODAY SHOW
8.00	PLANET FANTA	9.00	CREFFLO DOLLAR
9.30	DOWNLOAD	9.30	DR PHIL
10.00	SO FRESH	10.30	EMTV CLASSIFIEDS
11.00	X-TREME SPORT	2.30	HERE'S HUMPHREY
11.30	SURFSPORT	3.00	HI-5
12.30	18 FT SKIFF	3.30	COURAGE THE COWARDLY DOG
1.30	THEY MUST BE MAD	4.00	SNOBS
2.00	FISHING NA	4.30	PICK YOUR FACE
2.30	SATURDAY AFL	4.57	EMTV TOKSAVE
5.30	ESCAPE WITH ET	5.00	FRESH PRINCE OF BEL AIR
6.00	NATIONAL EMTV NEWS	5.29	NEWS BREAK
6.30	AUSTRALIA FUNNIEST HOME VIDEO SHOW	5.30	THE PRICE IS RIGHT
7.30	NCDC NEWS	6.00	NATIONAL EMTV NEWS
8.00	SOUTH PACIFIC MUSIC	6.30	A CURRENT AFFAIR
8.57	EMTV TOKSAVE	6.57	TOK PISIN NEWS UPDATE
9.00	XENA: WARRIOR PRINCESS	6.59	LOTTO DRAW
10.00	HERCULES	7.00	HAUS & HOME
11.00	BABYLON 5	8.00	REPORT
12.00	NEWS REPLAY	8.27	RABAUL GAME FISHING
12.30	EMTV CLASSIFIED	8.30	SURVIVOR: All Stars
		9.27	EMTV TOKSAVE
		9.30	STINGERS
		10.30	THIRD WATCH
		11.30	EMTV NEWS REPLAY
		12.00	NIGHTLINE
		12.30	EMTV CLASSIFIEDS
Sande 04/04/04			
6.20	CHITCHAT	5.30	THE PRICE IS RIGHT
6.27	EMTV TOKSAVE	6.00	NATIONAL EMTV NEWS
6.30	THE TEACHING MINISTRY OF CHARLES STANLEY	6.30	A CURRENT AFFAIR
7.00	IT IS WRITTEN	6.58	TOK PISIN NEWS UPDATE
7.30	POSTCARD	6.59	LOTTO DRAW
8.00	BUSINESS SUNDAY	7.00	BACKYARD BLITZ
9.00	SUNDAY	7.30	MCLEOD'S DAUGHTERS
11.00	SIGNS OF THE TIMES	8.27	RABAUL GAME FISHING
12.00	NRL FOOTY SHOW	8.30	WEDNESDAY NIGHT MOVIE: MAJOR LEAGUE - BACK TO THE MINORS
1.00	SUNDAY AFTERNOON AFL	Comedy on an over-the-hill baseball player who takes a job managing a lousy Triple-A team. Stars: Scott Bakula, Corbin Bernsen	
4.00	SUNDAY FOOTBALL St George Illawarra v Newcastle Knights	10.27	EMTV TOKSAVE
6.00	NATIONAL EMTV NEWS	10.30	SOUTH PACIFIC MUSIC
6.30	SEVENTH HEAVEN	11.00	EMTV NEWS REPLAY
7.30	SIXTY MINUTES	12.00	NIGHTLINE
		12.30	EMTV CLASSIFIEDS

## Sande Nait Muvi: Space Cowboys

OL BIKNEM muvi eka bilong bipo olsem Clint Eastwood, Tommy Lee Jones na Donald Sutherland i soim stail bilong ol gen long dispela piksa. Clint Eastwood wantaim tripela poroman bilong em ol olpela tes pailot bilong US Ami long bipo. Ol i bin kisim skul long pailotim wanpela spes balus. Nau dispela olpela spes balus i stap na i nogat man i gat save long draivim. Olsem na gavman bai singautim ol dispela lapun long kam



• Ol dispela lapun man em ol hap man bilong draivim balus i go long spes o i lusim graun na i go antap tru long go long mun. Bipo ol i nogat sans long go. Tasol nau ol tasol i gat save long draivim wanpela spes masin olsem na ol i ekseais i stap bilong strongim bodi. bek na draivim dispela soim olsem stail bilong spes balus i go long mun. lapun em i strong yet ya. Wanpela gutpela piksa is

## NATIONAL WEEKLY HIT PARADE

Twisties i sponsa Sarare, Mas 6, 2004

Singsing	Musik	Las Wik	Dispela Wik
Buimo Road	Atis Camp 7	2	1
Hanua Maurina	O-Shen	1	2
704 (a loklok NCR)	Jnr Insects	6	3
Nasa	D2 Band	3	4
Railman	Niu Age Band	4	5
Tsomli Ala	Niu Age Band	5	6
Kalivuvur	Patti Potts Doi	13	7
Upengi	Wembis of Lae	7	8
Bui Tairos	Patti Potts Doi	7	9
Gutsomi	Niu Age Band	8	10
Mekeo Reggae	Camp 7	11	11
Papua New Guinea	Hollie Maea	16	12
Sunshine	O-Shen	17	13
Pita Pidik	Jnr Insects	18	14
Kange Kantri	Eskimo Band	10	15
Hagen Meri	Spectators	12	16
Mama	X-Anats	9	17
Mulmul	Zong Hits	0	18
K-Town	Jnr Insects	0	19
Ples Wau	Patti Potts Doi	6	20
In			
Mui Mui	Zong Hits		
K-Town	Jnr Insects		
Out			
E Tamange	Niu Age Band		
Pes Nogut	Med Wagi		



Nem: Santric Peter

Krismas: 22 (meri)

Adres: Rait Prais Auto Parts, PO Box 871, Kimbe, WNB

Save laikim: Ridim buk, waswas long wara, danis, mitim nupela pren, lukim muvi na kukim kaikai.

Nem: Richard Mel

Krismas: 22 (man)

Adres: PO Box 850, Madang, Madang Province

Save laikim: Pilai soka, go lotu, lukim TV, go raun long taun, tok pilai wantaim ol pren, raun lukim arapela provins, mekim pren wantaim arapela na senisim foto na presen.

Nem: Joe Rama

Krismas: 17 (man)

Adres: Yate Holy Trinity Community School, PO Box 69, Ialibu, Mendi, SHP  
Save laikim: Harim musik na mekim pren

Nem: Mathew Kepalis

Krismas: 15 (man)

Adres: Yate Holy Trinity Community School, PO Box 69, Ialibu, Mendi, SHP  
Save laikim: Pilai basketbol, kuk na mekim pren.

Nem: David Diwi

Krismas: 16 (man)

Adres: Yate Holy Trinity Community School, PO Box 69, Ialibu, Mendi, SHP  
Save laikim: Ridim buk, mekim pren na go lotu

Nem: Baptist Dapu

Krismas: 17 (man)

Adres: Muli Primary School, PO Box 69, Ialibu, Mendi, SHP  
Save laikim: Welkamim nupela pes, mi amamas long kisim pas na bekim.

Nem: Peter Ririma

Krismas 24 (man)

Adres: Good Shepherd College, PO Box 53, Banz, Western Highlands Province

Save laikim: Lainim nupela samting long arapela, stap pren blong olgeta na serim aidia.

# Masalai i giamanim yangpela meri



BIPO bipo tru long wanpela ples, wanpela lapun meri i stap. Em i stap wantaim tupela tumbuna bilong em. Wanpela em liboi na narapela em meri. Masalai i bin kaikaim ol narapela manmeri long ples na tripela tasol i stap. Masalai i kaimkaim tu papamama bilong tupela pikinini.

Olgeta taim, tupela yangpela i save go sindaun long nambis na singsing long papamama bilong tupela. Wanpela taim nau, wanpela dolfin i kam klostu tru long nambis na wok long kalap kalap. Olsem na tupela brata susa i save amamas stret long lukim dispela.

Ol i stap i go i go olsem na tupela i kamap olsem bikpela man na meri. Wanpela nait, brata i tokim susa bilong em olsem long nait bai tupela i go bombom na painim pis. Bilong ol.

Na ol i no save olsem wanpela masalai i wok long stap klostu long ol na harim ol i tok-tok.

Nait nau, masalai i tanim i go olsem susa bilong man na i kalap i go pinis long kanu. Taim

meri tru i kam, em i lukim olsem brata bilong em i go pinis wantaim masalai. Em nau i save pinis olsem masalai bai kaikaim brata bilong em. Em i go holim tumbuna meri bilong em na ol i kra.

Taim mani sutim pis na putim insait long kanu, em i wok long pinis nating. Nait tu ya na man i no save olsem masalai i wok long daunim ol pis.

Em nau, man ya i sutim wanpela krupis na putim long kanu. I no longtaim em i harim pairap bilong krupis we masalai i wok long kaikaim.

Em nau man ya i kisim tingting pinis olsem dispela meri i no susa bilong em. Em masalai meri. Na ol kaikain tingting i kamap nau long het bilong em.

Em i kirap na tokim masalai meri long pul i go long nambis long wanem em i laik toilet. Masalai meri i hariap tru pul i go long nambis tasol em i tokim man ya long hariap. Man ya i wok long toilet na tok-tok long pekpek bilong em olsem sapos masalai meri i singaut, em bai tokim em olsem "mi stap." Em nau, man i ronawe i go long ples.

Tupela meri i lukim em long haus na ol i kirap nogut tru na

amamas tru. Man i kirap hariap na tokim tupela meri long bungim liklik kago bilong ol na ronawe i go kwik long nambis.

Ol i stat long singsing i go i go na lukim tupela dolfin i wok long swim i kam long nambis. Hariap tru, man i kisim wanpela rotp na givim long susa bilong em.

Em i tokim tupela long kalap long dolfin na go long ailan. Na taitim rop long wanpela bikpela diwai. Em yet bai kam bihain, em i tok. Dispela ailan i save stap klostu long bikpela ailan tasol namel bilong em i gat ol saksak na pukpuk na solwara i save raf o strongpela stret.

Masalai meri ya i wet i go i go na em i singaut tasol man ya i bekim olsem em i stap. Masalai i wet i go i go na klostu moning i bruk.

Em nau masalai meri i wok-abaut i go long kilim man. Taim em i singaut gen, em i harim olsem man ya i bekim long narapela hap.

Em mi kamap long dispela hap, man ya i wok long bekim long narapela sait gen. Nau masalai i save olsem dispela man em i man nating. Na em i mas ronawe pinis long en. Em i singautim olgeta masalai long bus long kam na ol bai kilim

tripela ya na kaikaim ol. Taim ol masalai i kamap long ples ol i no lukim wanpela man. Ol i lukim tasol wanpela rop i pas long wanpela bikpela diwai na i go olsem long ailan.

Mna ya i bin wokabout tasol long rop ya na hap em i taitim long diwai na narapela hap em susa bilong em i taitim long diwai long ailan.

Em i kamap long ailan na em i tokim tupela susa bilong em olsem ol masalai i wok long bihainim em tasol boi nogut ya em i save kilim em. Ol masalai ya i no isi, ol planti tru ya. Ol i wokabout long rop na ol i kam klostu long ailan nau.

Na boi nogut i sekim sekim rop na olgeta masalai i pondaun i go daun long solwara. Man, ol saksak na pukpuk anit i no weit. Olgeta masalai i pinis. Nating.

Narapela grup masalai gen i kam wokabout i kam na ol i go daun long solwara na long maus bilong ol pukpuk na ol i pinis nating.

Em nau, tripela i kam bek long ples bilong ol na ol i stap amamas tasol.

Kimberley Bernard Gordons  
Nesenei Kapitel Distrik

## Mi laikim helpim long wari bilong mi

**Dia Laiplain**

**TAIM papa bilong mi i bin dai sampela yia i go pinis, mi bin promis olsem bai mi no inap marit bikos bai mi lukautim mama na tupela susa bilong mi.**

**Olgeta poroman bilong mi i marit pinis. Na ol meri i wok long askim mi tu long marit. Mi no egens long marit tasol mi painim hat long toktok long ol meri, maski long ol toktok nating tasol. Nau mi bungim wanpela meri na mi laik serim ol tingting, askim na ol arapela samting i sut long marit.**

**CARING**

**Dia Pren**

I luk olsem yu bin wokim strongpela tingting long no marit bikos long hevi i bin kamap taim papa bilong yu i dai. Wanpela samting em yu laikim helpim bilong papa long marit bilong yu na tu, bikos yu mas lukautim ol famili memba. Yu ting wanem, ol dispela samting i pasim yu tru long marit o? I gat ol arapela hauslain inap long helpim yu wantaim dispela wok? Inap yu marit na lukautim yet mama na ol susa bilong yu? Dispela em sapos meri bilong yu bai gutpela long ol. Noken lus tingting olsem dispela kain situesen i no inap long stap oltaim. Ol susa bilong yu bai groap na ol bai lukautim ol yet. Sapos mama bilong yu em i yangpela yet, em i ken marit gen. Sapos em i lapun, em bai dai yet. Yu no laikim bai mama bilong yu i dai yet na lsem gutpela pikinini, yu lukautim em. Tasol em bai ino inap stap oltaim. Mipela i laikim yu long tingting gut nau bikos ol dispela samting bai stopim yu long marit nau bai lus na wanpela de, bai yu painim olsem yu wan i stap sori. Bai yu nogat meri, nogat mama na nogat susa bikos ol tu bai marit na yu no inap long lukautim moa. Mipela i tok olsem noken marit, nogat. Tasol



yu mas wokim disisen bilong yu yet, tasol ol tingting mipela i putim long yu inap helpim yu long wokim disisen bilong yu.

I luk olsem yu tingting long marit bikos ol arapela i toktok long yu long en. Tru, long PNG taim man o meir i laik marit, i famili na hauslain i save go insait long em. Na tu, em i no gutpela long tingting long marit bikos ol narapela lain i putim tingting long yu long en. Tingim, wanpela bikpela samting em meri i narapela lain, olsem yu tasol na bai yu luksave olsem em i gutpela poroman. Na prensip bilong yutupela bai gro na bai yutupela gat strongpela laik long wanpela arapela. Na dispela laik inap pasim yutupela long marit. Fainol disisen bilong yu long dispela em yu yet i mas mekim.

Tasol i luk olsem yu no gat kliapela tingting long wanem samting yu laikim. Yu tokaut tu long wari yu gat olsem yu painim hat long toktok wantaim ol meri. O ating tru tru yu laik marit. I luk olsem yu mas wokim tripela disisen na dispela em long:

**\* Yu bai ino inap marit:** noken tingting na toktok planti long dispela. Toktok gut wantaim ol meri tasol noken strongim sait bilong wokim spesel prenpasin. Wokim pani na lap taim ol poro bilong yu i tok long yu tu i mas marit.

**Bai yu marit:** Tru, tasol yu no inap long wokim dispela yu yet. Bai i mas gat meri na em i mas wanbel. Tasol sapos tingting bilong yu i strong long marit, yu mas toktok gut, wokim gut na soim inters long meri. Na bai yu inap long painim wanpela bai yu gat

laik tru long em, luksave na em tu bai wokim wankain long yu na famili bilong yu. Mama na ol arapela hauslain bai helpim yu long painim rait meri. Long kain man olsem yu husat i save sem long toktok wantaim ol meri, i gutpela moa sapos yu toktok wantaim sampela lain na painaut long sampela samting long en. Dispela bai givim yu save na strong long wanem kain meri na em i rait meri long yu i ken wokim pren pasin wantaim. Dispela meri i ken wok long wanpela opis wantaim yu, go long sios, hap bilong pilai na yutupela i save pinis long wanpela arapela. Sapos yu apinim olsem em i rait meri tasol yu sem long toktok long en, raitim wanpela pas i go long em. Tasol noken hariap raitim leta we yu tok yu laik maritim em o yu laik prenim em samting. Raitim wanpela gutpela leta olsem dispela w eol gutpela poroman i save raitim long wanpela arapela. Sapos em i wanpela gutpela meri, em bai toktok gut na yu bai lusim tingting long sampela ol wari yu gat long en.

**Bai yu wet sampela taim moa bipo yu wokim wanpela samting long tok yu laik marit.** Sapos yu yangpela yet, yu ken weit sampela yia pastaim pastaim. Taim yu weit, opim yau na ai i stap na wanpela de, bai yu painim wanpela gutpela meri husat bai yu laikim tumas na bai yu ino inap long laik wet moa. O sapos nogat, bai yu amamas long stap single.

**LAIP LAIN**

**TOKSAVE**

Sapos yu gat hevi o wari, rait i kam long Lifeline. P O Box 6047, Boroko, NCD. Yu ken ringim mipela tu long telipon namba 3260011. Mipela i no inap long autim trupela nem bilong yu long hia tasol taim yu rait long Lifeline, yu mas putim trupela nem na etres bilong yu na bai mipela i salim bekim long pas bilong yu.

## Hap Hap Nius

## BP PNG bai givim sevis yet

KASTOMA sevis i wanpela bikpela hap wok bilong bisnis bilong British Petroleum Papua Niugini (BP PNG) na wok bilong givim bensin long ol kastoma bai i go het insait long 12-pela mun moa.

Kampani i salim bisnis bilong en pinis i go long kampani bilong Canada, InterOil Ltd, tasol em bai tilim yet ol bensin bilong en long ol 10-pela sipot teminel na depo o ol hap bilong kisim bensin bilong ol sip na kar bilong en long kantri.

## Morobe namba 3 long kamapim kopi

MOROBE provins i nau stap namba 3 long kamapim planti kopi bihain long Westen Hailans na Isten Hailans, Smolholda Groas Asosiesen i tok.

Tok orait long lokel kampani Yha Huaka Ltd long holim lisens long ekspotim o salim kopi i go ovasis i soim dispela.

Gavana bilong Morobe provins, Luther Wenge, i amamas tru long dispela nius na i bin mekim tok promis long kamapim gut moa ol bikpela rot long ol distrik we i save groim kopi.

## Rebit faming kamap long Sandaun

TENKILE Conservation Alliance, wanpela non gavman ogenaisesen (NGO) long Lumi, Sandaun provins, i stat long groim ol rebit long givim sans long ol pipel long ples long kaikai wanpela narapela kain mit.

Rebit em i wanpela animol we i olsem sikau tasol i liklik, kala bilong em wait na i save ron aninit na antap long graun. Em i wanpela animol we PNG i impotim o kisim i kam insait long kantri long ol narapela kantri na i no animol bilong PNG stret.

Ol volentia bilong Australia, Jim na Jean Thomas, i bin baim 15 rebit long Nesanel Agrikalsa Rises Institut (NARI) long Lae long tupela wik i go pinis karim ol i go long Lumi.

Ol i mekim dispela long wanem ol pipel bilong ples i save painim ol sikau tumas long kilim na kaikai na ol sikau long dispela hap i wok long pinis nau.

Ol i bilip olsem sapos i gat ol rebit tu i stap ol pipel i gat narapela mit tu we ol i ken kaikai na dispela i ken helpim ol sikau long stap long taim liklik na kamapim ol narapela sikau.

Ol rebit bai stap insait long ol liklik kalabus long Lumi na ol Thomas bai tilim ol i go long ol manmeri bihain long ol i lainim ol long famim gut.

## Wok strong long kisim ol intanesenel maket

FISING industri long Papua Niugini i mas strong long painim ol sans sapos em i laik kisim ol intanesenel maket, dairekta bilong INFOFISH, Dokta S. Subasinghe i bin tok las Fraide.

INFOFISH em i han bilong Fud Agrikalsa Ogenaisesen Fising Infomesen long Esia Pasifik na hetkota bilong ol i stap long Kuala Lumpur long Malaysia.

Dokta Subasinghe i tok industri i mas mekim gut moa ol sistem em i save yusim na wok em i save mekim.

Em i bin mekim ol dispela toktok long wanpela wan de nesanel woksop long "promosen na maketing ov veliu edok tuna prodaks" we i bin kamap long Pot Mosbi.

Dokta Subasinghe i tok PNG i gat planti gutpela pis na i ken kamap wanpela strongpela fising industri stret.

Long wankain taim Minista bilong Fiseris, Alois Kingsley, i tok olsem PNG i mas strongim fising industri bilong en.

Em i tok PNG i ken kamap namba wan ples long rijen we planti tuna fising i ken kamap tasol long mekim dispela i kamap helpim i mas kam long olgeta lain husat i stap insait long industri na ol praivet sekta tu.

# Is Nu Briten laik kamapim wel pam

IS NU BRITEN i wok long lukluk long kamapim ol wel pam fam long provins bihain long provinsel gavman i skelim olsem kokonas industri i stap long hevi.

Ol bikpela agrikalsa prodak provins i save salim long kisim mani em kopra na kakao, tasol nau namba bilong ol pipel husat i wok long kamapim kopra i go daun.

Gavana bilong Is Nu Briten provins, Leo Dion, i tok long wanpela bung bilong Rabaul Semba ov Komes na Industri i no long taim i go pinis olsem kokonas industri i stap long hevi.

Em i tok ol kokonas diwai i stap long pinis bilong laip bilong ol we ol i no inap kamapim planti kokonas na ol pipel husat i save kamapim kopra i no planim ol nupela diwai.

Mista Dion i tok olsem sampela kantri olsem Filipins, husat i save kamapim planti kopra tu, nau i wok long kamapim

wel pam.

Em i tok gavman bilong em i mekim disisen long tupela yia i go pinis long tok orait long ol investa long kamapim pam wel long provins na i bin makim 4-pela hap we dispela inap kamap.

*"Forestri i no givim provins gutpela helpim."*

Ol dispela 4-pela hap em Lassul Baining, Ania Basin, Mevelo Veli na Open Be, Mista Dion i tok.

Provinsel gavman i opim dua long ol investa long kamapim pam wel long Open Be pastaim we wanpela 13,500 hekta blok i redi pinis.

Ol pepa bilong dispela projek i stap pinis wantaim Dipatmen bilong Nesanel Plening na Nuklia Estet Program bilong Esian Divelopmen Benk long karimaut

wanpela stadi long dispela projek long lukim sapos em bai ron gut na mekim mani sapos em kamap o nogat.

Wok long stretim ol hap graun we dispela projek bai kamap na lukim sapos ol i orait long kamapim pam wel long en bai kamap aninit long 2004 woks program bilong provinsel gavman.

Mista Dion i tok olsem ol i wok long groim Arabica katimor kopi pinis long sampela ol hap bilong Baining na wanpela tan i redi pinis long ekspotim o salim i go ovasis na narapela 5-pela tan i stap long ekspotim tu.

Mista Dion i tok olsem long sait bilong forestri provinsel gavman i skelim olsem em i wanpela industri we planti gutpela diwai i save go aut long kantri tasol nogat helpim i kam bek long ol pipel long sait bilong wok, infrastraksa olsem rot, bris o hausik, na mani we i kam long provins.

## Kopi fama i wari

*...Senis long Kopi Industri Koperesen Ekt*

WANPELA bikpela sekta bilong kopi industri we i lukautim klostu long 89 pesen bilong prodaksen bilong kopi i tokaut long wari bilong ol long ol senis we i kamap long Kopi Industri Koperesen (CIC) Ekt o lo long wanem ol i bilip dispela ol senis i givim Minista bilong Agrikalsa moa pawa long bosim CIC long ol wok bilong en.

Ol wok manmeri husat i stap insait long kopi industri wantaim tu ol pipel husat i gat ol blok kopi na ol asosiesen bilong ol smolholda fama i bung wantaim long singaut long gavman long tok orait long Palamen long kisim bek dispela disisen bilong en long senisim Seksen 4 bilong CIC (Stetyutori Funksens na Pawa) Ekt bilong 1991.

"Kopi industri i lukim ol dispela senis bai karim planti politiks i kam insait long menesmen wok bilong industri," ol tupela asosiesen bilong industri i bin tok long wanpela stetmen i kam long ol nius manmeri.

Mausman bilong CIC Bod

*"Dispela kain pasin i save kamap taim husat man i mekim i gat tingting na plen bilong em yet we i no inap ron gut wantaim ol polisi bilong CIC Ekt we i stap pinis."*

na ol manmeri husat i gat ol sea insait long kopi industri, James Korarome, i singaut long Minista bilong Agrikalsa na Laipstok, Moses Maladina, na Palamen long kisim bek



Dispela ol manmeri husat i save groim kopi i sanap long ples balus long Karamui, Chimbu provins, na amamas long wok CIC i bin kamapim long daunim kos bilong kago bilong kopi ol i save putim long balus. Tasol nau ol i wari long ol senis we i kamap long CIC Ekt we i givim rait long gavman long bosim wok CIC i save mekim na nogut dispela i bagarapim sindaun bilong ol tu. Foto: JAMES KILA.

disisen bilong en long Septemba 2003 long mekim ol dispela senis long Ekt.

Peter Launa, wanpela mamba bilong Simbu Smolholda Kopi Groas Asosiesen, i tok olsem ol i wari tru long we minista na gavman i bin senisim Ekt long kisim pawa long bosim ol wok Kopi Industri Koperesen i save mekim.

"Mista Maladina i bin givim pepa long kisim tok orait long kamapim ol senis long Ekt hariap tru na em i bin go stret long Kabinet long kisim tok orait bilong ol na tok orait bilong Palamen long de bipo long gutpela paitim toktok i bin kamap," Mista Launa i tok.

Asosiesen bilong ol groa i tok olsem minista na gavman i no bin bihainim stret rot bilong mekim ol dispela senis long Ekt olsem kisim tingting na tok orait bilong Sentrel Ejensis Konsaltativ Komiti (CACC).

"Dispela kain pasin i save kamap taim husat man i mekim i gat ol tingting na plen bilong em yet we i no inap ron gut wantaim ol polisi bilong CIC Ekt we i stap pinis," Mista Launa i tok.

Ol senis we i kamap i tok nau olsem minista bilong agrikalsa i ken tokim CIC Bod long karimaut ol politikel daireksen bilong em.

Industri i wari olsem minista i ken yusim dispela pawa

bilong em long: givim laisens long ol manmeri na kampani husat i no inap long kisim ol dispela laisens aninit long polisi bilong CIC; givim mani bilong CIC i go long ol manmeri o grup we CIC i no inap tok orait long en; Sasim ol bikpela fi long ol groa na kisim dispela mani na putim i go insait long ol arapela industri, o daunim ol fi we CIC i no inap ron gut long wanem i nogat mani, na; tok nogat long makim bilong ol dairekta bilong CIC long ol makim i kam insait long ol asosiesen bilong ol wanwan sekta insait long industri na makim ol lain bilong ol yet husat i save wok politiks wantaim ol i go insait.



## Dipatmen bilong Praim Minista na NEC (PSRMU)

### WOK I GO HET LONG PABLIK SEKTA LONG STRATEJIK PLEN

**T**aim Pablik Sekta Rifom Progrem i kamap inap nau, i gat wok i go het pinis long kamapim ol senis insait long sampela eria pinis. Wampela senis em long ol benking na fainans sistem insait long PNG we i bin kamap aninit long praive-taisiesin progrem.

Gavman i stat long lukluk long bikpela hap mani i save go long gavman opis olsem Difens Fos bai ol i mas wok na i noken tromoi mani nating bilong mekim wok bilong PNG.

Mipela i wok long go het long ol las hap bilong dispela wok wantaim Pablik Ekspenditsa Riviu na Resenolaisiesin (PERR) progrem o progrem we i lukluk bek long wok bilong pablik sekta bilong brukim na yusim mani.

Dispela model em i kamap long wok bung wantaim bilong PNG na ol opisa bilong Wol Benk aninit long lukaut bilong Sentrel Ejensis Kodinesin Komiti (CACC).

Long namba wan hap bilong Pablik Sekta Rifom Plen, Pablik Sekta Rifom Menesmen Yunit (PSRMU) i holim wok bilong sekim wok bilong brukim na yusim mani bilong ol gavman dipatmen. I gat 15 ejensi i stap pinis aninit long dispela wok riviu na moa bai i kam bihain.

Ol dispela wok riviu i soim klia olsem i mas i gat senis, tasol i gat sampela wok banis i kam long ol bosman bilong ol gavman Dipatmen. Dispela rifom i strongim senis long tingting long sait bilong ol pasin bilong yumi long wok na long wankain taim tu long yumi mas redi long ol nupela wei yumi wok bihainim.

Mi bilip olsem lidasip na gutpela menesmen em ol bikpela samting bilong strongim wok bilong ol ogenaisiesin. Save mipela i kisim long bipo i soim klia olsem planti wokman bilong gavman i save mekim giaman pasin insait long pablik sevis olsem na em i nogat strong long kisim sevis i go long ol pipel. Ol kain paol makim bilong ol man long sinia menesmen level we ol i no lukluk long wok save na ol arapela save i mas stap bilong holim ol dispela kain wok. I gat planti bos man i wok long senis klostu klostu bikos ol memba bilong palamen i laikim. Dispela em i bagarapim independens bilong pablik sevis na strong bilong em long wok strong long sinia menesmen level.

Pablik Sekta Rifom progrem i laik helpim long stretim ol dispela hevi. Em bai sotim rot bilong makim ol bosman bilong ol dipatmen na provinsel administresin. Ol nupela rot bai i wankain long ol stetutori ejensi o wok bisnis bilong gavman tu. Nupela rot nau oli bihainim bilong makim man i holim ol wok i strongim dispela rot long ol i mas wokim wok gut na i mas lukim olsem ol dipatmen i mekim gut wok bilong ol. Ol wokman bai kisim ol gutpela samting long wok ol i mekim na sapos ol i no mekim gutpela wok ol i ken kisim strongpela mekimsave sapos ol i no inapim mak bilong wok ol i mas mekim. Nupela sistem nau ol i wok long wok bihainim.

Long kamapim moa strong bilong karim sevis i

go long ol pipel, PSRMU i kamapim Sevis Impruvmen Progrem (SIP). SIP i wok long wok gut bai ol sevis inap long go gut long ol pipel bilong Papua Niugini i stap long ol as ples. Dispela progrem i kamap pinis long sikspela provins pinis; Westen Hailans, Morobe, Milen Be, Wes Nu Briten, Nu Ailan na Isten Hailans. Em i kamapim pinis na wok bung wantaim fopela nesenel ejensi olsem Dipatmen bilong Pesenol Menesmen, PNG Institut ov Pablik Administresin, Pablik Sevisis Komisin, na PNG Paia Sevis.

SIP nau i gat 31 grup i wokim ol wok bilong strongim sevis, na ol dispela grup i wok long givim ol as tingting o plen bilong strongim wok bilong ol ejensi long nesenel na provinsel level na i save givim skul long ol nupela rot bilong wok na ol samting bilong yusim long kamapim strongpela wok. Dispela progrem i save mekim ol ejensi i wok bilong strongim ol ogenaisiesin bilong ol yet taim ol i strongim ol sistem, proses o rot bilong bihainim long wok bilong karim sevis i go long ol pipel.

Sentrel Ejensis Kodinesin Komiti i givim luksave bilong em i go long kamapim Midium Tem Pablik Sekta Raitsaising Strateji 2004-2007. Dipatmen bilong Pesenol Menesmen i wok long wok long dispela polisi pepa we Minista bai givim i go long Kabinet o Nesenel Eksekutiv Kaunsol (NEC) pastaim long mun Jun long dispela yia bai em inap long kamap long 2005. Dispela em i stap insait long ol bikpela as tingting bilong Stratejik Plen bilong Pablik Sekta Rifom 2003-2007 we ol i bin opim long namba 25 de bilong mun Februari 2004.

2004 MONI PLEN i putim mak pinis we pablik sevis i mas stap long en. Dispela mak em ol i mas katim daun sais bilong pablik sevis inap long 10 pesen insait long tripela yia i kam. Dispela rifom bai kamap sapos ol i yusim ol nupela straksa na gavman i sapotim gut. Medium Term Public Service Rightsizing Strategy em i lukluk long kamapim dispela.

I kam inap nau, i gat samting olsem 70 ejensi we i save givim ol gavman sevis, na sampela moa stetutori o wok bisnis bilong gavman na ol arapela lain husat i save givim tok stia long gavman. Mani i save go long ol administresin bilong ol dispela lain i napim 40-50 pesen long olgeta mani i go long mekim wok bilong ol. I mas i gat bikpela senis i kamap long daunim pasin bilong planti ejensi i mekim wankain wok.

Ol dispela kain hevi i soim olsem i mas i gat senis. Na gavman na ol bosman bilong wan wan dipatmen na ejensi na ol provinsel administresin i mas soim rot long karim Pablik Sekta Rifom i go het. Bikpela samting em ol bosman bilong ol gavman dipatmen na ol ejensi i mas igo pas long rifom.

Praim Minista Sir Michael Somare i soim rot taim em i toktok long Stratejik Plen taim em wok

olsem ol dipatmen, ejensi na provinsel administresin i mas go het long karimaut ol rifoms. Olsem na em i laik lukim olsem "bosman bilong wan wan ogenaisiesin i mas i go pas long bihainim ol senis bai kamap long ol gavman dipatmen."

Mi tu, olsem bosman bilong olgeta wok manmeri mi gat wankain tingting. Wok bilong CACC em bilong kodinetim na menesim dispela rifom proses. CACC bai was long wok bilong ol bosman bilong ol ogenaisiesin long luksave olsem ol i mas kamapim na karimaut ol rifom plen bilong ol yet tasol i mas stap aninit long ol strateji na bikpela as tingting bilong gavman i stap insait long Stratejik Plen bilong Sapotim Pablik Sekta Rifom 2003-2007.

Taim bilong ol bosman bilong ol dipatmen na ol provinsel administreta long abrusicim ol dispela kain samting i pinis. Olsem Siaman bilong CACC, mi gat pawa aninit long ol senis long Pablik Sevis Ekt long sekim wok bilong ol bosman bilong ol dipatmen na ejensi na givim ripot long wok bilong ol long wan wan yia. Mi bai lukluk stret long wok bilong ol bosman bilong ol dipatmen; sapos ol i wok hat, bai ol i kisim luksave. Tasol sapos ol i no mekim gut wok, ol bai kisim mekimsave.

Mi laik luksave long ol wok manmeri insait long dipatmen bilong mi husat i go pas long sapotim dispela rifom progrem. Pablik Sekta Rifom Menesmen Yunit na Dairekta Jenerel bilong em Bill Kua, MBE wantaim tim bilong em we i karamapim ol olupela bosman bilong ol dipatmen, ol man i givim tok stia i kam long Australia na Nu Silan aninit long nem bilong AusAID i wok hat long tripela yia i go pinis long sapotim na go pas long kamapim ol senis.

Sapos i nogat hat wok bilong dispela yunit, nogat wampela wok bai i go het. Ol bai go pas long wok bilong ol na wok hat long helpim ol ogenaisiesin long skruim wok bilong ol olsem ol "change agents" o ol lain i karim senis. Dispela kain wok i mas kam yet long ol bosman bilong ol diaptmen na ejensi.

Mi laik singaut strong long yupela long ritim na save gut long Stratejik Plen we bai i kamap insait long dispela Niuspepa long ol wik antap we bai i stat long namba 5 de bilong mun Epril 2004 na i go yet. Yu inap long givim tingting bilong yu i go long PSRMU long telepon 327 6764. Bilong ritim dispela plen long tok pisin na polis-motu, ritim *Wantok Niuspepa* long namba 8 de bilong mun Epril, 2004.

**Joshua Kalinoe, CBE**

Chief Secretary to Government



# Praim Minista en dipatmen bona NEC (PSRMU)



## PUBLIC SECTOR REFORM ENA GAUKARA KARAIA PALANI

**P**ublic Sector Reform ena senisi abia mai gaukara idia hamatamaia nega amo ia mai bona hari senisi badadia haida idia havaraia vadaini. Inai senisi be hegeregere PNG lalonai Bank edia gaukara bona Moni ena gaukara naria oreadia idia hoihoilaia ena kahanai.

Gavamani ese danu moni badaherea idia negea oreadia hegeregere Defence Force dekenai senisi idia karaia vadaini moni idia negea kava lasi vaira nega lalonai.

Inai nega lalonai danu Public Expenditure Review bona Rationalisation (PERR) program henunai moni gaukaralaia dalana itaia lou bona hanamoa gaukara be Central Agencies Co-ordination Committee(CACC) ese idia gunalaia bona PNG Gavamani bona World Bank edia gaukara hebou amo idia haginia.

Public Sector Reform ena palani kaha ginigunana lalonai Public Sector Reform Management Unit (PSRMU) ese Gavamani department lalodiai moni gaukaralaia dalana idia itaia lou. Inai nega lalonai Gavamani ena gaukara oreadia 15 lalonai edia Moni gaukaralaia dalana idia itaia vadaini bona orea haida danu gabeai do idia itaia diba.

Inai tahua gaukara ia vara noho ese ia hedinaraia senisi abia mai gaukara be gau badana ta to gaukara oreadia gunalaia taudia momo be idia ura lasi inai senisi ia vara, unai dainai iseda ura badana be taunimanima ese edia lalohadai idia giroa vadaini gau matamata idia vara noho gaudia idia abiadae bona senisi idia karaia.

Lau egu lalohadai badana be gunalaia dalana bona gaukara naria namo namo dalana amo gaukara oreadia lalonai senisi bona namo idia abia mai diba. Hanaia nega dau dau lasi lalonai Public Service ena gaukara dekenai gaukara gunalaia daga naria taudia momo edia daga amo idia kokia kava vadaini inai ese Public Service ena gaukara aheaua dalana ia hadikaia bona taunimanima be idia abiahidi kava Politic kahanai orea haida edia ura dalana badinaia totona. Inai bamona kara ia vara amo Public Service ena gaukara bona Gaukara gunalaia daga naria taudia edia gaukara namonamo dalana idia hadikaia.

Public Sector Reform program o senisi abia mai gaukara ese inai kerere gabudia momo idia ura hanamoa vadaini Gavamani ena gaukara gunalaia daga naria taudia bona Provincial Administrator daga naria taudia edia abiahidi dalana idia karaia diba dala maoro dekenai. Inai senisi gaukara abia mai dala matamata henunai Managers o gaukara gunalaia taudia ena abiahidi dalana dekenai goada henia. Inai anina be gwaumaoro dalana amo gaukara do idia karaia bona gaukara namona idia karaia neganai edia kwalimu ahuna do idia abia diba to bema kerere idia karaia neganai kerere ena ahuna danu do idia abia. Inai kerere hanamoa dala mata mata be hari idia gaukaralaia noho.

Public Sector Reform ena Management Unit (PSRMU) orea ese Gavamani ena heduraa

abia mai dalana hatubua totona ta ladana Service Improvement Program o SIP idia haginia. Inai SIP orea ena gaukara badana be Hanua taudia dekenai edena bamona Gavamani ena durua do ia abia mai dalana idia haginia. Inai SIP Program be Province ibounai six dekenai idia gaukaralaia noho bona inai gabudia be; Western Highlands, Morobe, Milne Bay, West New Britain, New Ireland bona Eastern Highlands dekediai.

Inai SIP gaukara danu be Gavamani ena gaukara orea badadia hani lalonai idia haginia vadaini bona inai oreadia be ; Personal Management, PNG Institute of Public Administration, Public Service Commission bona PNG Fire Service.

Service Improvement Program o SIP ena gaukara karaia oreadia ibounai 31 idia haginia vadaini bona inai orea edia gaukara be National Gavamani bona Provincial Gavamani lalonai sisiba do idia henia edena bamona taunimanima dekenai durua abia mai gaukara idia hatubua namo namo. Inai SIP Program ese gaukara oreadia ibounai dekenai durua bada do ia henidia Gavamani ena durua abia mai daladia bona taravatudia gaukaralaia kahanai.

Central Agencies Co-ordination committee ese 2004 ia lao 2007 edia huanai gaukara palani ladana Medium Term Public Sector Rightsizing Strategy idia haginia. Personal Management orea ese inai palani ena gaukara taravatu idia torea hegaegae noho Minister henia totona daika ese Gavamani ena Cabinet hebou dekenai do ia henia June hua ia do abia lasi neganai bona lagani 2005 lalonai do idia gaukaralaia. Inai palani ese danu Strategic Plan for the Public Sector Reform 2003 - 2007 ena palani ia badinaia noho.

Lagani 2004 ena Budget o moni gaukaralaia palani henunai Public Service ena moni ia gaukaralaia dalana do idia utua diho 10% dekenai vaira lagani toi lalonai. Inai bamona senisi abia mai daladia amo gaukara orea namona ta do idia haginia bona bona Gavamani ena palani do ia badinaia namo namo diba. Gavamani ena Medium Term Public Service Rightsizing Strategy o palani be inai gaukara karaia totona idia haginia.

Inai neganai lalonai Gavamani ena gaukara oreadia ibounai 70 idia gaukara noho bona inai orea edia gaukara bona gaukara karaia taudia edia davana ese Gavamani ena moni kahanai ia abia noho. Unai dainai senisi abia mai gaukara ese inai bamona gabudia do idia hamoaoro-maoro.

Inai senisi abia mai gaukara be gaukara maragina lasi bona Public Sector Reform o senisi ia hatubua dalana tamona be Gavamani ena gunalaia taudia, Department bona Agency oreadia, muri muri kahanai gaukara oreadia bona taunimanima ibodiai bema idia gaukara hebou. Inai senisi gaukara be Department bona Agency oreadia ese do idia gunalaia.

Prime Minister, Sir Michael Somare ese inai sienisi abia mai palani ena hereva ia halasia

neganai ia gwau, inai gaukara karaia ena metau be Gavamani department, Agency oreadia bona Provincial Administration edia imana lalonai ia noho. Ia ura itaia, gavamani ena gaukara gunalaia taudia ibounai ese Public Sector reform ena gaukara do idia gunalaia bona hatubua goada.

Iseda Gavamani ena gaukara gunalaia daga lau naria lalonai, lau sibona ese danu inai senisi abia mai gaukara ena hua hua lau ura itaia.

Central Agencies Coordinating Committee (CACC) o Gavamani ena gaukara gunalaia oreadia edia gaukara badana be Gaukara oreadia gunalaia taudia edia gaukara idia itaia bona edia palani o senisi abia mai gaukara hatubua goada gaukara idia karaia namonamo noho bona Gavamani ena Public Sector Reform palani 2003 ia lao 2007 edia hunia idia gavaia noho.

Department gunalaia taudia bona Provincial Administrator ese guna nega lalonai Gavamani ena palani idia badinaia lasi ena negadia be idia ore vadaini. CACC orea ena Chairman daga lau naria lalonai Gavamani department gunalaia taudia edia gaukara do lau itaia namonamo bona gaukara namona idia karaia neganai ena kwalimu ahuna do idia abia diba to bema gaukara idia karaia namonamo lasi neganai edia gaukara ena ahuna do lau henia diba.

Lau ura hanamoa hereva lau henia ia lao lau egu Department orea dekediai daika ese inai senisi abia gaukara ena metau idia huaia noho. Public Sector Reform Unit bona ena gunalaia tauna, Mr. Bill Kua MBE, bona ena durua henia taudia Australia bona New Zealand tanobada amo daika be Ausaid ena durua henunai hanaia lagani toi lalonai inai senisi gauklara haginia ena kahanai sisiba hereva idia henia. Bema inai orea idia noho lasi neganai iseda senisi abia gaukara palani do ia gini diba lasi inai nega lalonai.

Lau ura inai Gavamani ena senisi abia mai palani ena sivarai umui duahia bema vaira pura haida lalonai idia hedianaraia inai Nius pepa lalonai. Inai sivaraidia be April hua ena dina 5 lalonai do idia hamatamaia.

Bema inai sivarai oi duahia amo henanadai haida oi ura karaia neganai Public Sector Reform Management Unit oi rini henia Telefoni ena numera 3276764 dekenai.

Inai sivarai tamona Police Motu o Tok Pisin gado amo be Wantok Niuspepa dekenai do umi duahia diba April hua ena dina 8 ia abia neganai.

**Joshua Kalinoe, CBE**  
Chief Secretary to Government

# WANTOK

# TREID DAIREKTRI

Sapos yu laik putim nem o sevis bilong kampani bilong yu long Treid Dairektri, ringim BONNER HUI long Ph: 325 8527 or Fax: Nogat yet EMAIL: wordadvertising@global.net.pg

### BAIM GOL

#### Gol Baia - Metals Refining Operations

Givim gutpela prais insait long kauntri bilong yumi. Ino namel man ibaim long yu. Kam na salim gol bilong yu stret long opis bilong MRO.

MRO istap long Seksen 451, Alotment 2, Kuila Estate, Kameron rot, Waigani P.O. Box 3980, Boroko, NCD Papua Niugini

Phone: 325 2647 or Fax: 325 2959

### GOL BAIYA

#### KVDC GOLD LIMITED

1. Would you like to own a Gold Company that makes Money for you today?
2. Do you need money now? We believe you do. We can certainly help you repay all your loans if you join us today.
3. How about your current job? Is it secured and are you making money that you deserve? Call us now.
4. Is your future Financially secured? We don't think so. Call us now, do not delay.

We Specialise in:

- Buying & Selling Gold in PNG and Overseas using stronger currencies
- International Gold & Commodity Trading
- International money transfers
- Establishing OD Limits for PNG Rural people to do business
- Assisting PNG Rural People Start up Small Business

CALL US NOW!

Ph: 311 3445, 311 3444 or 311 3446

Fax: (675) 311 3447

PO Box 3183, BOROKO, NCD

Email: natwolaptru@datec.net.pg

### FRESH SAGO AND VANILLA

#### EAST SEPIK FRESH SAGO - K20Kg Bag

Wewak / Madang Wewak / Hagen  
Wewak / Lae wewak / Goroka  
wewak / Moresby

Contact: Peter Devis - Ph/Fax: 856 2743

Email: pdevis@datec.net.pg

#### VANILLA VINE CUTTINGS

for sale, nearly to all destination in the country.

For price list contact Peter Devis on Ph/Fax: 856 2743, email: pdevis@datec.net.pg or postal address: P.O. Box 89 Wewak, ESP

how to make a good quality cured beans.

Book also Available

We also can be agents for vanilla bean buying companies.

### MENESMEN SEVISES



#### MANPOWER

Management Services Limited  
(Fast and Efficient Service)

- Training & Localisation programs
- Work Permits
- Visas
- Company Incorporations
- IPA Certifications  
(Reminders automatically remitted)

Contact: Helen, Liz,  
Telephone: 321 5491 / 321 5492

Facsimile: 321 5493

Email: manpower@daltron.com.pg



#### ISLANDS HR MANAGEMENT SERVICES LTD

A bridge to your future career  
Specialise in the following activities

- HR Management
- Business development
- Rural / NGO Funded projects
- Training & Localisation
- Recruitment & Labour Hire
- Passport & Work Permits
- Secretarial Service

We are located at

Suit 8 Level 1 Garden City, Angau Drive, Boroko

Email: islandshrmc@datec.net.pg

PO Box 889, Boroko, NCD

Ph: 323 4955; Fax: 323 4799

### PISIN TANIM TOK



#### TRANSLATION

WORD PUBLISHING IS OFFERING  
TRANSLATION SERVICES,  
TRANSLATE ENGLISH TO  
TOK PISIN & MOTU

FOR MORE INFORMATION CALL BONNER HUI ON

PHONE 325 2500 OR FAX 325 2579.

email: wordadvertising@global.net.pg

### REKODING STUDIO



#### WE CAN OFFER

- Digital Recording
- High Speed Dubbing
- Album & Demo Production
- Commercial Audio Jingles
- Hire of Studio Equipment
- Public Address System
- Bulk Cassette & Compact Disk Orders
- In-house DJ Music
- Live Bank Entertainment

For any of the above services please contact Douglas on Tel/Fax: 326 1523 or write to: Manager, PO Box 339, UPNG

### INSURANCE

#### PABLIK NOTIS HIH INSURANCE (PNG) LTD

Ol Dairekta blong HIH Insurance (PNG) Limited ("HIH PNG") (pastaim ol i save kolim MBf Assurance na FAI Insurance) i laik toksave long pablik olsem Kampani i kam klostu nau long pinisim ol wok blong em insait long PNG.

Olsem tasol, HIH PNG (wantaim MBf Assurance na FAI Insurance) i askim sapos husait man o meri i bilip olsem em i gat kleim we kampani i no stretim yet, orait em i mas salim kleim o wari blong em i kam long dispela adres; HIH Insurance (PNG) Limited, Level 2, Mogoru Moto Building, Champion Parade, Port Moresby, P O Box 507, Port Moresby o long Fax namba 321 2780 o long email [kpmgpng@kpmg.com.pg](mailto:kpmgpng@kpmg.com.pg) kwik taim tasol.

Bod of Dairektas blong HIH PNG i autoraisim

### SEKENHAN KLOS

#### FRIENDTEX LTD

P.O. BOX 5049 BOROKO

PHONE: 323 1471

FAX: 323 1479

Dealers & Wholesaler Secondhand Clothing

**SPEND LESS FOR BEST**

**PRE CHRISTMAS..... Specials**

**A Visit is a Must**

**ALL IN BALES OF 50KGS**

- K595 Jean Trouser, Child Jean, Beach Shorts, Bedsheets, Skirts, Colour Jean Pants, Child Pants, Boy colour Jean, L/Tank Tops, S/Less Dress, 3/4 Disco Pants, Nylon Rummage, Sports Shorts, Hemmed Shorts, L/Zip Jackets, Boy Jeans, Ladies Tights, M/Tank Tops, L/Sleeve Polo, Capre, Blue Jean Jackets
- K770 Cotton Pants, Kids/TShirts, Denim Shirts
- K630 Child Mix, Collar T/Shirts, BS/PCK
- K550 RN Plain T/Shirts, Skirts Pants, Jean Shorts, Mix Shorts, Floopy Pants, Socks, Skirts, Tropical Pants, Pillowcases, S/Less Blouse, Flannel Shirts
- K880 Towels, Jean 100 PCs.

**AVAILABLE & NEW STOCKS**

Cargo Shorts, Cargo Trousers, Hunting Jackets, Rugby Polo, Jersey, Cotton Blouse, Mix Jersey, Ladies Bra, Ladies Suit, Denim Bermuda Shorts 3/4. Mixed Bales AA Supreme & special price. Special discount for bulk buyers.

Location: Kenmore Trade Centre

Unit 11 off Cameron Road

Next to Arnotts Biscuits Factory - Gordons

### TREID NA EKSPOT

#### FAIRFAX EXPORTS LIMITED

LICENSED CROCODILE SKIN TRADERS AND EXPORTERS

**We buy Crocodile Skins**

**MON - SAT**

BURNS HOUSE

STANLEY ESPLANADE, PORT MORESBY

Tel: 321 4755

Fax: 321 4751

### SURGEON ON CALL

**If you want a second opinion, a surgical advice or any other medical assistance then we are happy to help you.**

**Give us call.**

**Phone: 311 - 3440**

**BH Mobile:**

**683 8585 AH**

**We are located at the top floor Johnson's Pharmacy at the back.**

**Ringim Bonner Hui sapos yu laik advatais insait long Treid Dairektri bilong mipela.**

**Ph: 325 8527 - Email: word @global.net.pg**

# WIKEN EKSEN POTOS


wantaim Joe Ivaharia




\* Gol Kipa bilong Telikom Isabelle Seseara i laik pasim gol suta bilong Finance Waine Watson long skoa. Telikom i win 32 - 28



\* Sori tumas bal i go insait pinis! Miriam Varina bilong Koki Praimeri skul i pairapim umben bilong Pomis long Skul soka resis bilong ol meri long Sarere. Koki winim gem 2-0



\* Junia tenis pilaia Siales J. Pangatana i paitim bal i go bek long narapela kot insait long Junia tennis competition long Bava kot.




\* Pilaia bilong Valima i laik setim bal long volibal gem long NCD kompetisen.



\* Gol difenda bilong telikom i laik rausim bal long Jean Rex bilong Finance.



\* Soka eksen long wiken.



## Ol bai katim Andrew Johns

ANDREW Johns bai go long haus sik bai ol dokta i katim em na/stretim hevi bilong ol masol long lek bilong em.

Ol dokta bilong em i tokaut long dispela bihain long ol i sekim gut lek bilong em na painimaut olsem ol i mas katim em long stretim.

Yangpela pul bek bilong Knights tu, David Seage ating bai i bihainim Johns long mekim wankain bikos em tu i mas kisim wankain bagarap.

Kosa bilong Newcastle Knights, Michael Hagan i tok olsem em wantaim tim i sori tru long tupela wan pilaia bilong ol, tasol ol i lukluk strong long wok hat taim tupela man ya i no



• Andrew Johns i kisim taim bihain long lek bilong em i kisim hevi. Nau ol dokta i tok ol i mas katim em na stretim dispela hevi.

pilai. "Mi toktok wantaim Andrew pinis na em i strongim tingting na stap.

"Mi save olsem olgeta arapela pilaia bilong mi i pasim tok pinis long wok hat long ol pilai taim Johns i no stap. Em bai wanpela bikpela salens tru bikos Mark Hughes i no stap, Craig Hall na Clint Newton tu i no stap.

"Nau mipela i lusim pinis Steve Simpson, Johns, Seage na ating Timana Tahu tu bai i no inap long pilai," Hagan i tok.

Em i tok em i gat bikpela bilip long ol boi bilong em na ating bai ol inap long strong inap long pinis bilong sisen.

## NRL Kot i lukim 5-pela pilaia bihain long Raun 3

FAIVPELA pilaia bilong NRL i kisim sas long ol pilai nogut bihain long Raun 3 bilong NRL resis.

Bikpela nogut pilai tru we sas i kamap long en em wanpela takol Alex Chan bilong Melbourne Storm i mekim long wanpela yangpela pilaia bilong Dragons, Ryan Powell long Sande.

Sapos Chan i tok aut hariap olsem em i rong long mekim dispela pilai nogut, ating kot bai marimari long em na gim em tupela wik long sait-lain tasol.

Bryce Gibbs bilong Wests Tigers, Anthony Watmough bilong Manly Sea Eagles, Michael Ennis bilong


Newcastle Knights i kisim ol sas bilong ol i mekim ol gret tu hai takol long ol gem bilong ol.

Ennis na Watmough ating bai ol i no inap kisim mekimsave sapos ol i tokaut kwik olsem ol yet i rong.

Gibbs em i sanap pinis long NRL kot bipo olsem na em bai i no inap pilai agenmsim Cowboys long dispela wiken.

Fulbek bilong Manly, Andrew Walker i abrusim saspensen bihain long em i tokaut kwik olsem em i rong taim em i mekim wanpela strongpela takol Greg Bird bilong Sharks we inap long bagarapim em long las wik Sarere.

## Panthers i no soim strong yet



• Strongman bilong Penrith, Luke Priddis i bin go pas long ol boi bilong em long kilim paia bilong Warriors. Em i tok strong bilong ol long pinisim sisen bai ol i holim i stap.

OL PENRITH Panthers i tok olsem ol i no soim gut strong bilong ol yet long NRL resis.

Winga Amos Roberts i soim spit bilong em long sait lain taim em i skorim 4-pela trai agensim ol Warriors long las wiken.

Tasol long Fraide nait, ol bai skelim tru strong bilong ol taim ol i bungim gen Sydney City Roosters.

"Mipela bai no inap long pinisim strong bilong mipela nating long tupela o tripela gem tasol i go insait long sisen," huka Luke Priddis i tok. "Mipela lukluk long pilai strong long wan wan wik bai mipela i gat strong bilong pinisim gut sisen."

Kosa John Lang i tok em i amamas olsem ol i statim sisen wantaim win.

Em i tok taim ol i pilai agensim ol Warriors, ol i stat pilai olsem ol tu.

"Ating i bin gat liklik hap basketbal tu stap insait long pilai bilong mipela las wik, tasol mipela i winim gem. Em bikpela samting.

"Mipela i luksave olsem dispela Fraide nait em bai narapela stori olgeta," Lang i tok.

Penrith Senta Ryan Girdler ating bai inap long pilai agensim ol Roosters.

"Mipela inap long strongim gem bilong mipela moa," Priddis i tok. "Samting olsem 10 gem i go insait long dispela sisen, ating bai mipela i stap long mak mipela i stap long en long las yia na bai mipela skelim get strong bilong pilai bilong mipela."

## NRL rausim 2 poin long Broncos

...Brisbane bai apil...

NRL i rausim pinis tupela poin long Brisbane Broncos bihain long ol i painimaut olsem Brisbane i bin gat wanpela moa pilaia antap long 13 we i mas i stap long fil.

Dispela i bin kamap bihain long wanpela pilaia bilong Wests Tigers i bin mekim hai takol long Shane Webcke.

Ol trena bilong Brisbane i wok long kisim Webcke i go aut long fil na man i senisim em, Corey Parker i bin go insait.

Tas jas opisel husat i salim Parker i go insait i tok olsem em i bin singaut tripela taim long Parker long noken go insait yet tasol em i no harim tok.


NRL i tok olsem rul i tok klia olsem ol tim i no inap long gat moa long 13 pilaia long fil long wanpela gem.

Sief Eksekutyutiv Opisa bilong Brisbane Broncos, Bruno Cullen i tok olsem ol i no amamas long pasin bilong NRL long rausim tupela poin long klab.

Pastaim long NRL i rausim tupela poin, Brisbane i tok olsem rong i stap wantaim refri bikos em i no kolim stopim taim bai Shane Webcke, husat i bin airaun liklik bihain long ol i takolim em i isi isi long lusim fil.

Long wankain taim, man i senisim em, Corey Parker, i bin go insait long pilai na skorim wanpela trai.

NRL i tok olsem ol



• Kepten bilong Broncos Gordon Tallis i brukim difens bilong Tigers long las wiken. Ol i winim gem tasol ol bai i no inap long kisim tupela poin long en long wanem NRL i rausim.

opisel i bin tokim Parker long wet long saitlain tasol em i no harim.

Broncos bai i mas mekim wanpela bekim namel long nau inap

laik rausim poin bilong ol bois long dispela liklik samting tasol.

Em i tok rong em i stap wantaim refri Shane Hayne.

"Mipela i gat wanpela pilaia (Webcke) husat i kisim wanpela hai takol.

"Bihain mipela i pilai wantaim 12-pela man tasol. Corey i bin go insait 23 seken bihain long refri i winim wisel bilong em na tripela takol i kamap pinis long namba wan set long takol.

"Olsem na mipela i pilai wantaim 12-pela man tasol long klostu long siksipela. takol. Dispela i no fea. Man husat i mekim hai takol long Webcke i bin stap long fil yet. Na mipela i bin gat 12-pela man tasol i pilai. Refri i bin

statim bek pilai taim Webcke i stap long fil yet," Cullen i tok strong.

Em i tok long sait bilong Parker, em i bin go bek long saitlain bihain long opisel i bin singautim em i go bek. Taim em i kam bek namba tu taim, opisel ya i tok 'lukim em (Webcke) i stap we? Em i stap long han bilong ol trena em i hap'inda' na em i go bek long fil gen.

Nogat man i askim em long go bek namba tri taim.


Cullen i tok olsem dispela kain samting inap long kilim klab stret. Nau ol tim insait long NRL resis i wok long pilai strong tru na taim sisen i pinis, tupela poin em bai kamap bikpela samting tru ya.

*"Rong i stap wantaim refri long wanem em i no kolim taim of bai Shane Webcke inap lusim fil."*

long namba 9 de bilong mun Epril.

Bihain ol inap long kisim kes i go long apils komiti.

Cullen i tok olsem ol i belhat tru long NRL i



# Sharks brukim kiau

CRONULLA Sharks i brukim kiau long las wiken taim ol i winim namba wan pilai bilong ol long 2004.

Nau ol pilai i stap long Raun 3 bilong Nesanel Ragbi Lig resis long Australia, na long namba wan na tu raun, ol Sharks i no bin winim wanpela pilai.

Tasol long las wiken, ol i taitim bun na brukim wantaim ol Sea Eagles.

Nupela kosa bilong Sharks, Stuart Raper, i bin amamas wantaim pilai bilong ol bois bilong em na em i tok olsem bikpela samting em ol i winim wanpela gem.

Raper i bin kisim ples bilong namba wan kosa bilong ol Sharks, Chris Anderson bihain long em i bin lusim klab long op sisen. Taim Raper i kisim wok olsem kosa bilong ol Sharks, em i bin laik soim olsem em inap long kosim ol Sharks na ol inap long winim ol pilai.

Em i tok bikpela samting em ol i winim namba wan gem bilong ol long dispela ya.



• Kepten bilong Cronulla Sharks, David Peachey na ol boi bilong em i amamas long namba win bilong ol long 2004 bihain long ol i daunim ol Manly Sea Eagles 28-10 long las wiken.

Raper i tok sapos ol i bin lus namba tri taim, ating bai ol i no inap long pilai gut na tingting bilong ol bai i no inap long strong long pilai i go het yet.

"Nau sindaun bilong mipela i orait. Taim yu wok hat long op sisen, yu laik statim sisen bilong yu wantaim wanpela win.

"Las wik mipela i pilai gut tasol mipela i no win. Tasol nau mipela i pilai moa beta long ol wan wan hap, tasol mipela larim gen

Manly long pait strong long kam bek insait long gem. Tasol bikpela samting em tupela poin i stap pinis long sko bot," Raper i tok.

Em i tok em i wari liklik long pilai bilong ol bois bilong em.

"Mipela i bin lit long hap taim 28-8, tasol ol bois i lusim Manly i kam bek strong na sotim skoa i go 28-20. Mipela i lusim ol i kam bek insait long gem, na mipela i mas traim stre-tim dispela," em i tok.

Raper i tok em bai toktok wantaim kosa bilong ol NRL refri Robert Finch long dispela wik long toktok long sampela samting long sait bilong ol penelti.

Sampela hevi bilong ol Sharks em bek rowa bilong ol Andrew Lomu i brukim bun long pes bilong em bihain long Shayne Dunley i abrus na kikim em.

Kosa bilong ol Sea Eagles, Des Hasler tu i no wanbel wantaim skoa.

Em i kros tru long ol kain kain asua ol pilaia bilong em i wok long mekim taim ol i wok long dropim bal.

"Ol dispela kain asua i no gutpela. I no givim sans long mipela long traim na pilai strong. Tasol taim mipela i holim gut bal, mipela i skorim ol pions," Hasler i tok. "Ating ol pions bilong ol (Sharks) i kamap bikos ol i holim gut bal. Mipela wok long kilim mipela yet."

Bihain long Sharks i bin go pas 18-8 long hap taim, ol i kam bek na Brett Kimmorley na Kepten David Peachey i skorim tupela trai.

Trai bilong Peachey em wanpela stail trai tru bikos bal i go tru long han bilong 7-pela man olgeta pastaim long em i kisim na skorim trai.

Tasol ol Sea Eagles tu i kisim strong long Andrew Walker husat i kam bek long ragbi lig bihain long em i bin lusim na go pilai ragbi yunion.

Walker i kikim gol bilong trai bilong em yet long katim daun mak bilong sko bilong ol Sharks.

Gem i bin wanpela gutpela gem tru we i lukim planti stail pilai i kamap.

## Raun 4 NRL Dro

Fraide, Epril 2

**Telstra Stadium**  
Penrith Panthers V Sydney City Roosters

\*Lukim dispela gem long EMTV long Fraide nait

Sarere, Epril 3

**Canberra Stadium**  
Canberra Raiders V Parramatta Eels

**Ericsson Stadium**  
NQ Cowboys V West Tigers

**Aussie Stadium**  
South Sydney Rabbitohs V Cronulla Sharks

Sande, Mas 28

**Win Stadium**  
St George Dragons V Newcastle Knights

\*Lukim dispela gem long EMTV long 4 kilok long apinun na putim iau long FM 100 sapos yu laik harim laip brodkas bilong dispela na ol arapela gem tu.

**Suncorp Stadium**  
Brisbane Broncos V Melbourne Storm

**Olympic Park Melbourne**  
Manly Sea Eagles V NZ Warriors

Canterbury Bulldogs - Malolo

## Panthers nekim Warriors 42-22

PAIA lait winga bilong Penrith Panthers, Amos Roberts i stilim 4-pela trai taim ol i pilai agensim Nu Silan Warriors long las wiken. Ol Panthers i bagarapim stret ol Warriors na ol trai i ron olsem wara.

Ol i skorim 8-pela trai na ol Warriors i skorim 4-pela tasol.

Nau Penrith i winim tupela gem na Warriors i painim namba wan win bilong ol yet.

Penrith i nap long ronawe wantaim gem taim ol i mekim wanpela lid, tasol Tevita Latu na man i kisim ples bilong ol Warriors Louis Anderson long namba 17 minit bilong pilai i putim Warriors i go long fran.

Tasol Penrith i putim 4-pela trai gen insait long 13 minit. Roberts i skorim tupela long ol dispela trai.

Narapela bikpela man bilong Warriors Clinton Toopi i kros wantaim refri Steve Clark tumas na em i go sindaun long sinbin inap long 10-pela minit.

Long seken hap, Roberts i skorim namba tri trai bilong em.

Em i skorim wanpela ken long namba 55 minit na Penrith i sindaun long 38 taim Warriors i stap long 12.

Awen Gутtenbeil, kepten bilong ol Warriors i bin skorim wanpela trai gen long putim ol 18 taim Penrith i stap long 38.

Luke Rooney, man husat i save skorim planti trai long wan wan gem, i putim wanpela trai gen na Penrith i winim pilai.

Long Fraide long dispela wik, ol bai skelim Sydney City Roosters long 2003 gren fainol riplei.

Tupela tim wantaim i wok long pilai strongpela ragbi lig i stap. Em bai wanpela gutpela gem stret.

Difens bilong Roosters i wok long strong tru long dispela sisen tasol we Panthers i wok long pilai long skorim ol trai i fit tu.

Yumi bai lukim dispela stail tim bilong tro-moi bal raun na skorim trai egensim tim we i save kilim ol pilaia long difens.

### Poin Lata bilong NRL bihain long Raun 3

Namba	Klab	P	W	D	L	B	PF	PA	PTS
1	Roosters	3	3	0	0	0	103	36	6
2	Panthers	3	2	0	1	0	90	60	4
3	Storm	2	1	0	1	1	60	42	4
4	Knights	3	2	0	1	0	90	78	4
5	Broncos	3	2	0	1	0	78	70	4
6	Bulldogs	3	2	0	1	0	72	69	4
7	Raiders	3	2	0	1	0	58	64	4
8	Rabbitohs	2	1	0	1	1	33	42	4
9	Eels	3	2	0	1	0	78	100	4
10	Sharks	3	1	0	2	0	54	56	2
11	Tigers	3	1	0	2	0	52	55	2
12	Cowboys	2	0	0	2	1	38	43	2
13	Sea Eagles	3	1	0	2	0	64	90	2
14	Dragons	3	1	0	2	0	34	65	2
15	NZ Warriors	3	0	0	3	0	52	86	0

P: Pilai, W: Win, D: Dro, L: Lus, B: Bye o malolo, PF: Poin Fo, PA: Poin Agens PTS: Pions

### Storm lokim namba wan win

OLPELA tim bilong Marcus bai, Melbourne Storm i lokim namba wan win bilong ol insait long NRL resis long las wiken taim ol i daunim St George Illawarra 34-6.

Storm i smesim fowet pek bilong ol Dragons na holim bal moa we bihain ol i skorim trai.

Storm i bin pilai strong na skorim 6-pela trai. Dragons i skorim wanpela trai tasol.

Nupela fes gred pilaia bilong ol Storm Steve

Turner i skorim tupela trai long namba wan fes gred gem bilong em.

Namba wan trai bilong em i stail tru bikos em i pinisim wanpela beklain muv i stat wantaim lok David Kidwell i kisim bal wantaim wanpela han tasol bihain long Matt Orford i mekim wanpela sip kik.

Strong bilong ol Dragons i bin pinis nau na Trent Barrett tu i no bin inap long kirapim bek ol tim met bilong em long pilai strong na ol Storm i nekim ol.

# Trukai Komyuniti Spot Edukesen progrem i gutpela

...Ol manmeri i lainim planti samting

**Paul Zuvani i raitim**

TAU Peruka, Ray Auda na Geraldine Vagi Sioni nau i ken tok klia long ol spot manmeri na ol narapela manmeri long we bilong pilai, lukautim pilai na wanem samting ol i ken kisim o painim long pilai.

Peruka, Auda na Sioni em ol Sentrol provins ples lain husat bipo i no klia sapos ol i save bilong wanem na ol i pilai o lukautim pilai inap long las wik na mun we ol i go aninit long Komyuniti Spot Edukesen progrem we ol i klia long mining bilong pilai spot.

Komyuniti Spot Edukesen progrem bipo i kamap aninit long Trukai Yut Spots progrem inap long las yia tasol we i lukim nem bilong em i senis na kamap Trukai Komyuniti Spot progrem.

Bipo em olsem progrem i lukluk tasol long ol yangpela tasol nau em i lukluk long helpim olgeta manmeri long komyuniti.

Aninit long nupela nem lukluk nau i stap long tok klia long Integrol Humen Dvelopmen. Dispela em olsem spot i helpim gutpela sindaun bilong man long sait bilong bodi, tingting na spirit.

Yumi i ken tok dispela progrem nau i lukluk long skulim ol manmeri long lukim spot olsem em i gutpela samting.

Komyuniti Spot progrem em Papua Niugin Spot Komisen i save go pas long en we i bin stat klostu sampela 10-pela yia i go pinis.

Long go het long kamapim gut dispela progrem i gat hevi bilong mani na olsem ol opisa bilong Komisen i askim Trukai Indastris long helpim na sponsorim.

Wantaim helpim bilong kampani dispela progrem i go het olsem em i stap inap nau.

Planti bilong ol dispela yia olsem mipela i tok pinis program i bin go long ol yangpela we planti bilong ol dispela lain em ol skul pikinini.

Inap las yia, 2003 ol opisa husat i go pas long dispela progrem i kamap long dispela tingting na tok spot i no bilong painim o kisim amamas tasol, em long helpim olgeta bikpela sindaun bilong man.

"I gat moa long sait bilong pilai spot. Taim manmeri i pilai dispela i helpim ol long stap strong, kisim na stap wantaim gutpela tingting na stap strong long spirit," progrem menesa bilong Trukai Spot Edukesen Scott Vavine i tok.

"Mipela i laik helpim ol manmeri long lainim na stap wantaim gutpela pasin long taim ol i painim na kisim amamas long taim ol i pilai," em i tok.

Em i tok bihain long dispela progrem i kamap klostu olgeta provins em ol opisa bilong komisen i go raun na givim skul long

ol manmeri.

Las wik ol opisa i bin ronim wanpela progrem long Rea Rea viles long Sentrol provins.

Klostu olsem 59 manmeri i bin kamap long dispela taim.

Vavine i tok long dispela taim ol manmeri i lainim ol samting bilong spot edministresen, refri na ampaia, kosing na Fes Aid.

"Ol manmeri i lainim planti nupela ol samting na ol i lainim long kamap gutpela ol bos bilong ronim na kamapim na lukautim ol pilai na ol pilaia.

"Mi no kirap nogut long ol i tokaut long tingting bilong ol bihain long mipela i save pinisim ol kos.

Na Auda na Vavine i tok: "Nau mipela i save long we bilong tingting, raitim na kamapim lo bilong ol klab na asosiesen, we bilong ronim ol asosiesen, klab na ol miting na wanem kain ol miting mipela i mas ronim.

"Moa long dispela mipela i lainim we long stretim ol hevi i kamap long asosiesen, klab o namel long pilaia o ol opisa.

Na Peruka bilong Tubuserea viles ausait long Pot Mosbi we ol opisa i bin ronim kos long mun Februari i tok: "Dispela kos i opim ai bilong mipela. Mipela i lainim wanem ol pasin i mas kamap namel long ol pilaia na ol opisa. I olsem ol manmeri i luksave olsem i gat oda insait long asosiesen o klab we ol manmeri i mas bihainim long wok na pilai wantaim.

Em i tok kain pasin i ken helpim ol manmeri long kamapim wanbel pasin insait long klab, asosiesen na komyuniti.

Moa long dispela Peruka i tok ol i lainim olsem ol samting i stap insait long taim bilong tren, long taim bilong pilai na bihain long pilai.

"Mipela i lainim ol we bilong wom-ap, we bilong ron, we bilong yusim ol liklik stail bilong pilai," Peruka i tok. "Moa long dispela mipela i save go aut tu lainim ol narapela lain olsem ol skul pikinini na lainim ol long dispela samting long taim ol i pilai.

"Wantaim long dispela mipela i lainim we bilong painim ol sponsa na we bilong mekim mani long sapotim na ronim ol asosiesen na ol klab.

Vavine i tok dispela progrem em i gutpela tru na olsem planti ol spot grup long kantri i wok long singaut long ol opisa bilong em i go long ol na givim dispela kos long ol.

Long Rea Rea viles ol opisa i skulim ol manmeri long volibal, ragbi lig, kosing na ampairing skul na netbal.

Na long Tubuserea viles ol i skulim manmeri long skil na lo bilong ronim ragbi lig, tas, volibal, basketbal na netbal.



• Sampela ol spotmanmeri long Migirena viles, Sentrol provins long 1999 bihain long kos. Long namel em bipo Sentrol provins gavana Ted Diro na maketing menesa bilong Trukai Indastri Neville Whitecross.

**Sponsa**

Trukai sponsasip i stat long 1995 long taim progrem i stat na olsem em i stap yet.

Trukai i save helpim long givim ol samting bilong pilai olsem bal, bet, ol pepa bilong skul, T' Set na printim ol setifiket bihain long ol manmeri i pinis long ol kos.

Sampela taim em i save helpim tu long baim rot bilong ol opisa long go aut na givim ol skul.

**PNG Spot Komisen Opisa**

Wanpela opisa Moses Tolingling tok bihain long Trukai i givim dispela sapot em i no i tokaut na i luk olsem em bai skruim yet dispela sapot bilong mipela long ronim dis-

"Mipela i lain wantaim taim mipela i givim ol kos. I olsem ol i lain long mipela na mipela i lain long ol," Tolingling i tok.

"Givim dispela kos i helpim mipela long bungim nupela ol pipel, save long ol, save long pasin bilong ol na mekim pren wantaim ol."

"Na mipela i lain long kisim wanem kain samting ol i redim na givim mipela.

"Planti taim Komisen na Trukai Indastri i helpim mipela long ol samting bilong skulim ol manmeri na long baim rot bilong mipela long wokabaut.

"Long ples bilong slip na lukautim mipela em samting bilong ol ples lain," Tolingling i tok. "Mipela i lain long slip na kaikai wanem samting ol manmeri i redim long mipela.



• Meri long yelo t'set i lainim ol skul manki long Daru, Westen provins long wei bilong pilai long 1998 bihain tasol long em i pinis long Yut Kos i kamap long Daru long dispela taim.

pela progrem. "Mipela i amamas long sapot bilong Trukai Indastri," Tolingling i tok. Sampela taim ol manmeri yet i save redim ol rot bilong ol opisa long go.

"Long ol manmeri i laikim kain progrem ol yet i save sakrifais, redim rot bilong mipela long go na givim skul," Tolingling i tok.


Em i tok wan wan taim tasol ol i save bungim ol hevi bilong ron i go i kam long givim dispela ol kos.

Narapela hevi em i tok ol i save bungim em ol buk, pepa samting bilong givim ol manmeri long taim bilong skul.

Tasol moa long dispela kain kos i helpim ol opisa long helpim ol manmeri.

Em i tok ol manmeri i save givim gutpela rispek long ol long taim ol i go na stap wantaim ol na givim skul long ol.

Ol komisen opisa husat i save go aut na givim skul em Scott Vavine husat i nesenel progrem menesa bilong Trukai Yut Spots na i save givim skul long sait bilong soka. Moses Tolingling em Sauten rijon kodineta na i save givim skul long ragbi lig, tas na refri. Kila Dick - volibal, kosing na refri; Winis Tua - Wimen In Spot na netball, Ronnie Mea - PNG Basketbal Dvelopmen opisa na Iga Lahari na Margaret Opina - netbal, ampairing na kosing.



• Ol opisa i givim skul long sampela spotmanmeri long Kainantu long

## OL NGI Golf klab i stap long tudak

OL GOLF klab long NGI i tok ol i no kism wanpela gutpela tok-save long mama grup long PNG long wanem ol samting i wok long kamap long dispela pilai.

Na olsem ol i tok ol i stap lng tudak.

Ol klab long Is na Wes Niu Britan na Niu Ailan i tok PNG Golf Asosiesen i no wok bung gut wantaim ol.

Ol i tok ol i no kism wanpela tok long AGM bilong Asosiesen, wanem kain ol miting bai kamap, wanem ol iven bai kamap na mani plen bilong Asosiesen.

Stephen Norkunas,

presiden bilong Mosa Golf Klab long Wes nu Britan i tok PNGGA i tok em i no lukim yet wanpela plen bilong Asosiesen long wanem wei em bai ranim pilai long kantri.

Em i tok em i no save sapos Asosiesen i gat plen bilong dvelopim pilai namel long ol yangpela long kantri.

Em sutim tok olsem Asosiesen i wok long lukluk tasol long kamapim ol pilai long ol senta olsem Pot Mosbi na Lae tasol long ol narapela hap em i no mekim wok.

Long wankain em i tok asosiesen i no luk-

luk tu long ol pilai bilong dispela ol narapela hap.

Em i tok taim asosiesen i mekim olsem em i wok long daunim spirit bilong ol gutpela pilai husat inap long makim kantri long no inap pilai moa.

Long taim em i mekim dispela toktok em i tok asosiesen i bin rausim sampela poin bilong ol tonamen i bin kamap long Wes Niu Britan na narapela ol provins long NGI.

"Kain pasin em nesenel bodi i mekim i no hapim spirit bilong pilai insait long kantri," Norkunas i tok.

Askim i bin go long

PNG Golf Asosiesen presiden Stan Walker tasol em i no laik long bekim askim bilong ol.

Tasol Walker i tok em i nogat wanpela toktok long mekim long wanem nau yet em tasol i wok long mekim ol samting bihain long sampela ol eksekutiv i risain long wanem ol i tok ol i gat planti wok long mekim na sampela i lusim kantri.

Long wankain taim em i askim ol asosiesen long wan wan rijon long bung wantaim na votim nupela ol manmeri long kamap eksekutiv long lukautim ol wok bilong ol.

## Kriket pilai bai go long ol ples lain

Joe Ivaharia i raitim

PAPUA Niugini Kriket Bod (PNGCB) i gat plen long promotim kriket pilai long ples.

Long go het long dispela tingting bilong em em bai kism ol bikipela pilai i go long ples bai ol yangpela i ken lukim, lainim na pilai gut kriket.

Siaman bilong PNG Kriket Bod William Maha i tokaut long dispela taim em i autim tingting long yusim Nesenel Kriket Sempionsip bilong dispela yia long traim we em bai lukim i inap long pilaim sampela gem long ol ples tu.

Neseriel sempionsip bai kamap long Pot

Mosbi long 9-12 Epril long Ista wiken.

Maha i tok dispela bai i gutpela long ol pipel husat i bihainim na pilaim kriket long ples long lukim ol top pilai long wan wan senta i kam pilai long viles bilong ol.

Em i tok sapos dispela plen i wok em bai fes taim tru long histori bilong kriket long kantri. Tupela ples we em i tingting long pilaim sampela gem na ol pipel i save laik pilai kriket em Hood Lagoon na Hula eria long Sentral Provins.

Siaman Maha i askim Pot Mosbi lokel oganaising komiti husat i go pas long sekim na salim ol kos o baset long holim ol pilai long

ples i go long em.

Foapela senta i salim pinis nominesen bilong ol long kam pilai long 2004 sempionsip. Em Pot Mosbi husat bai mekim fopela tim na Lae, Sentral na Tabubil bai salim wanpela tim.

Alotau tasol i no salim nominesen yet.

Pinis dei long salim ol nominesen bilong Nesenel Sempionsip em long pinis bilong dispela mun Mas.

Long narapela nius Maha i tok PNGCB i bin mekim wanpela besik kosing kos long Alotau las wik we tupela sinia kosa Api Leka husat i Nesenel kosa na Lakani Oala wantaim PNGCB developmen opisa Jamie Brazier i bin go ronim.

## Tigers i winim gen Lae sofbal taitel

TIGERS i winim bek taitel long Lae man sofbal taim em i stapim Marlins 5-1 long gren fainal las Sande.

Na long Sarere long pilai bilong ol meri, Manolos tu i winim gen taitel bilong ol taim ol i nilim Telikom Brown-Eagles 11-0.

Planti manmeri i kamap long lukim dispela ol pilai i kamap long Eriku pilai graun.

Ol meri Manolos i win tu long B gret pilai taim ol i pinisim win bilong Aviat Jets 7-6 long wanpela strongpela pilai tu.

Long pilai bilong ol man gutpela wok namel long pitsa Simon Peter na ketsa bilong em John Kiapen i lukimol bikipela pusi i kaikaim ol pis.

Long stat bilong pilai tupela sait wantaim i strong tasol ol bal bilong Peter i spit olsem roket we i mekim ol manki Marlins i painim hat long paitim.

Tupela sait wantaim i strong inap long namba tri ining we i lukim ol i mekim tupela hom ran we i kam long Andy Trevor na Peter Vura.

Bihain long dispela ol Marlins pilai olsem Daniel Matum, Henry Keleu, Johnny Ngahan Pomleu, Peter Kisokau na Collin Senge i traim long mekim sampela gutpela ran tasol traim bilong ol i lus nating.

Bihain long dispela tupela tim i pait hat yet inap long las ining we Paul Vura i pairapim wanpela gutpela bal we i lukim Roland Menring, Rolly Andrew na Simon Peter i mekim las tripela ran bilong ol.

Wanpela ran bilong ol Marlins i kam long Tony Francis long las ining tu.

Long pilai bilong ol meri pilai i no bin strong long wanem Manolos i strong moa long ol Eagles.

Tru ol tarangau i strongpela pisin we inap long holim pas ol abus na ol narapela samting tasol long las Sarere dispela i no bin kamap.

Ol Manolos o wel hos i strong tumas long ol Tarangau i holim pasim ol.

Long taim ol i pilai Manolos i mekim fes hom ran bilong ol long sotsop Shirely Tomangana. Dispela ron i bin kamap bihain long asua i kamap long Eagles i no tromoi bal gut long ol pilai i holim bal. Narapela ron bilong ol i kam long Beverly Pasen bihain long em-nekim wanpela gutpela bal.

Eagles i bin gat planti ol hevi long long taim ol i fil na bet.

Ol Manolos i mekim narapela gutpela ron long namba tri ining we i kam long Hennie Warpin bihain long Tomangana i pairapim bal.

Ol pilai bilong Eagles olsem skipa Vivien Yawing, ketsa Claire Augwi, Mary Stevens, Jane Siaguru, Lindy Kesere, twins sista Dorah Tutunganaram na Ursila Wanana i traim hat long stapim Manolos na skoa tasol i no inap.

Ol Manolos i kam bek gen na mekim moa ran long namba foa na faiv ining.

Long amamas long ol kosa Paul Pasen i tok ol win i lukim kaikai bilong hatwok bilong ol.

"Mipela i wok hat long kamapim dispela win na dispela i lukim kaikai bilong hatwok bilong mipela," em i tok.

"Ol pilai i pilai long wei mi laikim long em na dispela i min olsem ol no ken wari long husat i kam bungim ol long fil.

Na kosa bilong Eagles Yawing i tok ol i no bin pilai long we ol i mas pilai long em.

"Ol meri i go insait na pilai long laik bilong ol.

"Ol i pilai olsem ol i pilaim wanpela gem tasol bilong kompetisen. I luk olsem ol i no pilaim gren fainal," Yawing i tok.

Tasol em i tok ol Manolos i mas win long wanem ol i pilai gut.

## Telikom winim bek NCD PS netbal taitel

TELIKOM i soim gen olsem em i tim ol narapela tim i mas was taim em i nekim Fainans 32-28 long kism bek Pablik Sevens netbal taitel.

Dispela gren fainal pilai i bin kamap long Rita Flynn Kots long las Sarere.

Las yia Fainans i rausim dispela mak long Telikom bihain long Telikom i holim dispela taitel long sampela yia.

Long fes faiv minit taim pilai i stat tupela tim i kamapim strongpela pilai tasol i go moa yet Telikom i strong moa na abrusim birua bilong em.

Long hap taim Telikom i go pas wantaim 16-13 poin.

Long amamas long pilai bilong ol Telikom kepten Anne Dobin i tok long winim bek dispela taitel bihain long lus bilong ol long las yia i lukim ol meri

bilong ol i kaikaim tit long winim bek dispela taitel.

"Mi amamas tru long lukim ol pilai bilong mi i wok hat long kamapim dispela win. Na dispela win em bilong karamapim dispela lus bilong mipela long las yia," Dobin i tok.

"Mi givim amamas bilong mi i go long olgeta meri long kamapim dispela win.

Em i kolim ol pilai bilong em olsem difenda Kerry Tarua, Alice Andrew, Julie Vau, Isabelle Seseare na Kalia Renagi husat em i tok i givim planti het pen long ol meri Fainans.

Dobin i tok long tim i kism ol pilai olsem bipo intenesenel pilai Miriam Mega i hapim spirit bilong tim tu we Ila Vala na Mary Gumia i kism sapot long atek.

I luk olsem Mega i stilim pilai taim em i kism ples bilong

Gumia olsem gol suta.

Dispela long wanem taim Mega i kism ples long namba tu hap hariap tru em i sutim tripela gol we i lukim Telikom i go pas wantaim 19-13 poin.

Em i sutim gut ol bal we Lynna Uvau na Diane Kala i painim hat long stapim.

Wantaim gutpela wing atek i kam long Ila Vala na Dobin dispela i mekim laip bilong Fainans i go hat moa.

Na yes ol meri Fainans olsem Jean Rex, Vaine Watson, Karo Gigimat na Dairi David i traim hat long helpim tim tasol hatwok bilong ol i lus nating.

Fainans i les long las minit taim Seseare, Renagi na Mega i bunim strong long stapim olgeta strong bilong Fainans long win 32-28.

## Waliya i kism sponsasip long Post PNG

SEMPION bilong Pot Mosbi ragbi lig klab Waliya nau i gat nupela nem Post-Waliya bihain long ol i kism sponsasip long Post PNG kampani long las wik.

Dispela sponsasip i kam aninit long nem Ekspres Meil.

Sapot ya i apim spirit bilong tim na klab na olsem presiden Samuel Kenai i tok em i bilip Waliya nau bai winim moa ol gren fainal pilai.

"Mi amamas long dispela sapot em Post PNG i givim long mipela na mi save olsem long sait bilong mani dispela em i hatpela taim bilong olgeta komyuniti insait long kantri na long lukim Post PNG i givim helpim i bikipela samting tru," Kenai i tok.

"Ol tripela set long wan wan ol divisen long tripela yia olgeta i gutpela mak tru," em i tok.

"Na olsem mi askim ol narapela kampani sapos ol inap long givim helpim orait ol i no ken wet.

"Dispela kain helpim em i gutpela helpim.

Long taim bilong givim ol uniform Post PNG menesing dairekta Peter Maiden na EMS jenerol

menesa Dennis Asiba i tok ol i amams long sponsorim Waliya long wanem Waliya i gutpela tim.

"Mipela i amamas long givim jesi long nupela nem tim Post Waliya na olsem mipela i kamapim nupela poroman gen," Maiden i tok.

*"Mi amamas long dispela sapot Post PNG i givim mipela. Nau taim i hat long sait bilong mani na pasin Post PNG i mekim i bikipela samting tru."*

"Long wankain taim mipela i wisim ol ol gutpela pilai long pilai bilong ol," em i tok.

# PNG bai stap insait long Osenia pilai

PAPUA Niugini i kism wanpela tok orait pinis long pilai long Osenia Yut Basketball tonamen we bai kamap long Coffs Haba long Sidney long dispela yia.

Wanpela pas em ol opisa bilong Osenia Basketball Federesen i salim long ol memba kantri olsem PNG, Australia, Nu Silan, Nu Kaledonia, Tahiti, Fiji, Cook Ailans na Solomon Ailans.

Dispela Yut Baskebal tonamen bai kamap sampela taim bihain olsem na olgeta kantri i wok long redim ol yet long kamap.

Papua Niugini tu i wok long redi we ol pilai na ol opisa bai kamap long wanpela trening kern bilong Anda 20.

Dispela tonamen long Sidni bai kamap namel long Jun 19-26 na ol opisa i bin putim ol tim long ol pul

bihainim ol mak em wan wan ol tim i bin kism long taim ol i pilai long 2002 sempionsip.

Ol tim husat i no bin pilai long 2002 sempionsip em ol opisa i kism nem bilong ol bihain long ol pulim nem bilong ol insait long hat.

PNG man i stap long pul B wantaim Australia, Nu Kaledonia na Guam. Ol meri PNG i stap wantaim Fiji, Tahiti na Cook Ailan.

I luk olsem ol tim bai pilai long raun robin pasin.

Bihain long ol i pilai ol tim long olgeta pul bai surik i go antap na pilai long kota fainal we namba wan tim bai pilai wantaim namba foa tim na namba tu tim bai pilai wantaim namba tri tim.


Bihain long dispela ol wina bai go het na pilaim kota fainal na ol tim i lus bai pilaim ol yet.

Long taim ol tim i pilai tok i stap olsem ol pilai na ol opisa wantaim bai go aninit long sampela skul bilong no ken kism marasin nogut na long spots saikoloji.


Dispela ol skul bai go het long taim ol tim i pilai.

Ol pilai bai stat long Jun 20 we ol PNG man bai kism ol Guam na ol meri bai kism Fiji.

Tonamen bai op long Jun 19.



# WANTOK Spots



## Intanesenel lig federesen kamapim nupela lo

OLGETA presiden bilong ragbi lig insait long kantri i mas lukim olsem lig bilong ol i bihainim tupela nupela lo em Intanesenel Ragbi Lig Federesen i kamapim.

Dispela singaut i kam long PNGRFL Dvelopmen opisa Francis Matmilo.

Em i tok tupela nupela lo em ol i no nupela tumas. Federesen i mekim sensim tasol.

Em i tok dispela ol lo i kamap long taim Federesen i holim miting bilong em long Sidni, Australia long Jenuari 27 dispela yia.

Tupela nupela lo em long seksen 1.1.1 we i tok long statim pilai na seksen 5.2.1 we i tok long holim pilaia antap o insait long trai lain taim em i laik putim traime.

Matmilo i tok tupela lo ya em ol i mas bihain nau yet bihain tasol long pinis bilong miting bilong Federesen.

Long dispela Matmilo i askim olgeta presiden bilong lig long lukim olsem ol refri i bihainim dispela tupela lo long taim ol i ranim pilai.

*Olpela lo bilong statim pilai:*

Kepten bilong tupela tim husat i laik pilai pas long stat bilong pilai i save pilai laki long mani we ol i tromoi i go antap na i kam pundaun long graun. Tim husat i makim sait bilong mani i stap antap bai go pas long statim pilai.

*Nupela lo bilong statim pilai:*

Tim husat i winim het i gat sans long makim laik bilong em sapos em i laik statim pilai o larim narapela tim i statim pilai. Sapos tim i larim narapela tim i statim pilai orait dispela i min olsem dispela tim husat i winim laki pilai i lusim dispela win bilong em.

*Olpela lo bilong holim pilaia antap o insait long trai lain:*

Sapos pilaia i kamap long trai lain tasol i painim hat long putim trai bilong wanem ol birua pilaia i holim em antap yet orait dispela birua tim bai statim gen pilai bai kikim long trai lain bilong ol i go long tim bilong dispela pilaia husat i bin traime long putim trai.

Statim pilai tu i wankain sapos pilaia husat i kisim bal i no go aut long trai graun bilong em sapos ol birua tim i holim pasim em insait long trai graun bilong em. Em statim pilai gen taim em i kikim bal long trai lain bilong em.

*Nupela lo bilong holim pilai insait long trai lain:*


Sapos pilaia em ol birua i stopim em long em i no putim bal long graun long lukim trai orait tim bilong dispela pilaia i winim skram na olsem bai statim pilai 10 mita insait long graun bilong dispela tim husat i pasim dispela pilaia long em i no putim trai. Tasol namba

**bilong takol bai stap olsem yet.**

Tok piksa em i olsem sapos em i namba tri takol orait tim bilong

dispela pilai bai statim pilai wantaim namba foa takol skruim yet dispela set em ol birua pilaia i

pasim dispela pilaia husat i laik traime putim trai.



### Husat bai i go pas long Knights!

• Bikman bilong Newcastle Knights Ben Kennedy bai mas soim strong olsem dispela piksa long go pas long tim bikos Andrew Johns bai i no inap long pilai inap long sampela wik yet. Lukim moa stori bilong ol pilai long pes 28 na 29.

### Madang redi long sofbal sempionsip

MADANG sofbal i mekim bikpela kempein nau long mekim nem long nesenel sofbal sempionsip we bai kamap long Lae long Ista wiken.

Dispela em bihain long bipo pitsa bilong PNG sofbal tim Anslern Bunbun i joinim tim bilong Madang.

Bunbun em dispela man husat i tromoi ol roket bal we PNG i winim gol medol long 1991 Saut Pasifik Gems taim PNG i autim tiket bilong Guam.

Wantaim em em tupela bratasusa yah husat bai kamapim nem bilong Madang em Dick Bart Jnr na liklik susa bilong em Natalie Bart.

Tupela wantaim i save paitim strong bal na i ken opim ai bilong ol pitsa bilong narapela tim. Wantaim strongpela na gutpela save bilong tupela long paitim bal em Madang sait i makim em i pitsa bilong meri tim.

Tupela brata na susa i bin pilai pas-taim wantaim Pot Mosbi AB Bears tim na nau i stap wantaim Madang Kalibobo tim.

Bung bilong Bunbun na ol Bart i min olsem ol narapela tim long Pot Mosbi, Lae o Rabaul i mas was long kona bilong ol taim ol i krungutim Eriku sofbal graun.

Madang Sofbal Asosiesen tim menesa Ralph Tarasomo i tok blut bilong Madang i hot na redi long kapsait na kukim ol tim bilong dispela ol sofbal nem senta.

Em i tok dispela sait bilong Madang bihain long ol yia em i no bin kamap bai kam wantaim ol yangpela blut na ekspirians bilong ol olpela pilaia.

Em i tok bikpela was ol i putim em long lukaut long ol tim bilong Pot Mosbi na Lae.

Na em i bilip olsem dispela taim Madang bai soim olsem em i sait i gat strong long winim taitol.

Tim bilong man em Bunbun, Bart Jnr, Roland Kakat, Richard Katik, Kris Kaal, Willie Upaupa, Godfrey Baniau, Eremas Leslei, George Petau, Mathew Pokanau, David Upaupa, Samson Tukan, Alex Bunbun, Ali Saliau na Xavier Andrew. Pilaia kosa em Warren Kakat.

Tim bilong meri em Natalie Bart, Ludie Wangumu, Judith Gabong, Georgina Mocke, Tracey Kig, Lilian Joshua, Emma Makis, Carloyn Moeder, Sonia Tamilong, Vanessa Molean, Sue Tarasomo, Rose Bukoya, Agnes Diou na Margaret Takaili. Paul Kig i kosa, Theresa Kig i tim menesa na Nava Saki i namba tu menesa.



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.